

中國歷代卜人傳

右任



中國歷代卜人傳卷九

潤德堂叢書之八

浙江省三

87 奉化縣

唐析鄞縣地置。元升爲州。明改州爲縣。屬浙江寧波府。清因之。

明 吳國才。奉化白巖人。悉心唐舉之術。言屢巧中。遠游歸。訪縣中故舊。某不值。其

孫開肆。乃索紙筆爲書。緘別而去。某歸。孫曰。頃有吳叟留書。啓視之。曰。此吳國才

先生也。風鑒入神。書中云。相汝色。汝婦當有粉骨碎身之災。其慎之。及期。俾婦宴

坐新室。竟日不出。抵暮。食既至。廚啓。檻取水。虎爪之入山。以食。門人袁廷玉嘗侍

太宗。一日。問其受業之自。以國才對。召至。試之。果驗。將寵賜以官。國才以福薄辭。

亡何。果卒。

光緒浙江通志方技

88 鎮海縣

唐鄞縣地。五代梁時吳越置望海縣。宋改曰定海。清康熙二十六年。於舟山別置定海縣。改故定海爲鎮海。屬浙江寧波府。



鎮江袁阜樹珊編次



清 劉赤江字慕農。蛟門人。蛟門山在浙江鎮海縣東海中。去岸約十五里。古稱蛟門虎踞。著有六壬粹言六卷。道光丙戌

刊行。六壬粹言序

89 象山縣。唐析寧海及鄞縣地置。以縣有象山名。明清皆屬浙江寧波府。其地爲半島。深入海中。外寬闊而內曲屈。內與大陸相連處。有狹長形之地頸。縣治所在。卽半島之寬闊處也。

明 劉端。泗州人。景泰丙子。由選貢丞象山。以節愛稱。令缺。署篆久。民甚德之。雅善堪輿。曰象山仁里也。遂卜居城北入籍焉。光緒浙江通志富賢

90 山陰縣。漢置山陰縣。後漢爲會稽郡治。隋又析置會稽縣。宋置紹興府治此。元爲紹興路治。明清皆爲浙江紹興府治。民國廢府。併山陰會稽爲紹興縣。其地居民善製酒。有名於世。

漢 謝夷吾。夷。一作彝。字堯卿。會稽山陰人。少爲郡吏。學風角占候。太守第五倫擢爲督

郵。時烏程長有賊。鸞倫使收案其罪。夷吾到縣無所驗。但望閣伏哭。一縣驚怪。不知所爲。及還。白倫曰。竊以占候知長當死。遊魂假息。非刑所加。故不收之。月餘。果有驛馬齋長印綬。上言暴卒。倫以此益禮重之。舉孝廉。爲壽張令。稍遷荊州刺史。遷鉅鹿太守。所在愛育人物。有善績。及倫作司徒。令班固爲文薦夷吾。曰。推考星度。綜校圖錄。探蹟聖祕。觀變歷徵。占天知地。與神合契。豫尅死日。如期果卒。敕其

子曰。漢末當亂。必有發掘露骸之禍。使懸棺下葬。墓不起墳。後漢書方術光緒浙江通志方按

吳

闕澤。字德潤。山陰人。家世農夫。至澤好學。居貧無資。爲人傭書。所寫既畢。誦讀亦遍。追師論講。究覽羣籍。兼通曆數。由是顯名。察孝廉。除錢塘長。嘉禾中。爲中書令。加侍中。晉拜太子太傅。每朝廷大議。經典所疑。輒諮訪之。以儒學勤勞。封都鄉侯。初。魏文帝卽位。權嘗從容問羣臣曰。曹丕以盛年卽位。恐孤不能及之。諸卿以爲何如。羣臣未對。澤曰。不及十年。丕其沒矣。大王勿憂也。權曰。何以知之。澤曰。以字言之。不十爲丕。此其數也。文帝果七年而崩。魏黃初元年庚子。七年丙午。三國志吳書本

傳及注

唐

沈七。越州人。越州卽今紹興縣善卜。天寶乙未。王諸應舉。欲入京。於七處卜得純陽卦。下

四位動。變觀卦。沈云。公今應舉。得此卦。觀國之光。利用賓於王。本是嘉兆。然爻動羣陰。咸陽下成。乾卦上變。至四又不至五。五是君位。未得利。見大人。恐此行不至京而回。果至東京。屬安祿山反。奔走郤歸江東。光緒浙江通志方按

元 張德元號乘槎。至正間嘗爲諸暨州吏目。避亂居山陰。有奇術。善觀字。知吉凶。生一子。名之曰槐。忽謂友人云。是兒必死。槐字木傍鬼。非死兆耶。未幾兒果卒。其友病。以豐字示之。德元曰。死矣。明日訃至。或問其故。德元曰。豐字山墓所也。兩丰封樹也。豆祭器也。墓旣成矣。尙欲生乎。或以命字揖德元。使占人病。德元曰。己死。君持命字以揖。垂命之兆也。己而果然。嘗飲劉彥昭曰。今夕復有客。己而客至。問之。德元曰。吾聞滌器聲。故知耳。康熙紹興府志方技

明 張景岳名介賓。別號通一子。父爲定西侯客。介賓年十四。從游京師。時金夢石

工醫。介賓從之學。盡得其傳。爲人治病。沈思病原。單方重劑。莫不應手霍然。一時謁請者輻輳。沿邊大帥。皆遣金幣致之。其所著類經。綜覈百家。剖析微義。凡數十萬言。歷四十年而後成。著景岳全書六十四卷。於醫之外。象數星緯。堪輿律呂。皆能究其底蘊。在遼陽道中。聞御馬者歌聲聒耳。介賓曰。不出五年。遼其亡矣。介賓返越。年五十八。又二十年卒。嘉慶山陰縣志藝菊

明

周述學字繼志號雲淵子山陰人素負經濟尤達於易歷南遊楚北抵燕趙徧  
諷天官氏之術聞郭太史弧矢法以圓求圓循弦宛轉極與天肖名曰弧矢經時  
荆川唐太史博研古算著溪願司馬精演例法欲求弧矢不可得述學竭其心思  
撰補弧矢又續中經纂歷議歷學而歷法遂爲完書嘗著圖書較理論以彰易之  
體極爻象著易義以達易之用集京邵之文諧元韻之聲用占經世象識吉凶其  
他輯會占而參以命法纂通志而徵以世紀準晷極而定道里之數本山河而敘  
流峙之支水陸遠近有程以備行兵都省區域有界以表形勝星命砂水太乙六  
壬遁甲演禽風角鳥占靡不洞其元微合所纂擬凡千餘卷總題曰神道大編嘉  
靖中錦衣陸炳禮聘述學至京薦之兵部尙書趙錦錦就訪邊事述學曰今歲主  
有邊兵應在乾艮艮爲遼東乾則宣大二鎮京師可無虞也已而果然錦將荐諸  
朝仇鸞聞其名欲致之述學識其必敗乃還里以布衣終

明史方技光緒  
浙江通志方技

明 季本字明德山陰人正德丁丑進士官至長沙府知府撰易學別錄四卷分內

外二篇。外篇雜論術數之數。如皇極經世易林京房易傳火珠林太元潛虛洪範九九數參同契之類。皆辨之。又發明蓍法大旨定爲占辨占例占戒占斷合卜筮論爲內篇。四庫經部易類存目一

明

朱燮元字懋和山陰人。萬曆壬辰進士。歷官四川左布政使。天啓中以永寧奢

崇明及貴州安邦彥反。加燮元兵部尙書兼督貴州雲南廣西諸軍務。移鎮遵義以平賊功。加少保。崇禎戊寅卒於官。年七十三。燮元長八尺腹大十圍。飲啖兼二十人。治事明果。行軍務持重。不妄殺人。苗民懷之。卒諡襄毅。燮元初官陝西時遇一老叟載輿歸。盡得其風角占候遁甲諸術。將別語燮元曰。幸自愛。他日西南有事。公當之矣。明史本傳圖書藝術典術數部紀事

清

趙振芳字香山山陰人。撰有易原列古本易經爲首卷。列諸圖與說爲次卷。所

載圖說自河洛蓍法五行卦氣而外。並及天行地勢之類。四庫經部易類存目三

清

沈燁燔燔音亦燔音煩字孝瞻山陰人。乾隆己未進士。天資穎悟。學業淵達。著有子平

眞詮。長安趙展如中丞舒翹爲之序。刊行世。謂爲發揮命理。文暢識確。其論陰陽生剋及干支異同用神宜忌外格用舍尤爲綦詳。從事斯學者莫不奉爲圭臬。

中丞展如序

清 沈義方字塗山古越人著有星平大成對於夜子時與子時之推法不同敘述

詳明足補其他星命書之不逮。至論五行五星雖多陳言尙屬簡括可觀。

星平大成序

清 潘爾杲杲音稿明也字旭初山陰人精於易占卜無不驗隱居教授著竹齋卜筮要

旨卒無子。乾峰紹興府志方技

91 會稽縣隋置明清時與山陰並爲浙江紹興府治民國改併爲紹興縣

宋 鄒淮紹興人長於星曆官太史著有百中經臨邛邛音蒙多韻州名秦置臨邛縣即今四川邛崃縣治魏了翁

序其書曰百中經者所以紀七政四曜之躔次也七政之說既見於上古之書暗曜者何人之生也歲月日時各有所直之休咎而以是推測焉耳或曰古所謂六物吉凶我辰安在者疑卽此類然恐不若是之拘拘也越人鄒淮長於星曆以其



能食太史氏之祿有年矣。其續此書。自紹興十四年甲子始。每歲加以太陰入宿入宮度分。視舊行百中經。精密有加焉。雖然。古人之爲是星曆也。亦曰天命不已。物生無窮。不爲之品節財正焉。則混淪茫昧。靡所端倪。於是仰以觀於日星寒暑之度。俯以察諸草木鳥獸之變。以氣命律。以律起曆。以曆正時。以時授事。凡以建兩儀而命萬物。盡吾之職分焉耳。堯舜相授。禹箕子相傳。夫孰非是道。而中世以降。乃有假之以爲推驗人生通塞之術者。人與天地一本而生。是身也。爲陰陽之會。爲五行之端。則吉凶之義。驗諸稷禪。關諸風氣。見乎蓍龜。亦理之所當有。然星曆之初。意爲不止是也。程正公嘗言。三命是律。五星是曆。前輩大儒。似亦不廢其說。然亦卽其末流以溯其源。非謂律曆之果見乎此也。今是書斷自紹興甲子。以下存之。以其他別爲一書。而聽用者之所擇。則是書之行。庶幾不混於末流之說。而余亦有辭於學者焉。故更願與鄒君商之。

鶴山文集  
百中經序

宋 徐吉甫。會稽人。世精剋擇。奇驗頗多。文山先生曾贈詩贊之。東望會稽山。穆陵

鬱岵菴。卜壤藏劍履。伯也昭其勞。昔者遊仙人。龍耳致君王。君家世其傳。芳躅疇可量。青囊落君手。辯語如流河。尋雲履高阜。湯湯俯長波。朔風渺天垂。萬里草離離。安得接芳軌。爲君起遐思。

文信國公集附  
劉探徐吉甫

元

韓性字明善。紹興人。博綜羣籍。自經史至諸子百家。靡不極其津涯。究其根柢。而於天文地理醫藥卜筮。浮圖老子之書。亦無所不通。平居不問家有無。自奉簡約。而好周人之窮。買地數百畝於山陰巖谷中。死無所歸者。結以棺槨。聚瘞其處。完顏公貞分持使節。出按屬部。聞性名。舉爲慈湖書院山長。性謝曰。幸有先人之敝廬。可庇風雨。薄田可具饘粥。讀書砥行。無媿古人足矣。祿仕非所願也。受而不赴。暮年愈自緜晦。而未嘗忘情斯世。張公昇王公克敬于公九思。前後爲郡。皆良二千石。政事有所未達。輒虛已咨訪。性從容開導。洞中肯綮。多所裨益。有陰被其賜者矣。天曆中。平章政事趙涼公。首以先生名聞于上。後十餘歲。門人季齊以進士第一。爲御史南臺。又力舉其行義。而性於至正元年辛巳逝矣。享年七十有六。

著有五雲漫藁等書。

元黃潛文集障先生墓誌銘

清

孫文，字文若，號水月老人，會稽人。明末諸生，入國朝，隱於杭，所居爲梅園。在山門外之百步塘。老人性簡靜，一介不取，問爲歌辭以自娛。問其年，輒曰九十。以其髮盡禿，故呼之爲僧。康熙初，范忠貞公承謨撫浙，老人固預知之，蓋老人與其大父雅故。忠貞幼時嘗撫其頂，曰：兒當建節吾土。至是忠貞奉母命，物色而得之。屏聽從往謁，尋爲出俸修塘。時浙西多虎，老人輒語之曰：山上大蟲任打，門內大蟲休惹。忠貞尋奉命督閩，瀕行，老人誠之曰：耳後火發時，須有主意。門內蟲，閩也。耳後火，耿也。蓋指閩藩耿精忠也。康熙甲寅，閩藩變作，忠貞死焉。人遂以老人爲能前知，爭趨之。老人避去，不知所終。土人乃改其居爲水月菴，肖其像，若僧募僧奉之。

清神類  
鈔方技

清

鍾之模，字式林，會稽人。自少博極羣書，天文、地理以及陰陽象數，無不通曉。康熙丁酉科，舉於鄉。己亥歲，以通明曆法，奉聖祖特旨，應補五官正，候催主政。其明

年更以奇門膺特薦。分纂御書房。書成藏之祕府。又明年成進士。數年來出入禁近。極深研幾。乃復偕同邑聞人鏡曉先生。兩次奉命往外藩。相度形勢。歸來林下。優游。出其緒餘。雍正甲辰。著爲宅譜等書。並有相地戒約八則。安先意。輕利後念。重爲不孝。拘執官位。利己爲先。不顧同氣。爲不悌。力小圖大。非分干求。爲不忠。以耳爲目。忤於成心。爲不信。不送關約。專務虛文。妄邀情面。爲無禮。越祖遷墳。盜葬。謀占欺天。違王法。爲無義。貪得無厭。或妄圖而停柩。或既葬而輕移。爲寡廉。不力行善事。培植根本。輒思善地。以求富貴。爲鮮恥。

西舉於鄉。辛丑成進士。其爲未見宅譜原書可知。

宅譜重廣序。嘉慶山陰縣志卷之七。早按。縣志僅載鍾之模。爲康熙諸生。並不知其丁。

清

王先生紹興人。精於占課。幕中人敬信之。時王文端公未第時。館於山西某中丞幕府。秋間將歸。應試意未決。請先生定行止。先生占畢起賀。手書一紙。封固藏之。曰。他日請驗。公必欲得之。不許。正相持間。主人至。問何事。告之。故。主人曰。如此。我當代爲收之。及歸就試。榜發。中副車。仍至館。責先生曰。何以誑我。先生曰。息壤。

在彼。可驗也。因向主人索觀。及拆封。有中式副榜第八名七字。公奇之。庚辰秋試。又問卜於先生。曰。今科正榜無疑。但似元非元。得魁爲妙。榜發中第七名。是科解元。則雷爾杰也。辛巳春。至京會試。甫下車。先生亦至。問中式名次。甚喜。因令占會試若何。曰。斷不可得會元。如中第十名。則大魁可必。從此前程遠大。福壽無量。公曰。吾年非少壯。得一京職。已爲萬幸。敢妄想耶。先生曰。此理數自然。不可強也。是年公會試中式第十名。廷試第一。官至東閣大學士。省匡同年相國。爲予言之。

吳縣

潘世恩  
芝軒  
思補齊筆記

92 蕭山縣

美置餘暨縣。三國吳改永興。唐改蕭山縣。明清皆屬浙江紹興府。

清

毛奇齡。一名性。字大可。號秋晴。一曰初晴。又以郡望。稱西河。蕭山人。康熙己未。

以廩監生。召試博學鴻詞。授檢討。乙丑充會試同考官。尋假歸。遂不復出。卒年九十一。撰春秋占筮書三卷。其曰春秋者。據春秋傳所載占筮。以明古人之易學。實爲易作。不爲春秋作也。自漢以來。言占筮者。不一家。而取象玩占。存於世而可驗。

者。莫先於春秋傳。寄齡既於所著仲氏易。

卷三十

推易始末

卷四

諸書發明其義。因復

舉春秋內外傳中。凡有得於筮占者。彙記成書。而漢晉以下。占筮有合於古法者。亦隨類附見焉。易本卜筮之書。聖人推究天下之理。而即數以立象。後人推究周易之象。而即數以明理。義文周孔之本旨如是而已。厥後象數理歧爲三家。而數又歧爲數派。孟喜焦贛京房以下。其法不可殫舉。而易於是乎愈雜。春秋內外傳所紀。雖未必無所附會。而要其占法。則固古人之遺軌。譬之史書所載。是非褒貶。或未盡可憑。至其一代之制度。則固無僞撰者也。奇齡因春秋諸占。以推三代之筮法。可謂能探其本。而足關諸家之喙者矣。

清史稿四庫提要經部易類六春秋占筮書

清

宋錫蘭。字德交。少穎悟。於方術諸書。靡不窮覽。明季隱士。王震澤。精天文兵法。

從之學。益有所得。康熙中。客閩中。永春縣幕。見飛魚懸署後槐樹上。驚曰。此兵象也。不數日。昏夜賊兵數千臨城。錫蘭募壯士突圍告急。援兵至。內外夾擊破賊。當事上其功。薦爲縣令。以親老辭。後客鎮國將軍馬三奇帳中。偶步舍外。見白氣自

西南來。曰。不數月。當有兵變。未幾。果有大嵐山妖僧一念之亂。性嗜游覽。足跡徧歷秦粵黔燕蜀之郊。又精星學。謂太歲在申。當死。遂歸里。果以是年卒。能詩。著有

素菴詩草。

民國蕭山縣志方技

清 陸心鑑。蕭山人。精子平命理。並善占六壬。在都中琉璃廠設卜肆。冠蓋雲集。談

休咎。每多奇中。

寄嶺殘發

93 諸暨縣。秦置。越王允常所居。境有諸山暨浦。因名。五代初改名暨陽。尋復故名。明清皆屬浙江紹興府。

明 周瑾。字孟瑾。諸暨人。自號守一。道人生有異質。於星歷筮卜。雜算音律。儒釋異國之書。無不通究。前知如神。每言吉凶禍福。多奇中。人擬之臨川張鈇冠。然深自嶷晦。緘密不言。當建文帝時。或勸之仕。瑾曰。俟三年後。當更議之。及靖難兵起。瑾遂決意不仕。永樂元年癸未。詔令內外諸司各舉所知。郡縣交辟之。不就。以青囊隱。夜分輒登高處觀天。晝則入深山中。竟日不出。同邑王鉦欲薦之。固辭。瑾終以地理成名。其所著地理指迷一書。未梓。購得者必手錄之。珍爲枕祕。俗傳瑾初投

陳友諒。既而寧王聘之。皆大謬不然。考周氏譜牒。瑾以洪武庚申生。永樂辛卯卒。

永樂府志  
誤作成化

壽僅三十二歲。前後皆不同時。焉可誣也。乾嘉紹興府志方技

明 馮汝賢。諸暨人。永樂中。任蒲臺縣丞。善觀字之形體。參伍錯綜。以知人之休咎。

所言無不奇驗。光緒浙江通志方技紹興府志方技

94 餘姚縣。秦置。舜支庶所封。舜姚姪。故曰餘姚。隋省入句章。唐復置。元升州。明復爲縣。屬浙江紹興府。清因之。

吳 虞翻。字仲翔。餘姚人。少好學。有高氣。爲孫策功曹。出爲富春長。曹操辟不就。孫

權以爲騎都尉。嘗與孔融書。示以所著易注。融答書曰。聞延陵之理樂。觀吾子之

治易。乃知東南之美者。非徒會稽之竹箭也。又觀雲物。察應寒溫。原其禍福。與神

合契。可謂探蹟窮通矣。關羽既敗。權使翻箴之。得兌下坎上節。互爻變之。臨。翻曰。

不出三日。必當斷頭。果如翻言。權曰。卿不及伏羲。可與東方朔爲比矣。卓按。本書卷

卷九載東方朔。今以孫權二語證之。蓋似不爲妄矣。翻數犯顏諫爭。權不悅。多見謗毀。遂徙翻交州。雖處罪放。而

講學不倦。門徒常數百人。在南十餘年。年七十卒。歸葬舊墓。妻子得還。著有易注。



老子論語國語訓注皆傳于世。三國吳志本傳

宋

程迥

迥音炯，字可久。

初家寧陵之沙隨。

後徙餘姚。

受經於嘉興聞人茂德。嚴陵

喻榜隆興癸未進士。嘗爲德興丞。事跡具宋史儒林傳。撰周易占法一卷。占周

易章句外編一卷。前卷周易占法凡十一篇。後卷雜論易說及記古今占驗。其

說本邵子加一倍法。據繫辭說卦發明其義。用逆數以尙占知來。後朱子作啓蒙

多用其例。吳澄謂迥於朱子爲丈人行。朱子以師禮事之云。

四庫經部易類三

明

孫陞字志高。餘姚人。都御史燧季子也。嘉靖乙未進士。及第授編修。累官禮部

侍郎。嚴嵩枋國。陞其門生也。獨無所附麗。會南京禮部尙書缺。衆不欲行。陞獨請

往。卒贈太子少保。諡文恪。陞嘗念父死宸濠之難。終身不書寧字。亦不爲人作壽

文。居官不言人過。時稱篤行君子。

明史附子綱傳。明張瀚松窗夢話云。季泉孫公陞。忠烈季子也。乙未歲。會上春官。孫邀鄉人同事者飲。飲中各問生辰。孫一一

坐算不訛。頃之衆起離席。孫私語余曰。吾與兄爲同年友。在坐只吾二人也。但中年運限不利。未知究竟若何耳。尋爲余細推。復云無妨於身命。第四方二十年。官途淹滯。行至南方。輒遇顯交。夫以數十年之遲速顯晦。決於八

字之間。公之精於術數如此。孫是歲登一甲。余附二甲。孫先十餘年爲宗伯。余後十餘年爲家宰。

明 楊日東字子升。少業儒。凡陰陽醫卜兵家攻守之術無不畢窺。里有余某精堪輿術多奇驗。日東悅之。遂盡其術。後又遇異人於玉笥山中。口授地理祕訣數篇。豁然大悟。以營審宮。宰相余有丁薦日東徵爲欽天監博士。主其事。審宮成。例當增秩。日東謝病乞歸。士大夫高之。時越有三相。余有丁沈一貫朱賡其父兆皆日

東所占云。

光緒餘姚縣志万按

清

黃宗羲字太沖。餘姚人。明御史尊素長子。康熙初薦修明史。以老疾未赴。宗羲之學出於叢山。聞誠意慎獨之說。縝密平實。嘗謂明人講學襲語錄之糟粕。不以六經爲根柢。束書而從事於游談。故問學者必先窮經。經術所以經世。不爲迂儒。必兼讀史。讀史不多。無以證理之變化。多而不求於心。則爲俗學。故上下古今。穴穿羣言。自天官地志九流百家之教。無不精研。學者稱爲梨州先生。年八十六卒。著有南雷文定等書。其易學象數論六卷。前三卷論河圖洛書先天方位。納甲納音月建卦氣卦變互卦筮法占法。而附以所著之原象爲內篇。皆象也。後三卷論

外玄、乾鑿度、元包、潛虛、洞極、洪範數、皇極數、以及六壬、太乙、遁甲、爲外篇。皆數也。大旨謂聖人以象示人。有八卦之象。六爻之象。象形之象。爻位之象。反對之象。方位之象。互體之象。七者備而象窮矣。後儒之爲僞象者。納甲也。動爻也。卦變也。先天也。四者雜而七者晦矣。故是徧崇七象而斥四象。而七者之中。又必須求其合於古。以辨象學之譌。又遁甲、太乙、六壬三書。世謂之三式。皆主九宮。以參詳人事。是徧以鄭康成之太乙行九宮法。證太乙。以吳越春秋之占法。國語冷州鳩之對證六壬。而云後世皆失其傳。以訂數學之失。其持論皆有依據。蓋宗義究心象數。故一一能洞曉其始末。因而盡得其瑕疵。非但據理空談。不中窺要者比也。

清史稿  
儒林傳

四部提要經部易類六  
光緒浙江通志儒林

清

黃宗炎字晦木。餘姚人。忠端公第二子。常偕其伯兄梨州。受業戢山劉忠正公

之門。明崇禎中貢生。明亡後。以賣藥自給。不足則以古篆爲人鐫花乳印石。又不足則以季恩訓、趙伯駒二家書法。爲人作畫。又不足則爲人制硯。賈值皆有定。世

傳其賣藝文。語多玩世。宗炎於象。緯律呂。軌革壬遁之學。皆有密授。既自放。乃著周易象辭三十一卷。尋門餘論二卷。圖書辨惑一卷。力闢陳搏之學。謂周易未經奏火。不應獨禁其圖。至爲道家藏匿二千年始出。又著六書會通。以正小學。謂揚雄但知識奇字。不知識常字。乃奇字所自出也。又有二晦山棲諸集。以故居被火俱亡。康熙丙寅卒。年七十一。

清史稿儒林傳黃宗羲傳  
吳德旋初月樓續聞見錄

清

孫光燾。字丹扶。餘姚人。順治辛卯副榜貢生。官臺城縣知縣。撰有畫筭圖一卷。撼龍經一卷。約取諸家之論氣脈者。附以己說。起原脈。終火耀。爲目二十有四。專

論龍脈。非游談無根者比。

四庫子部術數類存目二

清

勞史。字麟書。餘姚人。世爲農。少就傳讀書。長躬耕。養父母。夜則披卷莊誦。讀朱子小學。中庸序。慨然發憤。以道自任。舉動必依於禮。繼讀朱子近思錄。立起設香案。北首稽首。曰。吾師在是矣。其論學始於不妄語。不妄動。而極諸至誠無息。接後學委曲盡誠。學者稱餘山先生。得齋五十有九。實康熙癸巳正月三十日也。麟書

三年前，卽知全歸之期。至期從容飭家政，別親舊，無疾而終。平素覘機占事，無不奇中。數根於理，非若京房、管輅、郭璞等，專精數學可比。蓋從源頭貫徹，故百家支流，如納音、納甲、星經、葬經、醫卜之類，一覽而曉。門人桑調元爲刻其遺書十卷。其書謂易之爲道，細無不賅，遠無不屆，故多本易理以推人物之性，無穿鑿之弊也。

清史稿儒林傳筆理學中

清

顧鳳威，餘姚人。於市上買得抄本書一帙，乃算命訣也。後云萬歷六年戊寅，零

陽道人手錄，得於嵩山僧者。顧朝夕推究，竟得不傳之祕。所談無不奇驗。曾云：人生富貴貧賤，悉由於命。卽身後榮辱，亦命中所註。世人羣尊關帝，設於在曹之日，或遇害，或病歿。後人誰亮其心，烏知其忠肝義膽冠絕古今哉。至秦檜之惡，萬世唾罵。然上書二帥千餘言，慷慨激烈，必欲立趙氏之後。卽令李若水輩執筆爲之，亦不過如此。設當時觸怒被殺，得不指爲宋室忠臣乎。關帝不死於曹，以成其忠。秦檜不死於金，以成其奸。命中早定，人自不知耳。其持論可謂奇闢。後至常州，推

劉文定命造，躊躇再四，似不能解。劉詢其故曰：異哉子造也。當以翰林入仕，官至一品。然細較生平，竟無科第之分。殆不由舉人進士出身乎？後果以博學鴻詞授編修，官至大學士。其言始驗。顧歿後，其書不傳。紀昀閱微草堂筆記

清

黃炳垕，號蔚亭，餘姚人。同治舉人。幼凝靜，有神解。精歷算、星命、堪輿之學。左宗棠撫浙時，為測造沿海經緯輿圖，一時當道爭延致，輒辭不往。惟就寧波辨志精舍之聘，遂開浙東算學。光緒中，續修會典，炳垕已老，尚為之參定條例。著有黃忠端年譜、黃梨洲年譜、誦芬詩略、交食捷算、五緯捷術、測地志要等書。清史稿載入

天文算法類，推步之屬。

餘姚縣志

清

周梅梁，字會極，餘姚人。得外祖范公真傳，精研堪輿，著地學仁孝必讀六卷。首載發凡數則，尤為明白。光緒丁丑刊行。地學必讀序

95

上虞縣

秦置，本漢司鹽都尉治，地名虞賓，舜避丹朱於此，故以名縣。隋省入會稽，唐復置，明清皆屬浙江紹興府。

漢後

王充，字仲任，上虞人。少孤，鄉里稱孝。後到京師，受業太學，師事扶風班彪。好博

覽而不守章句。家貧無書。常游洛陽肆。閱所賣書。一見輒能誦憶。遂博通衆流。百家之言。後歸鄉里。屏居教授。好講說。始若詭異。終有理實。以爲俗儒守文。多失其真。乃閉門潛思。絕慶弔之禮。戶牖牆壁。各置刀筆。著論衡八十五篇。二十餘萬言。刺史董勤。辟爲從事。轉治中。自免還家。永元中卒。論衡命祿篇云。凡人遇偶。及遭累害。皆由命也。有死生壽夭之命。亦有貴賤貧富之命。自王公逮庶人。聖賢及下愚。凡有首目之類。含血之屬。莫不有命。命當貧賤。雖富貴之。猶涉禍患。命當富貴。雖貧賤之。猶逢福善。故命貴從賤地自達。命賤從富位自危。故夫富貴若有神助。貧賤若有鬼禍。命貴之人。俱學獨達。並仕獨遷。命富之人。俱求獨得。並爲獨成。貧賤反此。難達難遷。難成。獲過受罪。疾病亡遺。失其富貴貧賤矣。孔子曰。死生有命。富貴在天。魯平公欲見孟子。嬖人臧倉毀孟子而止。孟子曰。天也。孔子聖人。孟子賢者。誨人安道。不失是非。稱言命者。有命審也。淮南書曰。仁鄙在時不在行。利害在命不在智。賈生曰。天不可與期。道不可與謀。遲速有命。焉識其時。高祖擊黥布。

爲流矢所中。疾甚。呂后迎良醫。醫曰可治。高祖罵之曰。吾以布衣。提三尺劍。取天下。此非天命乎。命乃在天。雖扁鵲何益。韓信與帝論兵。謂高祖曰。陛下所謂天授。非智力所得。揚子雲曰。遇不遇。命也。太史公曰。富貴不違貧賤。貧賤不違富貴。是謂從富貴爲貧賤。從貧賤爲富貴也。春夏囚死。秋冬旺相。非能爲之也。日朝出而暮入。非求之也。命義篇云。墨家之論。以爲人死無命。儒家之議。以爲人死有命。言有命者見子夏。言死生有富。富貴在天。言無命者。聞歷陽之都。一宿沉而爲湖。秦將白起。坑趙降卒於長平之下。四十萬衆。同時皆死。春秋之時。敗績之軍。死者蔽草。尸且數萬。饑饉之歲。餓者滿道。溫氣疫癘。千戶滅門。如必有命。何其秦齊同也。言有命者。夫天下之大。人民之衆。一歷陽之都。一長平之坑。同命俱死。未可怪也。命當溺死。故相聚於歷陽。命當壓死。故相積於長平。猶高祖初起。相王入豐沛之邦。多封侯之人矣。未必老少男女俱貴。而有相也。卓犖時見。往往皆然。而歷陽之都。男女俱沒。長平之坑。老少並論。萬數之中。必有長命未當死之人。遭時衰微。兵



革並起。不得終其壽。人命有長短。時有盛衰。衰則疾病被災。蒙禍之驗也。宋衛陳鄭。同日並災。四國之民。必有祿盛未當衰之人。然而俱災。國禍陵之也。故國命勝人命。壽命勝祿命。人有壽夭之相。亦相貧富貴賤之法。俱見於體。故壽命修短。皆稟於天。骨法善惡。皆見於體。命當天折。雖稟異行。終不得長。祿當貧賤。雖有善性。終不得遂。項羽且死。願謂其徒曰。吾敗乃命。非用兵之過。此言實也。實者項羽用兵過於高祖。高祖之起。有天命焉。卜筮篇云。世人言卜筮者多。得實誠者寡。論者或謂蓍龜可以參事。不可純用。夫鑽龜蓍揲。兆數輒見。見無常占。占者生意。吉兆而占謂之凶。凶數而占謂之吉。吉凶不效。則謂卜筮不可信。周武王伏紂。卜之而龜。龜占者曰凶。太公曰。龜龜以祭則凶。龜字彙補音未詳以戰則勝。武王從之。卒克紂焉。魯將伐越。筮之得鼎折足。子貢占之以爲凶。何則。鼎而折足。行用足。故謂之凶。孔子占之以爲吉。曰。越人水居。行用舟。不用足。故謂之吉。魯伐越。果克之。夫子貢占鼎折足以爲凶。猶周之占卜者謂之逆矣。逆中必有吉。猶折鼎足之占。宜以伐越矣。

夫卜筮非不可用。卜筮之人占之誤也。

後漢書本傳論術

吳 吳範字文則。上虞人。以治曆數知風氣。聞於郡中。舉有道。會孫權起於東南。範委身服事。每有災祥。輒推數言狀。其術多效。初權在吳。欲討黃祖。範曰。今茲少利。不如明年。明年戊子。荊州劉表亦身死。國亡。權不聽。卒不克。明年軍出行。及潯陽。範見風氣。詣船賀。催兵急行。至即破祖。祖夜亡。權恐失之。範曰。未遠。必生擒祖。五更中果得之。劉表竟死。荊州分割。範又嘗言。歲在甲午。劉備當得益州。後呂岱從蜀還。遇之白帝。備部衆離落。死亡且半。事必不克。權以難範。範曰。臣所言者。天道也。而岱所見者。人事耳。備卒得蜀。權與呂蒙謀襲關羽。議之。近臣多曰不可。權以問範。範曰。得之後。權與魏爲好。範曰。以風氣言之。彼以貌來。其實有謀。宜爲之備。劉備盛兵西陵。範曰。終當和親。皆如其言。權以範爲騎都尉。領太史令。數從訪問。欲知其訣。範祕惜其術。不以至要語權。權恨之。初權爲將軍時。範嘗言。江南有王氣。應在亥子之間。權曰。若終如言。以君爲侯。及立爲吳王。範時侍宴。曰。昔在吳中。

嘗言此事。大王識之耶。權曰有之。因呼左右。以侯綬帶範。範知權欲以厭前言。推不受。及後論功行封。以範爲都亭侯。詔當出。權恚其愛道於己也。削除其名。範爲人剛直。與親故交接有終始。素與魏膝同邑相善。膝嘗有罪。權責怒甚嚴。敢有陳者死。範謂膝曰。與汝偕死。膝曰。死而無益。何用死爲。範曰。安能慮此。坐觀汝耶。乃髡頭髡音坤。去髮也。古刑法之一種。自縛詣門下。使鈴下以聞。鈴下不敢。曰。必死。不敢白。範曰。汝有

子耶。曰。有。曰。使汝爲吳範死。子以屬我。鈴下曰。諾。乃排閣入。言未卒。權大怒。欲便投以戟。逡巡走出。範因突入。叩頭流血。言與涕並。良久。權意釋。乃免膝。膝見範。謝曰。父母能生長我。不能免我於死。丈夫相知。如汝足矣。何用多爲。黃武五年丙午。範病卒。先知其死日。權追思之。募三州有能舉知術數如範者。封千戶侯。卒無所

得。三國男志本傳

明

蔡山人。上虞人。蚤嘗習進士業。試不利。卽委分田野。無競於時。中年難於生事。乃以五行書推人生年月日所直日辰。而有以勸之。於其富貴者。勸其不溢不危。

於其貧賤者。勸其不詔。不濫於其壽夭禍福。勸之以不偷活。不傷生。不足欲。不蹈險。爲人言命。而所勸若是。非以君子之道處己。處人者歟。不然。何其不專尙乎術數之學也。余久處貧賤者也。今年春遇山人田野間。聞其言。知其有志乎君子之道。而心竊喜焉。故以序贈之。皇明文衛宋文僖序

明

許璋。字半圭。上虞人。淳質苦行。潛心性命之學。白袍草履。挾一衾而出。欲訪白

沙於嶺南。至楚。見白沙之門人李承箕。質疑問難。語之以靜坐觀心。不至嶺南而反。陽明自江右歸越。每相訪。菜羹麥飯。信宿不厭。璋歿。陽明題其墓曰。處士許璋之墓。於天文地理。靡不究心。正德中。嘗指乾象。謂陽明曰。帝星今在楚矣。己而世宗起於興邸。光緒浙江通志儒林

清

夏聲。字承韶。幼穎異。善讀書。慷慨有大志。聞英夷構釁。投筆歎曰。習此雕蟲技。

腐儒耳。遂棄舉業。鍵戶讀韜略。旁涉星卜遁甲奇門陰陽五行家言。惜終無有知之者。及寧郡陷。鄰邑震恐。聲告戚里曰。吾夜占星象。災不及斗分。越斗分也。惟餘

姚不免。然亦不爲害。後果如其言。嘗夏夜聚棹爲臺。置胡床於上。坐觀星。忽喟然曰。蚩尤已見。二十年後。天下當遭兵劫。蓋應在粵賊也。一日遊村外。有漁者舉網過。請曰。先生善占。今將漁於河。所得幾何。聲占之曰。今當得二鯉。然身必跌。且溼衣。漁者至河岸。失足於水。不踰時。果得二鯉而歸。

清

錢曰溶。字心泉。邑諸生。善易。通奇門遁甲之學。推測如神。不輕語。晚年益祕默。

尤精地理。寧郡士大夫多從之遊。有延之者。但勸以勿停葬。毋爲吉兆所惑。嘗語人曰。造福地易。造心地難。著有堪輿精言等書。兵燹後。多散佚。孫愛蓮亦精地學。

以上上虞縣志方技

96

嵒縣 本漢剡縣地。吳越改爲嵒縣。宋更名嵒縣。明清皆屬浙江紹興府。

宋

姚寬。字令成。嵒縣人。以父彛明任補官。至樞密院編修。博學強記。於天文推算。

尤精。完顏亮入寇。中外以爲憂。寬獨推太乙熒惑所次。爲賊必滅之兆。亮果自斃。上以其言驗。召對移晷。疾作。仆於榻前。寬詞章之外。頗工篆隸。及工技之事。著有

五行祕記。西溪叢話等書。光緒浙江通志文苑

97 新昌縣

漢剡縣地。五代時吳越折衷新昌縣。故城在今縣界。後移今治。明清皆屬浙江紹興府。

明 楊宗敏。彩烟人。永樂靖難時。有異信扣門。其父館穀之。僧見宗敏聰慧。傳以堪輿之術。登山隔十里許。卽知結穴坐向。及倒杖毫釐不爽。決吉凶消長。若影響然。今邑中諸大家墳墓。發福綿遠者。皆其所扞穴也。至今稱爲楊地仙云。光緒浙江通志方技

縣志方技

### 歷代卜人傳卷九終

清知不足齋刊。唐李淳風注釋。孫子算經云。今有孕婦行年二十九。難九月。未知所生。答曰。生男。術曰。置四十九。加難月。減行年。所餘以天除一。地除二人。除三四時除四。五行除五。六律除六。七星除七。八風除八。九州除九。其不盡者。奇則爲男。耦則爲女。

禮記表記。子言之。昔三代明王皆事天地之神明。無非卜筮之用。不敢以其私褻事上帝。是故不犯日月。不違卜筮。卜筮不相襲也。大事有時日。小事無時日。有筮外事用剛日。內事用柔日。不違龜筮。子曰。牲牲禮樂齊盛。是以無害乎鬼神。無怨乎百姓。子曰。后稷之祀易富也。其辭恭。其欲儉。其祿及子孫。詩曰。后稷兆祀。庶無罪悔。以迄于今。子曰。大人之器盛敬。天子無筮。諸侯有守筮。天子道以筮。諸侯非其國。不以筮。卜宅寢室。天子不卜處太廟。子曰。君子敬則用祭器。是以不廢日月。不違龜卜。以敬事其君長。是以上不瀆於民。下不褻於上。

# 中國歷代卜人傳卷十

潤德堂叢書之八

鎮江袁阜樹珊編次

## 浙江省四

98

臨縣海

三國吳置，爲臨海郡治，尋徙郡治章安，以縣屬焉，隋省章安入臨海，明清皆屬浙江台州府治，民國廢府。

宋

黃樸，臨海人，自號白雲山人，以蕪游四方，推人始生歲月辰攷步五行五星。

知其性行氣質貴賤壽夭，輒奇中，嘗謁孫應時，一日閱數十人，道往事悉驗。應時友葉養源，久困場屋，樸曰：是來歲必第進士。及言陳用之，亦然。至餘人或輕銳自負，或郡士所推許，明年皆如其言。樸爲人疎野，喜面折，不顧忌，不伺人辭色，爲高下。或逢盛怒，終不改，久而皆信。又時時能切指心術行事得失，爲勸戒，不與他日者比。

民國台州府志方技

明 周景一，臨海人，性耽山水，得青囊之祕，人以地仙稱之。著有地理指迷第一卷。



首論巒頭爲本。爲全編立言大旨。分斂、仰覆、向背、合割、四篇。概論開面、縱橫、收放、偏全、聚散、四篇。概論地步。二卷分論開面。三卷分論地步。後以開面、地步、包括形勢、星辰、爲山法諸篇結束。饒減、挨棄、倒杖、淺深、四篇。爲立穴定向之準繩。所以補葬法之未備。四卷專論平陽。承山龍開面說起。以山洋異同爲總結全書。乾隆丁未刊行。民國台州府志方按山洋指迷序例

99

台州

春秋越地。三國吳置臨海郡。唐置海州。尋改曰台州。因天台山爲名。尋復曰臨海郡。五代又改曰台州。宋曰台州臨海郡。明初改台州府。屬浙江。清因之。民國廢。治所卽今臨海縣。

宋 王卿月。台州人。乾道己丑進士。常提刑蜀中。從邵雍後人。傳其易學通音律卜筮論人窮達壽夭。其中初仕祕書郎。權中書舍人。直學士院。掌制諾。所草詞百餘

篇。深得代言之體。嘗草胡詮制云。吾甯深蹈東海。獨魯仲連不肯帝秦。至今名重

泰山。微藺相如何以存趙。時論多之。除太府卿。卒。著有醒庵集。

光緒浙江通志文苑台州府志方按

明 邱良仁。台州人。正德間。推命多奇中。百戶陶炳。以命叩之。云。將星入命。禦敵必得奇功。當陟二級。世襲千戶。時承平無虞。人笑之。八年癸酉。開化江西寇起。總制

陶琰舉炳將才。從參帥李隆。勦寇有力。果陟二級。世襲。炳作洞徹玄機卷。求縉紳詩文以贈之。光緒浙江通志方技

100

黃巖縣。漢回浦縣地。後漢爲章安縣地。隋爲臨海縣地。唐置永寧縣。尋改曰黃巖。元升爲州。明仍爲縣。屬浙江台州府。清因之。設海門鎮總兵駐此。

宋

陳際叔。黃巖人。儒家子。少而喜游。能相人。其術亦奇。際叔爲人倜儻。有直氣。坐

逢鄙夫俗子。瞪目拂衣不語。徑起。雖大官貴人。盛氣勢邀致。欲其陽浮諛悅。不可

得。孫應時撰序贈之。

阜按。孫應時。字季和。歸人。師事陸九淵。登進士第。朱熹重之。官常熟縣。著爛湖集。

稱其能不敗於利欲。不陷於

卑辱。故其術精明能過人。

民國台州府志方技

元

戴胄。字養和。黃巖人。通周易。精推驗測究之法。醫藥。兵刑律歷。皆習知之。自奇

其才。走燕京。謁左丞帖木兒。一見語相投。留教其子。時以計干之。帖木兒輒稱善。

號之曰鸚飛先生。將薦於朝。胄以數推之。知中原將亂。遂以母老辭歸。益攻其舊

學。曰。吾非不欲聞達。吾才非不如人。然而不得者。有命也。己而亂果起。至正二十

三年癸卯卒。年七十三。

民國台州府志方技

明 林心月，黃巖人。年八十餘，寓西橋。善易數，預知吉凶。洪武間，承方寇之後，黃巖頑敝殊甚，嘗爲人言。後此五十年，有周令者來，民始安。果有周旭鑑者，貴溪人，以學行，三楊薦知縣事。凡九年，縣以大治。父老，憶其歲月正合，羣訴請留。卽陞台州通判，仍縣事。卽陞知台州府事。又加右參政，掌府事。前後凡三十餘年，台人賴之。黃巖遂爲善邑。明湖上朱國禎湧幢小品

明 陶宗儀，字九成，黃巖人。少舉進士不第，卽棄去。務古學，於書無所不窺。工詩文。家貧，教授自給。洪武初，屢徵不就。晚年有司聘爲教官，常客松江，躬親稼穡。暇則休於樹陰，有所得，摘葉書之，貯一破盎。盎，去聲。瓦器也。久之，取次成帙，名曰南村輟耕錄。凡三十卷，所載安命法，以日月五星及羅計烝字四餘氣，躔度過宮，遲留伏逆，推人之生年月日時，可以知休咎。定齋天，又解釋納音所起，及遇龍則化，尤爲明晰。學者多宗之。輟耕錄，光緒浙江通志文苑

101 天台縣 漢曰浦縣地，三國吳置始平縣，晉曰始豐，隋省臨海，唐復置始豐縣，後改曰唐興，吳越改曰天台，石晉改爲台興，宋復曰天台，明清皆屬浙江台州府。

元 陳應潤字澤雲。天台人。延祐間由黃巖文學起爲郡曹掾。至正乙酉調桐江賓幕。撰周易爻變義蘊四卷。是書所注用王弼本。惟有上下經六十四卦。據春秋傳之某卦例。如乾之姤。曰潛龍勿用。乾之坤。曰見羣龍无首吉之類。故名曰爻變。其稱一卦可變六十四卦。六爻可變三百八十四爻。卽漢焦贛易林之類。蓋亦因古占法而推原其變通之義。非臆說也。每爻多證以史事。雖不必其盡合。而因卦象以示吉凶。以決進退。於聖人作易垂訓之旨。實有合焉。四庫經部 易類四

元

胡振卿天台人。性聰敏。通陰陽術數之學。任本縣陰陽學教諭。卒年九十。

民國台州府志

按方

元 徐仲遠天台人。善推祿命。劉基贈以序言曰。世之所謂禍福通塞者。果由於命耶。聖人罕言命。命果不足道耶。孔子曰。道之將行也與。命也。道之將廢也與。命也。自古固有不仁而安榮。守道而戮辱者。庸非命乎。古之人以壽富康寧攸好德。考終命爲福。而不言貴。今之論命以官爵之大小品高下。豈古之所謂禍福與今異。

耶。好德無踰於仲尼。則厄窮而在下。顏淵亞聖。三十以死。曹孟德。司馬仲達。位在人上。而以壽終。且及其子與孫。禍耶福耶。當何以斷之哉。易曰。窮理盡性。以至于命。孔子曰。不知命。無以爲君子也。今之言命者。其果有合於古人否乎。天以陰陽五行。生爲人也。陰陽五行之精。是爲日月水火土金水之曜。七曜運乎上。而萬形成於下人也者。天地之分體。而日月水火土金水之分氣也。理生氣。氣生數。由數以知氣。由氣以知理。今之言命者之所由起也。夫氣母也。人子也。母子相感。顯微相應。天人之理也。則亦可廢哉。目至而麋鹿解。月死而羸禿。瞽。音羅。蚌屬。本作石鏡。溫風動而薺麥死。清霜降而豐鐘鳴。物理相通。不可誣也。天台徐仲遠。以七

聞之孟子矣。誠意伯文集參民  
圖天台縣志方技

明王奇。字世英。天台人。爲諸生。通天文星數卜筮之學。或曰。有異傳焉。遊金陵。成化中。三原王公。在兵部。方爲權貴所尼。屬奇筮之。曰。公歸矣。越三載。其起當銓衡。

乎。已而果然。刑部逸重囚。奇箴之。遇恆之大過。曰。五爲圜圉。賊入矣。其焉逃之。計其獲日與時。皆不爽。陳指揮妻死。將斂。其女病。問命於奇。奇曰。女固無恙。其母亦未死。後當生二子。卽欲斂。其必越午。至午時。妻復生。後果生二子。王郎中應奎問命。奇曰。是火氣太盛。若官之南。所至必有火災。後守台州。郡中災。十室九燼。嘗遊歙谷山中。仰見星象。嘆曰。客星主急變。奈何。越三日。復觀焉。則喜曰。無事矣。未幾。逆瑾敗。此數事。其尤異者。奇性至孝。有所得。付其弟。以養母。母年九十餘。奇爲嬰兒。以悅之。有佳果。必袖衣奉。然介甚。苟非義。雖千金不顧也。終身不受室。以猶子宗元爲之子。光緒浙江通志方技○集成卜筮部名流列傳云。王奇爲邑庠生。以星命占筮之術稱于人。嘗稱去。人以爲難。無錫邵尙書深愛重之。爲志其墓。輻輳。年八十。終於京師。時館人以事坐監獄。奇爲直之。其妻招夜飲。閉門不赴。明天徒

明 裘魯恭。天台人。通相術。言人。生。死。壽。夭。禍。福。富。貴。貧。賤。數。十。年。後。多。應。一。時。神。之。至今父老猶能詳言其事。圖書集成相術部名流列傳

102

寧海縣

晉析鄞縣置。隋省入章安。故城在今浙江寧海縣東北。唐初復置。治海游。尋省。永昌初復置。治廣德里。卽今縣治。明清皆屬浙江台州府。

宋 羅一新、寧海人。以星度之學推人壽夭。亨窮如指諸掌。紹定時薄遊閩浙。真德

秀作敍贈之。

民國台州府志方技

金 郝大通、寧海人。隱於卜筮。後從王嘉學道。修真崑崙山。年七十三羽化。有太古

集、太易圖、示教真言。元至元中贈廣寧通玄太古真人。

寧海縣志方技

明 葉兌、字良仲、寧海人。得象孫博通經史。尤精天文地理。卜筮之書以經濟自負。

元末知天運有歸。以布衣獻書太祖。列一綱三目。言天下大計。時太祖已定寧越。規取張士誠、方國珍。而察罕兵勢甚盛。遣使至金陵。召太祖。故兌書於三者籌之。爲詳。太祖奇其言。欲留用之。力辭去。賜銀幣襲衣。後數歲。削平天下。規模次第略如兌言。

明史列傳民國寧海縣志隱逸

103 太平縣

明析黃巖縣地置。屬浙江台州府。清因之。民國改爲溫嶺縣。

明 江萬紀、本名麟臺。字以明。松門人。性耽學。手不輟披。精堪輿。兼知天文象數。言多驗。自號鈞玄子。天台張侍郎太素深奇之。或薦於時相馬士英。笑曰。觀彼所爲。

豈能作文天祥。江南且破矣。挈妻子遁號溪山中。

嘉慶太平縣志隱逸

清

王侏字玉田。太平人。習星學。每爲隱語。定人咎休。有奇驗。嘗推一朝貴云。明年更得君。王寵臨行。又贈一車。斤人以其爲誤。書金爲斤。其人後竟被戮。始悟字意。其所推多類此。臨歿。出一丸。屬家人研灌。其屍香聞滿室。或云侏少習舉業。出願迴瀾門。就試錢塘。見一人乘繖渡。侏揖之。遂授以書。所著醉醒子集十段錦之類。今星家皆祖之。

清

方略字賢濟。號筠溪。太平人。性穎敏。博覽羣籍。精六壬數。旁及地理諸技。尤長於畫。品格在黃公望倪瓚間。興至自寫意。不輕爲人作。與同里沈及齋善。沈贈詩有立言皆見道。作畫怕知名之句。雍正間。捕妖黨方濟賢甚嚴。略誤被逮。至杭。沈爲求杭人吳玉士白其冤。既出獄。沈吳交賀。略笑曰。未來尙有九日災。過此無事矣。已覆鞠。果如所言。吳留之遨遊湖山。十餘年。畫益進。卒葬錢塘門外。沈爲之傳。

以上民國台州府志方技



104

衢州

春秋感姑蔑地。三國吳至隋皆屬東陽郡。唐置衢州。以州有三衢山而名。改曰信安郡。復曰衢州。元升衢州路。明初改龍游府。尋復曰衢州府。清因之。屬浙江省。治西安縣。民國廢府。改西安曰衢縣。

宋

張鬼靈。三衢人。其父使從里人學相墓術。忽自有悟見。因以鬼靈爲名。蔡安世

先墓在富春白昇嶺。其兄宏延鬼靈至墓下視之。謂宏曰。此墓當出貴人。然必待

君家麥囊中飛出鶴鷄。鶴音諧。鷄音純。鶴鷄鳥名。形如雞。色黑。爲可賀也。宏曰。前日某家臥房米囊中

忽有此異。方有野鳥入室之憂。鬼靈曰。此爲克應也。君家兄弟有被魁薦者。卽是

貴人。是秋安世果爲國學魁選。

宋

余聽聲。三衢餘山人。善相氣色。又工聽器物聲。嘗至婺源。邑士李熙仲家試其

術。使立戶外。而自登廊上鼓梯。執兩椎敲擊數四。乃呼人問之。曰。鼓有雙聲。當應

二子弟喜慶事。是歲淳熙十三年丙午。及秋試。二子皆薦名。以上光緒浙江通志方技

明

祝宗元。西安厚川人。從趙緣督先生遊。早按。緣督卽龍遊縣所載之趙友欽也。精象緯。遁甲諸書。元季

兵至。聚鄉勇自保。寇來。輒迷所向。皆遁去。行省以聞。授衢州府同知。不受。後以劉

基。宋濂薦。召爲司天監靈臺郎。非其志也。乞歸。賜五品服。年九十三卒。嘉慶西安縣志方技

清 趙世對，字襄臣，衢州人。撰《易學筮貞》四卷。茲編論《易》爲卜筮之書，故經、秦、火而

獨存。命之曰筮貞，謂以筮而貞萬世之變也。不載經文，惟采先儒議論，分類編輯。

一卷曰《綴集本旨》，曰《易學源流》，曰《圖書節要》，二卷曰《誓法指南》，三卷曰《占變詳考》。

四卷曰《易道同歸論》，筮法與占變條理頗爲詳明，蓋純以數言《易》也。

四庫提要經部易類存目三

105

龍遊縣

春秋越姑蔑地，漢太末縣，隋并入金華縣，唐分信安、金華二縣，改置龍丘縣，吳越改曰龍遊，明清皆屬浙江衢州府。

齊南

徐伯珍，字文楚，太末人。少孤貧，學書無紙，嘗以竹箭箬葉、甘蔗學書。山水暴出，

漂溺宅舍，村隣皆奔走。伯珍累牀而坐，讀書不輟，積十年，研精經史。游學者多依

之。又好釋氏老莊，兼明道術。歲嘗旱，伯珍筮之，如期而雨。後移居九巖山，州郡禮

辟皆不就。兄弟四人，皆白首相對。時人呼爲四皓。建武四年丁丑卒，年八十四。受

業生凡千餘人。

南齊書南史讓逸

元 趙友欽，宋宗室，鄱陽人。或曰名敬，字子恭。或曰友欽其名，弗能詳也。世因其自

號稱爲緣督先生。習天官遁甲、鈴式諸書。一日坐芝山酒肆中，逢修眉方瞳者，索

酒飲異而卽之。相與談玄。頗久。出囊中九還七返丹書遺之。臨別問姓名。曰。吾扶風石得之也。自是往東海上。獨居十年。注周易數萬言。復棄去。乘青驪。往來衢婺山水間。旅中之費。未嘗乏絕。竟不知爲何術。倦遊而休。泊然而化。葬於龍游之雞鳴山。宋濂、劉基、昔皆從之遊。所著僅存革象新書。王禕手校傳世。清統志浙江衢州府志流寓浙江通志仙釋

明

朱暉。字德明。善天官家。少從鄱陽趙友欽學。得其革象新書。日夜研究。業遂精。

大將軍胡大海。取金華。暉獻平天下三策。大海異之。命領兵從攻衢州。所撰有。三辰顯異經。子謙齋。尤精卜筮。以術授方明。明後以地理聞。所葬多驗。光緒浙江通志方技康熙龍游縣志

明

章溶。字季明。精天文書。得趙朱源委。受知明太祖。擢任欽天監中官。正稱職。有

勅令寶誥之賜。後其裔世官司天。四代孫章懷珠。有志理學。辭司天蔭。讀書談道。悠然自適。巡按吳公遵常。以詩貽之。嘉其高節。康熙龍游縣志方技

106

常山縣。漢太末縣地。後漢分置定陽縣。隋廢。唐改置常山縣。以縣南有常山名。故城在今浙江常山縣東南。尋移今治。宋改曰信安。元復改曰常山。明清皆屬浙江衢州府。乘紙。

清

毛書有邑庠生精青鳥術。年登耄耋。履高涉險。必窮其脈。二十一歲喪偶。終身

不娶。尤人所難。

光緒常山縣志方技

107

開化縣

宋置開化場，尋升爲縣。明清皆屬浙江衢州府。

明

吾謹字惟可，開化人。正德丁丑進士。總角能吟詩，博綜經傳子史，天文、地理、兵家、陰陽、釋道等書，過目不忘。李夢陽奇之，曰：「今之李賀也。」志輕軒冕，得第後，歸隱少華山，與何仲默、孫太初、李崐峒相頡頏。

光緒浙江通志文苑

清

戴敦元字金溪，開化人。幼有神童之譽。乾隆進士，由刑部主事累官刑部尚書。

性廉潔，卒之日，笥無餘衣，困無餘粟，庀其產不及百金。

庀，晉比，具也。治也。

謚簡恪。敦元喜

天文，歷算，討論有年，而星命之學尤精。爲人推測，恆多驗。一日奇想天開，屬玩具肆中人製小泥孩若干，並記其捏成之年、月、日時於背，爲之推算，以記於別紙，製成攜歸，給家中小兒使佐嬉，及其碎壞，出別紙證之，驗者乃十而八九。

清史稿本傳清神廟鈔方技

清

汪承烈字丕成，號耐圃，厚岡人。弱冠入庠，天姿英敏，淡於仕進，爰究心醫卜星相之書，尤善測陰陽，諷吉課。邑城附貢，宋嗣僖其姻戚也。年六旬，艱子嗣，烈爲相

宅於丁方。並擇丁吉構造。嗣舉丈夫子二。應驗如響云。

清

陳光瑞、字華五。衫川儒童。穎敏淹通。兩試歲科不售。遂習青鳥。徜徉山水。以自娛。凡錦囊玉髓諸經。靡不精探奧竅。故生平所攢吉壤。多發祥者。徽廣陵郡諸鉅族。來聘者屢恆滿。年八十四。堂弟光堯。尤得其祕鑰。以上光緒開化縣志方技

108

金華縣後漢置長山縣。隋改曰吳寧。又改曰東陽。後改曰金華。唐改曰金山。尋復曰金華。明清皆屬浙江金華府治。其地出補脈。俗名金華山。又名南陽。爲有名特產。

宋

蔡碧雲善相。鄭忠愍公剛中贈序云。紹興辛亥冬十月。有相士姓蔡者。自號碧雲道人。訪予於金華。予時已冒禮部。蔡道人云。廷試當在第三。春試當爲第一。留小詩一絕。其末云。學館色如藍。不作鰲頭亦第三。余不敢領。又坐貧。無以酬之。因其求詩。謾書以付之。俟道人術信。則持此書以見余。卓按。據公年譜云。紹興二年壬子。賜進士及第。蔡道人之豫言。誠不虛也。北山

集文

宋

何巨源善推祿命。王編修質贈以詩云。何君巨源。婺女人。卽今浙江金華縣與范右史元卿有連。其談五行。歷歷可聽。自富川過蘄春。將之武陵塵埃中。試求公卿。當有雷

靈一世者。自墮胞胎裏。難逃造化中。一毫皆有數。三昧即無窮。消息深深見。機緘了了通。君能希八九。亦足問元功。宋王質靈山集

宋 盧鴻。字碩父。舉進士。善仙卜。鄉人周師銳。既中省。問之曰。當魁多士。且曰。須熟

讀程易師卦。師銳從其言。已而廷對。問師律之旨。遂舉第一人。光緒浙江通志方技

宋 葛好問。精星度。賣卜於婺州衢前。婺州。即今金華縣治。嘗爲蘇子容推命。謂爲全似杜祁公。

今以行事觀之。杜祁公爲相。不及百日。以少師致仕。年八十而薨。子容在相位不

及一年。以少師致仕。年八十有二。與祁公出處始終略同。好問之言。信不誣也。宋袁

文苑傳開評  
蘇頌譚訓

元 厲周卿。婺州人。精卜術。天歷間。遊京師。一日楊琚。寫一上字卜之。厲即對本鈔

錄姓名出處之說。皆如所見。後一段云。商量更改事。佳會喜金羊。寅巳同申至。好

事喜非常。其應果在十年後。豈非萬事皆分也。光緒浙江通志方技

元 許謙。字益之。其先京兆人。由平江徙金華。謙數歲而孤。甫能言。母陶氏。口授孝

經論語入耳輒不忘。稍長。立程自課。雖疾不廢。既乃受業金履祥之門。居數年。盡得其奧。謂學以聖人爲準的。然必得聖人之心。而後可學聖人之事。聖賢之心。具在四書。四書之義。備於朱子。顧其辭約意廣。讀者安可以易心求之乎。其他若天文。地理。典章。制度。食貨。刑法。字學。音韻。醫經。術數之說。亦靡不該貫。嘗謂學者。孰不曰。闢異端。苟不深探其隱。而識其所以然。能辯其同異。別其是非也。幾希。延祐初。謙居東陽八華山。學者翕然從之。嘗曰。己有知。使人亦知之。豈不快哉。至元三年。丁丑卒。年六十八。嘗以白雲山人自號。世稱爲白雲先生。朝廷賜諡文獻。元史醫學光緒

浙江通志儒林

元 鄭謐。字彥淵。金華人。晦迹衡門。不求聲譽。攻陰陽歷數之學。嘗注郭璞葬書。以

爲獨詣。後聞其友葉儀。范祖幹之論。方知正學。刻苦研窮。晝夜不輟。有心學圖說。

蘇伯衡。胡平仲爲之序。光緒浙江通志隱逸

明 劉日新。金華星者。太祖下婺。召推命。曰。極富極貴。太祖怒其不言官職。劉請屏

左右曰極富者富有四海極貴者貴爲天子。上喜。洪武四年辛亥召至。問所欲富貴。皆對不欲。惟欲求一符。遍遊天下。太祖以手所揮白扇。題曰江南一老叟。腹內羅星斗。許朕作君王。果應神仙口。賜官官不要。賜金金不受。持此一握扇。橫行天下。走。識以御寶。劉持之。遍游焉。

光緒浙江通志方技圖書集成星命部名流列傳

109

蘭谿縣

唐分金華縣地置。因蘭溪爲名。元升爲州。明復爲縣。屬浙江金華府。清因之。

宋

葉容。字可大。橫山鄉人。博通羣書。貫穿史籍。嘗從鄧太史習天官之學。事之數十年。精於其業。言天象休咎。證應毫釐無失。所著有太乙三辰顯異經十卷。

浙江通志方技

光緒蘭谿縣志藝術

元

金履祥。字吉父。蘭谿人。其先本劉氏。避錢武肅王嫌名。更爲金氏。履祥幼而敏睿。比長。益自策勵。凡天文。地理。禮樂。田乘。兵謀。陰陽。律歷之書。靡不畢究。及壯。知向濂洛之學。事同郡王柏。登何基之門。自是造詣益邃。時宋之國事。已不可爲。履祥遂絕意進取。德祐初。以迪功郎。史館編校起之。辭弗就。屏居金華山中。兵燹稍



息則寄情嘯詠。視世故泊如也。至與物接則盎然和懌。訓迪後學諄切無倦。何基王柏之喪履祥以義制服。觀者始知師弟子之繫於常倫也。著有通鑑前編大學疏義等書。學者稱爲仁山先生。至正中賜諡文安。

元史儒學光緒浙江通志補錄

明方拱之。善星命。得異人傳先天之數。談吉凶定死生。往往奇中。足迹所至人爭

叩之。學士吳公沈贈以序文。

光緒補錄縣志藝術

明陸位。字斗南。以汪雲陽原本果老星宗輯刊行世。萬歷癸巳南京戶部尙書博羅韓擢序言有曰。陸生操季主之術。挾果老之奇。而遊於世。惡所適而不可哉。庶

幾無負汪君意已。

果老星宗韓擢序

明楊子高。蘭谿人。跛一足。挾相人術。走天下。其辨人貴賤窮富。歷歷如見。名遂大。家致萬金。嘗至閩。一見朱中丞運昌。而謂其必死。一日至某齋中。坐客不期而集者二十許人。或文學。或布衣。或據史贊郎。丹青地師。辨析無毫釐差謬。人疑其有它術。某問叩之。曰。此無它。但閱人多耳。

五雜俎

明 章懋字德懋。蘭谿人。成化丙戌進士第一。授編修。疏諫元夕張燈。廷杖謫官。累

遷福建按察司僉事。尋致仕歸。屏跡不入城府。奉親之暇。以讀書講學爲事。世稱

楓山先生。每對諸生云。甲子以後。天下必多事。乙丑。孝宗皇帝賓天。弘治十八年果有劉

瑾擅權之禍。豈心靈預識。抑別有術數致之耶。正德庚午。起爲南京太常卿。皆力

辭不就。晚年三子一孫盡死。年八十二。生少子接後。以廕爲國子生。世宗嗣位。嘉靖

元年 卽家進南京禮部尙書致仕。其冬遣行人存問。而懋已卒。年八十六。贈太子

少保。諡文懿。著有楓山語錄。楓山集。明史本傳。明朱國禎湧幢小品。西清筆記云。章楓山。位尙書。無子。撫一姪爲嗣。日者推命云。公必有後。但稍遲耳。年八十

適值迎春。僮僕俱往觀。公獨坐小齋。一婢名春香。送茶至。公不覺情動。遂與私通。因有孕。過三月。婢泣告公。恐二公子見疑。潛爲所害。公啓書匣。得銀一封。重八十兩付之。今備日用。另移置密室中。屬母輕出。且書一絕

云。八十年春。豈知弄假却成真。生女請歸來嫁出。生男家產分半分。書押印記。付婢執照。後果生子。名

坤。公亡。二兄誣其來歷不明。將逐之。而吞其產。婢執公時赴官。斷令還公治。命平分。後排用恩誅。爲中書舍人。

天下不斬其後。

隋 舒綽。東陽人。宰相楊恭仁欲遷葬。會陰陽家五六輩。皆海內知名。恭仁未之決。

110 東陽縣 唐置。五代梁改曰東陽。宋復曰東陽。明清皆屬浙江金華府。

遣人馳往取葬地四隅土各一斗。方面形勢悉書於歷。密緘之。出土示衆。言人人殊。獨綽定一土。泚筆識之。與恭仁所書之歷無毫髮差。綽曰。此土五尺外有五穀。得其一卽是福地。世爲公侯。恭仁延綽至其處。掘地七尺。得一穴如五石甕。貯粟七八斗。是地昔爲粟田。蟻啄之入穴。故然。時以綽爲聖。光緒浙江通志方技

元張去非。東陽人。少警敏。有大志。任江浙官醫提舉。其爲術深超經詣。精驗如神。然不專于爲人。已疾尤善。太素脈言人吉凶貴賤壽夭。率皆奇中。去非自號實堂。人罕用爲其所稱。而直以藝配其姓。稱之曰張太素云。天歷元年戊辰卒。享年八十有三。元黃學士文集江浙官醫提舉張公墓誌銘

明王炆。號鶴泉。三十八都人。爲厝先計。殫心地理。未常鬻術以取利。然偶一爲之。其應如響。嶸邑則葬喻尙書養初祖地。永康則葬程農部開業祖地。本邑則葬上湖呂氏蜘蛛結網。嘉靖庚申。由麗川遷居金盤。又卜兆於南澗。皆驗。著地理纂要行世。今其書採入雪心賦。後有蔡星樑。精堪輿術。有元壘集行世。道光東陽縣志方技

歷代卜人傳卷十終

# 中國歷代卜人傳卷十一

潤德堂叢書之八

鎮江袁阜樹珊編次

## 浙江省五

111

義烏縣

漢烏傷縣。唐分置烏孝。蘇州二縣。明并改爲義烏。明清皆屬浙江金華府。

元 朱震亨字彥修。烏城人。少讀書。師事許謙爲高第弟子。嘗有志當世。充賦有司。

不合。退而業醫。猶幸濡沫及人也。著有局方發揮。金匱鉤玄。格致餘論。人多傳之。

而震亨之醫。遂名海右。時稱丹溪先生。震亨又以陰陽家多忌諱。不知稽諸古也。

復著書數千言。曰風水問答。發明地理之學。金華胡翰序之。頗詳。

集成藝術典堪輿部藝文胡仲子集

清 金光字公絢。義烏人。少好學。凡天文地理及方術醫卜等書。靡不窮究。客尙可

喜幕。凡五十年。尙之信謀叛。魯光從。力拒被殺。生平好臨海。解日出。嘗屬弟輝生。

爲寫像。立吳山望大江。觀日出云。

義烏縣志方技

112

浦江縣唐分義烏及蘭谿爲三縣地置浦陽縣吳越改名浦江明清皆屬浙江金華府

宋

吳德先得李常容命書之法善推祿命著有災祥書一卷鄭公剛中序其書曰

李常容於中卷論五行最密浦江吳德先獨得其傳言人貴賤貧富壽夭如季咸之言死生也前日來謂某曰予欲爲今年貢士爲災福書既豫言逆料可以驗其術又可取薄資以周吾貧如是可乎某曰言人分定恐好勝者怒取人金資恐愛財者鄙公其審之德先曰命係五行自有定論書取二緡未爲傷廉子姑爲我序之某曰唯

北山文集

元

柳貫字道傳浦陽人器局凝定端嚴若神嘗受性理之學於蘭谿金履祥必見

諸躬行自幼至老好學不倦凡六經百氏兵刑律歷數術方技書靡所不通作文沈鬱春容涵肆演迤人多傳誦之始爲江山縣教諭仕至翰林待制著有文集等書年七十三卒

元史附黃潛傳光緒浙江通志儒林

明

戴良字叔能浦江人通經史百家暨醫卜釋老之說良歲除示姪詩有云卜賣

遵公術醫鈔。陸姓方。暇仍研史冊。間亦愛詩章。初習科舉業。已棄去。至正中。以薦擢儒學提舉。公見事不可爲。避地吳中。依張士誠。久之。知士誠不足與謀。挈家浮海。至膠州。欲問道投攬廓軍。會道梗不達。僑居昌樂數年。元亡。洪武六年癸丑。始南還。變姓名。隱四明山。明太祖物色得之。十五年壬戌。召至京師。欲官之。以老疾固辭。忤旨。踰年暴卒。蓋自裁也。年六十有七。良世居金華九靈山下。自號九靈山人。有九靈山房集。明史文苑九靈山房集

清

朱家佐。幼穎異。好讀書。家貧墾蕪負販。以供甘旨。後父歿。未葬。母病目。力究青烏黃岐諸術。兼通星卜。尤精醫。施治多效。長子棗。邑諸生。性孝友。承父業。卒年七十五。

清

王宗臣。字道輔。深溪人。邑廩生。通青烏術。詳明理氣。作青囊心印。與天玉經註二書。藏於家。以上光緒浦江縣志方技

113

建德縣

三國吳分富春地置。孫皓初封建德侯。卽此。隋廢入金華縣。唐復置。明清皆爲浙江嚴州府治。

唐

孫晤家於七里瀨。善葬法。尤妙相墳。卽知其家貴賤貧富官祿人口數。亦知穴

中男女老少。因某病而卒。兼精三奇。楊集統師收復睦州。睦州卽今建德縣至一巖下。砦軍

次。砦音塞。藩落也。山居木樹爲砦。忽一大石盤墜下。移音陀。落也。楊占之曰。此巖上有二十五人。點兵收

之。獲居民二十人。還。楊曰。合有二十五人。何欠五人也。民曰。某等初聞大軍將至。

遂與二十五人同避於此。內一人孫晤。善卜。到時立草舍畢。有雙雌飛下。孫曰。軍

至此矣。宜往別處。不然遭擒。某等不順其言。有信之者。四人相隨去矣。楊曰。得此

人可師事之。新定平後。晤復在瀨上漁。瀨音賴。水流沙上也。○光緒浙江通志方技建德縣志方技

唐

孫生者。不載其名。善相人。因至睦州郡守令遍相僚吏。時房瑄爲司戶。崔渙爲

萬年尉。貶桐廬縣丞。孫生曰。此二公位至台輔。然房神器大寶。合在掌握中。崔後

爲杭州刺史。某雖不覩。然尙蒙其恩惠。旣後房以齋冊文。自蜀至靈武。授肅宗。崔

果爲杭州刺史。下車訪生。則已亡歿旬日矣。因署其子爲牙將。以綵帛贈恤其家。

太平廣記相類

宋 黃某自號山人。贈太師葉助。時爲建德尉。年壯無子。問命於黃某。黃云。公嗣息甚貴。位至節度使。然當在三十歲以後。若速得之。亦非令器也。助不樂。後官至拱州。黃又至。令以周易筮之。得賁卦。黃曰。今日辰屬土。土加賁爲墳字。君當生子。但必有悼亡之戚。果生男數歲。而晁夫人卒。其子卽少蘊也。旣擢第。爲淮東提刑。周種墻。周嘗延黃山人。少蘊命之筮。遇晉卦。黃曰。三年後當孿生二女。晉之卦。坤下離上。二陰也。晉之字從兩口。爻辭曰。晝日三接。三年之象也。俟此事驗。當以前程奉告。少蘊深惡其說。已而果然。自維揚歸吳興。復見之。少蘊曰。君昔所言果中。異時休咎。盍以告我。黃曰。公貴人也。自此當徧議清要。登政府。終於節度使。宜善自愛。少蘊異之。以白乃父。父曰。憶三十年前。有客亦姓黃。爲吾言得汝之期。且謂當建節鉞。豈非此人乎。試使召之。眞昔所見者。父子相視而笑。待黃生如神。建炎中。少蘊爲尙書左丞。紹興十六年。年七十。上章告老。自觀文殿學士。除崇慶軍節度使。致仕二年而薨。竟如黃言。



清

張鳳藻字九儀。廩生。博學多能。精青鳥術。以毗陵高侶嵩聘刻鉛彈子書。乃攜次子遷居無錫。年八十。授全州吏目。越五年。歸錫山卒。著有四書插註。河洛辨義。康熙乙卯。四彈子註。砂水要訣。增釋琢玉斧儀度六壬。穿透真傳等書行世。以上民國建德

縣志方技

114 淳安縣

漢歙縣地。三國吳析置始新縣。隋改曰新安。又改曰龜山。唐又改曰新安。尋改曰還淳。又以避諱。改曰青溪。五代因之。宋改曰淳化。又改曰淳安。明清皆屬浙江嚴州府。

明

吳觀光字文卿。號耿齋。晚更號貞一居士。世居淳安太平鄉之雲村。弱冠餼於庠。崇禎庚午。中副榜。癸未。以明經廷對。授刑部司務。遷福建司主政。時天下大亂。棄官歸雲峯山。不復出。觀光偉幹豐髯。博涉經史。旁通堪輿家言。卜葬雙親自塋。齋藏皆躬自審定。尤精於醫。每歲施給方藥。全活甚衆。順治庚子卒。享年七十四。所著麟經衷旨。青雲軒筭草。幼科心裁。地理正印。羅經奧旨。諸書藏於家。清建安方象瑛健松

續集外王父耿齋吳公墓志銘

清

方翁尙節字石卿。青溪人。

即今淳安縣治

少人家塾。受經書。時時睡。不聽語。及卜筮。則

意解。有道士者，不知其所從來。一見翁，卽注目曰：「是子風骨，當得半仙。」授以郭璞易洞林，則喜心翻倒。嗣是遂學爲卜，卜亦遂時得八九。游郡城，依白山宋公維藩，爲東道主。連歲或不歸，方春始和，白山必令翁卦以占歲祥。一日卜畢，忽呼奇奇。語白山曰：「今歲當有人自天子所來召君者，謹識之。」白山輒然曰：「所以煩君卦者，姑以問安否何如耳。」窮閭隘巷，與外間絕，孰爲我翰音登於天者，而有命自天乎？君無乃爲佞乎？」翁曰：「書言之固然，謂予不信，則卦書不可用也。是爲康熙戊午，是歲也。天子開制科，有刁公子者，豪舉士也，舊與白山爲碩交，方壯游時，糜白山金錢無算，已乃別去，闕焉不聞問者歷年。會制科開，公子念白山厚意，久不報，自從其所屬相知有氣力者，以白山名上，遂登辟書。白山初不知也，辟至，乃嘆翁神遠，近好事者，爭請得客舍養之。然翁非身力不以衣食，自垂簾肆中，約日可千錢，許則下簾。翁不善作家，亦自卦命薄，不肯治生產業。歲中所得手滿錢，卽緣手散去。其歿也，至不能名一錢。翁卒，後有鄭君明暹，能以六壬占，然時時失之，去翁遠甚。

舊籍類  
徵初編

115

遂安縣漢歙縣地。三國吳置新定縣。晉曰遂安。故城在今浙江遂安縣西。唐徙今治。明清皆屬浙江嚴州府。

明 余德字懋之。方伯復高祖也。元末負才不仕。徧游江淮。尤精堪輿之學。祖父孫曾及衢嚴名墓。多其裁定。識見出人意料。

明 周望一名儼。贈寧武知府。觀濤嫡祖也。抱奇才。尤工廖賴之術。性純孝。明初父顯彰。遠官卒。時望甫八齡。不克奔喪。哀號欲絕。越四載。乃往歸父骸。路遇異人。授以青囊。由是其術益精。涓地以葬其親。涓。音娟。擇也。又爲親族卜吉。語多奇中。亦能醫。

全活人甚衆。惜早歿。未盡所長。然其後裔爲遂邑巨族矣。

清 汪起鰲字躍鱗。十八都人。幼通經史。明季時。因祖父未葬。遂弛儒。究心青囊經。先是祖商邱令瀚。著有楊郭集。啓奧揣摩。久之。乃得真詮。爲先人卜兆。徧遊蘇松淮揚毫泗間。徐俞彭諸大家。爭延堪輿。名重江左。晚年增編四元妙訣。藏於家。

清 余肇祺。祺。音短。某名。武山人。舉人。余良厚家孫。家世業儒。祺獨善青烏術。深得賴氏

祕傳著地理要訣約萬餘言藏於家

以上乾齊錄安縣志方技

116

壽昌縣

漢富春縣地。三國吳分立新昌縣。晉改曰壽昌。隋廢。故城在今浙江壽昌縣西。今名故城坂。唐復置。徙治郭邑里。尋徙治白艾里。在今縣東北七里。後復還郭邑里。即今治。明清皆屬浙江嚴州府。

清

張官德字次功壽昌人著六千辨疑四卷咸豐辛亥刊行於世

六壬辨疑序

117

溫州

漢初爲東瓯國。三國吳屬臨海郡。晉爲永嘉郡。唐置溫州。宋曰溫州永嘉郡。元置溫州路。明曰溫州府。清因之。民國廢。故治即今浙江永嘉縣。清光緒二年。鹽台條約。訂定開放。街市寬廣。貿易未盛。

宋

薛叔似字象先永嘉人遊太學解褐國子錄對論稱旨除樞密院編修時做唐

制置補闕拾遺孝宗自除叔似左補闕遂劾首相王淮去位光宗受禪歷權戶部侍郎韓侂胄開邊除兵部尙書宣撫使叔似亦以功業自期而委任失當侂胄誅謫福州久之許自便嘉定中卒諡恭毅叔似雅慕朱熹窮道德性命之旨談天文地理鐘律象數之學無所不通有藁二十卷

宋史本傳

宋

林君奇寧廟時

寧廟即寧宗朝

以風鑑名京師

即今浙江杭州

日閱十人則捲簾撤肆而飲穆

陵在側微詣焉君奇熟視不對肆將撤君奇延至所居曰某閱人多矣未見有如官者

時在嘉定十二年巳卯

後五年當爲天下主今雖貧去此六十日必富且貴因徵詩爲他

日證穆陵拈筆書曰許負昔往矣天綱今何之誰知千載後復遇林君奇後果封

成國公時在嘉定十七年甲申八月以濟王廢入繼大統早按此即理宗在位四十年於端平二年詔議胡瑗孫明復邵雍歐陽修周敦頤司馬光蘇軾張載程顥程

頤等十人從祀孔子廟庭并孔伋十哲君奇取詩飾以龍錦標諸肆時相史彌遠索詩早按史彌遠矯詔廢皇

貶斥君子雖區區卜者亦不見容可致執甚給爲人奏官之明日贈以錢二萬即今二十千文放令歸鄉宋史理宗本紀光緒永嘉縣志

術勤

宋 馮一德字貫通永嘉人精研相術暇輒涉獵書傳及唐人詩誠齋在衡湘中識

之其言今湖南漕使者直閣鄭公最奇中以是名益聞楊誠齋集送馮相士序

元 陳相心永嘉人以拆字名於公卿間推原禍福考索成敗無不驗會稽楊維禎

爲文贈之見東維子文集光緒浙江通志方技

元 張庸字存中溫州人性豪爽精太乙數會世亂以策干經略使李國鳳承制授

庸福建行省員外郎治兵杉關頃之計事赴京師因進太乙數圖順帝喜之擢祕

書少監命庸團結房山遷同僉將作院事又除刑部尚書仍領團結會諸寨既降

庸守駱駝谷，遣同事段禎，請援於擴廓帖木兒，不報。庸獨堅守拒戰，衆將潰，庸無去志。己而寨民李世傑執庸出降，以見主將。庸不屈，與禎同被殺。元史附忠義林，賽因不花傳。

清

童中模，字哲初，號羅顛山人。嘉慶戊午歲貢，祖振聲，舉人。中模少習舉業，凡諸子百家靡不通曉，尤精句股壬遁術。家貧，恆辟穀旬餘，無所苦。好游山，不備芻糧，久而忘返。人咸以仙目之。巡道李公鑾宣，延主東山書院講席。嘉慶壬戌，夏大旱，鑾宣問計於中模，乃於六月九日設壇書院禱三日，曰：十三日午時當雨。及期果大雷雨，四野霑足，酬以金不受。時處州亦大旱，知府王績著麗水令張吉安禮聘往禱。中模閉門三日，曰：未申之日未申時大雨滂沱，雷電馳莫道。天公容易測。桑林且費七年思。至七月初二未日未時，初三申日申時皆驗。酬以金亦不受。歸二子冠倫、冠儒，皆諸生。光緒永嘉縣志藝術

118

處州

隋置，治括蒼，在今浙江麗水縣東南七里，尋改曰括州，又改曰永嘉郡。唐初曰括州，改曰永嘉郡，又改曰處州。唐末遷治小括山上，在麗水縣西二里。宋治因之，元爲處州路，移今麗水縣治。明爲處州

府，清因之，民國廢。清處州鎮總兵駐此。

宋

賴文俊字太素處州人嘗宦於建陽好相地之術棄職浪游自號布衣故世稱曰賴布衣所著有紹興大地八鈐及三十六鈐今俱未見惟催官篇二卷通行於世是書分龍穴砂水四篇各爲之歌於陰陽五行生剋制化實能言之成理視悠謬無根之侈言休咎而不能明其所以然者勝之多矣

四庫提要子部術數類二〇早按圖書集成藝術典堪輿部名流列傳引

地理正宗云賴文俊寧都人乃曾文迪之婿與此稍異

119 括蒼縣隋置唐更名麗水故城在今浙江麗水縣東南

宋

吳正叟括蒼人精研堪輿善推祿命真西山先生贈以序言曰詩云卜云其吉

終然允臧此擇地之說也又曰天之生我我辰安在此論命之說也然則二者蓋

謂有之矣括蒼吳正叟兼此二技見稱士林間或云命不可以力而移地可以求

而得是不然天下萬事其孰非命求地而獲吉與求而弗獲皆命也人力烏乎與

哉謂命不可移是矣謂地爲可求是不知命也世間自有可移者存而人莫之移

自有可求者存而人莫之求此聖賢之所以嘆息也

真西山文集

宋 劉夢求括蒼人。未嘗得邵氏先天數。而知人休咎。說冥昧中事。如燭照而面詰也。或曰有術。或曰是有神焉。劉術行於三衢。今遂爲衢人。士大夫之過衢者。以不

問夢求易卦爲恨。劉亮撰文贈之。

光緒浙江通志方技

宋 張宗昌字曜之。括蒼人。精卜醫。明地理。真文忠公會贈以序。其言曰。括蒼張宗昌。曜之。幼嘗涉獵書傳。以貧不得盡力。而於洞林之要旨。錦囊之祕訣。秦扁治療之法。甘石巫咸之占。皆究心焉。甚哉其富於技也。以吾道律之。固不免致遠恐泥之譏。而究其所長。亦有不可廢者。紹定三年庚寅冬。招捕使陳公提師出劍汀間。曜之實從。用其推占之術。曰。某日出師。某日破賊。其應若響。答然。他如相地。如治疾。又皆余嘗試而驗者。然則曜之所能。其可以小道廢之乎。雖然。以曜之之敏悟。使獲畢力於學。其所就詎止於此。良可惜也。

宋 張元顯括蒼人。善推祿命。真文忠公德秀嘗撰文贈之。有云。括蒼張君元顯。五行家之巨擘者也。予欲其勉人以毋命之恃。而惟命之安。故爲之說如此。

以上真文忠公集



明 杜璇精於星命言禍福貴賤無不驗名著遠邇當道士大夫皆信重之

光緒處州府志

120 青田縣

唐析括蒼縣地置明清皆屬浙江處州府縣南方山有圖書洞產石可鑄印章世稱青田石

明 劉基字伯溫青田人幼穎異博通經史於書無不窺尤精陰陽象緯風角之學

西蜀趙天澤論江左人物首稱基以爲諸葛孔明儔也至順庚午<sub>年二</sub>舉進士官

高安丞有廉直聲後棄官歸至正庚子<sub>年五</sub>太祖下金華定括蒼聞基名以幣聘

基未應總制孫炎再致書邀之基始出至金陵陳時務十八策太祖大喜築禮賢

館處之自是佐太祖滅陳友諒執張士誠降方國珍北伐中原遂成帝業授太史

令累遷御史中丞諸大典制皆基與李善長宋濂計定封誠意伯洪武四年辛亥

<sub>年六</sub>館學士致仕基佐定天下料事如神惟性剛嫉惡與物多忤爲胡惟庸所構

憂憤卒時八年乙卯年六十五正德中追諡文成所著有郁離子覆瓿集犁眉公

集國初禮賢錄堪輿漫興載入圖書集成輿地部彙考靈棋經解清類天文分野佐元直指賦等書

行世其他占諗象緯諸書基啓手足時命其子獻諸朝具在金匱石室靡可得窺

云。明史本傳四庫子部傳數類○明吳興陳鏗州山墨談云。少聞之故老。劉基伯溫。初亡命吳中。歲久游抗。與客

○集成選擇部紀事云。誠意伯晉過吳門。中夜聞柝木聲。以問左右。曰。某人上梁也。又問其家貧富。及屋之豐。曰。貧者數椽屋耳。公嘆曰。擇日人。術精乃爾。又曰。曾幾其不久也。左右問故。公曰。此日此時。上梁最吉。家當大發。然必巨室乃可。若貧家。則必更置此屋。旺氣一去。其衰可待也。後其家生計日裕。不數歲。破錫百萬。果徹屋廣之。未久。遂資若如故。○集成堪輿部紀事。引榮鄉邑譜。括蒼劉伯溫。多才多藝。能體文。尤善形家。嘗以儒學操舉。得相見於錢城。後十年。劉已解官。復見於海鹽之橫山。把臂道故。至於宿。謂余曰。中國地脈。俱從崑崙來。北流中龍。人皆知之。惟南流一支。從峨嵋並江而東。竟不知其結局處。頃從通州泛海至此。乃知海鹽諸山。是南龍盡處。余問。何以知之。劉曰。天目龍為浙江鎮山。然勢猶未止。蜿蜒而來。右東勢浙。左帶蒼雲。直至此州長橋秦駐之間而止。於是。以平松雷山為龍。左抱以長江。右抱以長江。淮泗之水。以慶紹諸山為虎。右繞以浙江。曹娥之水。率皆朝拱於此州。而後乘潮東出。前後以日本朝詳為案。此南龍一最大地也。余問。此何人足以當之。曰。非周孔其人不可。然而無有乎爾。吾恐山川亦不肯自為寂寞若此也。○明姚福清溪叢書云。本朝書田劉公。潛溪宋公。皆雄才博雅。宋公既出。當制作之任。故其論草當。劉公在元末。剛受北憤。一寓於詩。且以術藝稱。故所作無幾。今觀所著都離子。廣引曲譬。雖辭不可當。非宋公龍門子所及也。然其言則讀年精思之可到。而龍門子。則以八十八日而成。此其所以優劣。○清褚人獲陔餘叢考。劉伯溫辭職自遺。作詩云。買箇黃牛學種田。結間茅屋傍林泉。因思老去無多日。日向山中過幾年。為吏為官。皆是夢。能詩能酒即登仙。世間百事都增價。老了文章不值錢。

明 諸伯遠十六都人世業儒。通天文地理。卜筮之學。洪武間。應薦。任本縣陰陽學。

訓術。長子彥賓。初以天文生入欽天監。永樂間。任本監主簿。陞中官正。卒於官。次

子彥熊。復舉任訓術。

光緒青田縣志

清 端木國瑚。青田人。青田故產鶴。國瑚生而清傲似鶴。其大父字之曰鶴田。阮元、

督學得之。恆誇示人曰。此青田一鶴也。國瑚天才穎異。嘉慶時。捷鄉榜。官歸安學博。後以精究地理。爲禱尙書。恩所薦。召相山陵。敍勞官中書。道光癸巳。成進士。選用知縣。性不耐劇。投牒就原官。著有周易指太鶴山人詩文集。又著楊氏地理元文四卷。附周易葬說一卷。清史稿載入術數類。相宅相墓之屬。清史稿文苑一附宋大樽傳陸以漢洽羅雜識

121 縉雲縣隋括蒼縣地。唐麗水永康二縣地。尋析置縉雲縣。並置縉雲郡。宋以後郡廢。明清皆屬浙江衢州府。

唐 范越鳳。字可儀。號洞微山人。縉雲人。楊筠松高弟。精堪輿術。作尋龍入式歌。蘇粹明。號靈一。師事越鳳。著地理指南二卷。藝術典與輿部名流列傳

宋 田君右。字良臣。幼習舉子業。嘗一舉不合時文尺度。遂隱居著書。有太極通書。說易。春秋管見。性理七篇。河圖洛書。大衍揲著。太元準易說。參同契辨。律呂天文。

地理精考諸史類考共若干卷。光緒浙江通志文苑

明 鄭葆字仁佑善天文星緯之學元季時劉文成基偕胡仲淵葉景淵等訪仁佑

於桑潭酒酣仁佑曰五星纏北斗將有聖人出矣公等宜速去文成遂謁太祖於

金陵耿再成鎮黃龍舉爲縣尉保障有功後諸公交辟不起。道光縣志

122 松陽縣後漢治縣有大松因取爲名故城在今浙江松陽縣西二十里唐徙今治吳越改爲長松縣石敬改爲白龍縣宋復曰松陽明清皆屬浙江處州府

宋 項安世字平甫松陽人。其先括蒼人淳熙乙未進士除祕書正字累官湖南轉運判官

著有周易玩辭十六卷自序謂易之道四其實則二象與辭是也變則象之進退

也占則辭之吉凶也不識其象何以知其變不通其辭何以決其占又著有項事

家說十二卷其第一卷論揲蓍之法尤爲詳盡。宋史本傳四庫總目經部易類三項世家說

元 張夢庚松陽人遇異人授易元末召居將幕推步有驗後復垂簾於市賣卜一

日有葉姓者無子多娶妾求卜夢庚以詩二句授之曰不是桃花貪結子更教人

恨五更蜂持歸謂此老風字且不識何談理數乎其人養蜂數十櫃一日蜂逸冒

雨收之。忽集其面。螫而死。

螫者，用毒身或尾針刺人曰螫。人以爲神。圖新集成藝術典卜筮部名流列傳浙江通志方技

123 龍泉縣 唐析遂昌松陽之龍泉鄉置。宋改曰劍川。尋復故。明清皆屬浙江處州府。地名中外之龍泉審瓷器。即產於此。其瓷青瑩。純粹無瑕如美玉。雖一瓶一鉢。值數十金。又有一種。曰百垠碎。淺白斷文。

尤爲名貴。今已不能多得。又縣南龍淵。相傳爲歐冶子鑄劍處。

宋 王汲字肇卿。一字孔彰。其先汴人。祖訥。因議王朴金雞歷有差。衆排之。貶居江

西贛州。汲幼務舉業。再舉不利。浪遊江湖。愛龍泉山水清勝。遂家于松泉。明管郭

地理之學。納交于何管鮑張諸家。爲之卜葬。隨有何太宰管樞密鮑制置張諫議

者出。卒後門人葉叔亮傳其所著心經。及問答語錄。范公純仁跋之。略曰。先生通

經博物。無愧古人。異乎太史公所謂陰陽家者矣。

浙江通志方技光緒龍泉縣志藝術

宋 嚴道者。受地理之術于王汲。他日嘗爲人點穴。拔竹簪插地。比汲至。抉土數寸。

正插銅錢眼中。蓋汲預埋以試之。術可謂精矣。

明 季董龍泉清坑人。善星命。洪武末。遊京師。見成祖于藩邸。卽知天命有在。永樂

初召見。授御史中丞。

光緒龍泉縣志藝術

明 葉子奇，字世杰，號靜齋，龍泉人。從王毅遊，聞理一分殊之旨，知聖賢之學，以靜為主。明初以薦官，巴陵主簿。撰《太元本旨》九卷。元文艱澀，子奇能循文闡發，使讀者易明。又著《草木子靜齋集》。四庫子部術數類一龍泉縣志藝術

明 張太極，號莘野，醫理明澈，尤精堪輿。貧者不計酬直。撫院道府交獎之。邑令張贈以聯云：為看好山，因采藥，每逢僊客便談玄。年八十卒。以上元緒龍泉縣志藝術

124 慶元縣

唐龍泉縣地，宋慶元二年，析龍泉之松源，知置，以紀元為名，明清皆屬浙江處州府。

元 俞竹心，術士，居慶元。嗜酒落魄，與人寡合，順其意者，即與推算。醉筆如飛，略不構思，頃刻千餘言。道已往之事，極驗。時皆以為異人。至元己卯間，婁敬之為本路治中，嘗以休咎叩之。答曰：公他日直至一品便休。婁深信其說，棄職別進。值壬午更化，俯就省掾。陞除益都府判，改換押字，再宛然真書一品二字。未幾卒於官所。

元陶宗儀輟耕錄光緒浙江通志方技

125

景寧縣 唐以後為清田縣地，明析置景寧縣，屬浙江處州府，清因之。

宋 潘翼字雄飛。治經史及天文地理之學。所著有九域賦。星圖證驗。爾雅釋補註。

韻略。

一名韻補

樂清王十朋出其門。後十朋知泉州。欲刊其著述。會召不果。

同治景蔭縣志

清

梅冬魁字夢雲。底堡人。少好讀書。以貧故棄文就武。爲縣學武生。屢應鄉試。賣

卜以供資斧。中咸豐甲午舉人。署本邑把總。歷署溫州泰順管塘存城各汛。

民國景蔭縣志

續仕

126

瑞安縣

漢回浦縣地。後漢爲瑞安縣地。三國吳析置羅陽縣。孫皓改曰安陽。晉改曰安固。隋入永嘉。唐復置安固縣。後改曰瑞安。元升爲州。明復降爲縣。屬浙江溫州府。清因之。

宋 溫州隱者某居於瑞安之陶山。所處深寂。以耕稼種植自供。易箠如神。每歲一

下山賣卜。卦直千錢。率十卦卽止。盡買歲中所用之物。以歸好事者。或齎金帛。經

月邀伺。然出未十里。卦已滿數。不復肯更占。郡人王浪仙。本書生。讀書不成。決意

往從學。值其出。再拜於塗。便追隨入山。爲執奴僕之役。稍稍白所求。隱者亦爲說

大概。又舉是歲所占十卦。使演其義。王疲精竭。虛似若有得。彼殊不以爲能。曰。汝

天分止此。不可彊進也。遣出山。然王之學固已絕人矣。有以墓域訟者。求決焉。其

卦遇賁。曰爲墳欠土。此不勝之兆。後踰月。前人復來。又筮之。遇蒙。曰兆非先卦比。冢上有草。當卽日得直。既而盡然。西游錢塘。時杭守某喜方技。館遇加禮。遂詢前程休咎。對曰。今年某月某日午時。召命下。守固篤信者。至期延幕僚會飯。王生預席。守曰。王先生謂吾今日忝召節。諸君試共證之。食罷及午。寂無好音。坐客皆悚。既過四刻。王趨立庭下。觀日影。賀曰。且至矣。須臾郵筒到。發封見書。果召赴闕。守謝以錢百萬。約與偕入京。王曰。俟送公上道。暫還鄉。持所賜與妻子。然後北上。守許之。既行。或問其故。曰。使君雖被召。殆難面君。守未至國門。乃別除郡。踰年而卒。王生不知所終。

宋洪邁  
夷堅志

明 鄭希誠年十八入山。遇異人與語。授以果老五星一秩爲別。自此意見旋發。舉五星推之。輒驗。求推者墳門。其法問人生辰。卽書所生之七政四餘。及干支化曜於盤上。倒懸之。仰觀至旬月。人之壽夭禍福窮通。歷言之。鏘銖不爽。嘗與友對飲。談及生命。鄭曰。明日我與汝各有官刑。汝更倍之。其友素信鄭。乃拉避寶香山寺。



鄭曰不可避也。第爲之。至期果有縣尉詣寺。覓僧不至。索得兩人。怒以爲僧侶。各杖之。友私念奇驗。顧鄭而笑。尉奴倍杖之。其占應率類此。卒後書不傳。所撰占詞七十二張行世。永樂中汪庭訓效其術。亦多取驗。光緒浙江通志方技

清

孫希旦字紹周。自號敬軒。瑞安人。學務博覽。穎異絕人。自天文地輿。歷算卜筮。

之書無不研究。年十二補縣學生。乾隆壬午舉浙江鄉試。戊戌科成進士。以一甲第三及第。授翰林院編修。充武英殿分校官。丙辰年卒。年僅四十有九。遜學齋文鈔敬軒先生行狀

清

孫衣言字邵聞。號琴西。瑞安人。道光進士。端雅好學。善談經濟。咸豐戊午解易。

至明夷而有出守安慶之命。反覆象辭。益信易可前知。自此人事日多。恐未能竟其業。後官至太僕寺卿。乞休歸。著有遜學齋詩文集。遜學齋詩鈔

127

樂清縣。漢回浦縣地。後漢永嘉縣地。晉析置樂成縣。隋廢。唐復置樂成縣。五代梁時。吳越改曰樂清。明屬浙江溫州府。清因之。

元

劉仲彬善數學。以年月日時推人吉凶多中。後爲玉環養真道院黃冠。平陽陳

進士高撰序贈之。

元 陳雲平以能相人稱林彥贈之以詩。以上光緒樂清縣志雜藝

128

平陽縣

漢回浦縣地。後漢章安縣地。三國吳爲安陽縣地。晉置始陽縣。尋改曰橫陽。隋省入永嘉縣。唐復置橫陽縣。元升爲州。明復降爲縣。屬浙江溫州府。清因之。

宋 朱相士杉橋人。朱黼族孫。云得劉碧雲相法。永嘉葉忠定公適贈以詩云。南蕩

書林長砌蘿。碧雲鞵底曬庭莎。

羅。音。諸。屬也。

從今湖海須行徧。眼法雖親要看多。民國平陽縣志

拔方

129

秦順縣

明析瑞安平陽二縣置。屬浙江溫州府。清因之。

清 劉崇溶字禹川。邑諸生。沈潛簡默。敏悟絕倫。通星歷之學。嘗自製渾天儀。窺曜

管以測天文。特爲奇闢。以五星斷人壽夭貴賤。無不驗。精醫理。旁及音律。靡不得

其體要。晚受琴於林鶚。十日卽能旁通。遂製琴自娛以終。秦順分疆錄方技

歷代卜人傳卷十一終

丹徒華企雲校

北魏書術藝傳。蓋小道必有可觀。況往聖標歷數之術。先王垂卜筮之典。論察有法。占候有傳。觸類長之。其流遂廣。

尚書洪範。七稽疑。擇建立卜筮人。乃命卜筮。曰雨。曰霽。曰蒙。曰驛。曰克。曰貞。曰悔。凡七。卜五。占用二。衍忒。立時人作卜筮。三人占。則從二人之言。汝則有大疑。謀及乃心。謀及卿士。謀及庶人。謀及卜筮。汝則從。龜從。筮從。卿士從。庶民從。是之謂大同。身其康彊。子孫其逢吉。汝則從。龜從。筮從。卿士逆。庶民逆。吉。卿士從。龜從。筮逆。汝則逆。庶民逆。吉。庶民從。龜從。筮從。汝則逆。卿士逆。吉。汝則從。龜從。筮逆。卿士逆。庶民逆。作內吉。作外凶。龜筮共違於人。用靜吉。用作凶。

# 中國歷代卜人傳卷十二

潤德堂叢書之八

鎮江袁阜樹珊編次

## 安徽省一

安徽省在我國中部偏東。禹貢揚州及徐、豫二州之域。春秋時爲皖國。故別稱曰皖。後分屬吳、楚。秦爲九江、泗水、潁川等郡地。唐分屬江南、淮南、河南諸道。宋爲江南、淮南、京西北三路。元分屬河南、江浙行中書省。明屬南京。清初屬江南省。康熙間析置安徽省。以安慶、徽州二府之首字得名。民國仍之。其地跨長江及淮水。東北界江蘇。東南接浙江。南鄰江西。西南連湖北。西北毗河南省。會曰懷寧縣。

130

懷寧縣

漢皖縣地。晉置懷寧縣。南宋爲安慶府治。即今安慶潛山縣。端平三年。元兵入安慶。尋引去。時以城去江遠。控禦爲難。徙治羅利州。在今貴池縣界。又徙楊梅州。在今縣西南。尋改築宜城。即今

治。南宋後。皆爲安慶府治。清時兼爲安徽省治。民國因之。城頗長江左岸。江水三面繞城。一遇淫潦。輒致暴漲。諸山水又從高地徒落。距江不遠。一瀉無餘。其流易涸。不利舟楫。故雖於清光緒二十八年。中英

續讀通商行船條約，尤開爲商埠，而商業仍未發達。

明

葛啓俊字中谷懷甯人安貧力學鈔纂六經四書典義居父母喪泣血盲一目。

學醫察色知病處方輒效善六壬占甚驗。

光緒安徽通志方技

明

丁墳墳與城同音字孟章孝友性成少喪父母塋兆未卜研究青囊精通祕奧出

覽山川形勢凡龍性穴情砂水作用之法動與古會其遺記藏之子孫亦往往獲

吉壤焉故丁氏世富厚數百年簪紱絲延於皖族稱望云所著有地理奧旨家訓

詩詞文集俗傳墳與江西術士辜繼楊同時相與商榷云云其實繼楊晚出與墳

時勢不相及也。

明

蔣紹岐天資明敏博學洽聞尤精數學貫穿太乙奇門六壬之書於事多前知

時兵氛四熾隣里避難者或請指所嚮方如其言皆獲免由是人共神之。

清

郝繼堡明布衣通天文術數之學磊石爲陣圖輒有驗尤精堪輿術徧游江淮

齊魯間所至皆有圖說明鼎革杜門不出終日偃臥隱居山之宰相窪窪音蛙人

以癡顛目之。著有地理指南一卷。遺稿藏邑人董自芳家。祕爲至寶云。

清

方迎報。字振藻。諸生。觀書領取大意。後厭棄舉業。究心堪輿之學。凡形家著述。靡不研究。足迹徧大江南北。山谿阻絕。無所不達。於世家大族。先塋發祥者。必流連瞻眺。以爲山川靈淑。與前賢圖記相印合。一時推爲絕技。爲人篤實。無城府。所施不求報。遇童穉無失禮。鄉有爭者。出酒食召而解之。親屬子弟貧者。爲延師教讀。增置學舍。供其修膳。門內整齊嚴肅。既歿。而子弟猶守遺規焉。

清

丁曰曾。號鏡然。精形家言。不自炫。間有知者。求卜。多獲奇驗。著天機類成書。以上

民國懷寧縣志遺稿

清

馬守愚。字古墟。懷寧人。少孤力學。實事求是。自墳籍以至國家掌故。及算數醫卜。星命堪輿。樹藝畜牧。究心編錄。而治經尤以禮爲主。光緒安徽通志儒林

清

潘用清。字潛庵。晚號榮陽笠叟。諸生。父慎生。舉人。用清性真率。工詩。精醫理。家無儋石儲。日手一篇。過目輒不忘。年七十。憶少時所誦習者。猶能朗朗出諸口。以

方劑活人無算。富者求多不應。術數爲當道所見許。然從不事干謁。以故終於貧。著有雙峯草堂詩稿四卷。札記二卷。六壬一卷。醫學十卷。

清

程翊文

翊。音謂。慶。石之次王者。

號健庵。諸生喜讀宋儒性理書。尤研究於易。并精堪輿學。

嘗與同邑楊變坡、鄧藝孫輩游山水。縱談徹夜。遇當意處輒購之。戚友中有以營葬求者。指示亦不吝。但不肯效形家之泛應云。

清

程容光。字葆堂。諸生。博覽羣書。尤精於易。遠法程子。而近則焦氏。嘗謂伏羲繫

易。其卦有八。文王演之爲六十有四。周公孔子不能增減其數。所謂引而伸之。觸類而長之。天下之能事畢矣。朱子窮變卦之奇略。理而言數。雖發明進化之例。人心惟危。可懼哉。程子言易必折衷以理。至焦氏尤闡發其微。此易學之正宗也。著周易平議都二十卷。卽寓此意。晚歲默察世變。曰某歲八月之交。清其沼乎。以清之運。於易爲臨。臨至八月有凶。辛亥之役。人皆服其先見。是容光之易言理。未嘗不精於數。特不欲筆之於書。以炫世耳。工古文辭。以非所好。篇帙散亂。故不傳。以

清

咎晚訥名某。懷寧人。徙桐城棕川之梅渚。晚結茅杏花村。箴之。得坤之萃。曰括囊无咎无譽。因自號晚訥。書其壁曰。飽吾嬉焉爾。臥吾寧焉爾。目吾陶陶焉爾。又曰。惟慎無憂。惟靜長安。惟儉長足。晚訥明季諸生。博綜經史。旁及醫藥卜算諸書。老而愛釋典。恆語其子曰。吾前身來自雪中。吾死亦必雪夜。及卒。天果雪。

清吳德旋  
初月樓聞

錄見

清

曹天寵字蓼潛。

潛音潛。語韻。盛說。

懷寧人。明季補諸生。精象緯之學。巡撫張國維聞其

名。訪之。引見。與語大悅。待以賓禮。蓼潛以家徙於鄉。謂戚友曰。城內不可居也。乙

酉皖城。果潰於左良玉之師。蓼潛著有春秋三傳纂註藏於家。

吳德旋初月樓聞見錄

清

陳世鎔。皖郡進士。以易推人生。命得某卦一爻以爲之主。復以次推諸卦。每卦

當二年。每二爻當一年。卽以爻辭卜流年吉凶。自謂創造。

桐城方東樹註授鴻堂筆記云。宋史家禹錫傳。禹錫喜命術。自

推其命。當易之歸妹困震。初中末三卦云云。其法與此大致相同。



131

桐城縣

春秋時桐國。漢置樅陽縣。隋改縣曰同安。唐改名曰桐城。清屬安徽安慶府。清方苞、姚鼐皆桐城人。其古文自成一派。繼起者宗之。世稱桐城派。

明 史仲宏桐城人。少習形家言。遇異人以青烏祕訣授之。遂臻其妙。曾卜投子山。

陡嶺一穴。法當大貴。於除夜行衢巷。暗聽之。有機杼聲。讀書聲。嬰兒聲者。君即授。

之。惟方得益家兼此。即以畀之。界。音比。賜也。與也。而爲之卜。三峯山葬三十年。科甲蟬聯。

不絕。光緒安徽通志方技

清 章攀桂字淮樹。安徽桐城人。乾隆中官甘肅知縣。累擢江蘇松太兵備道。有吏。

才。多術藝。尤精形家言。謂近世形家諸書。理當辭顯者。莫如明張宗道地理全書。

爲之作注。稍辨正其誤。失大旨。本元人山陽指迷之說。專主形勢。攀桂既仕顯。不。

以方技爲業。自喜其術。每爲親族交友擇地。貧者助之財以葬。妻吳故農家。自恨。

門第微。攀桂爲購佳壤葬其親。擇子弟秀異者。撫教之。遂登進士第。爲望族。高宗。

數南巡。自鎮江至江寧。江行險。每由陸。詔改通水道。議鑿句容。故破岡瀆。攀桂相。

其地勢。謂茅山石巨勢高。縱成瀆。非設閘不可成儲水。且多勞費。請從上元東北。

攝山下。鑿金鳥珠。刀鎗河故道。以達丹徒。工省修易。遂監其役。瀆成謂之新河。百  
年來賴其利便。攀桂亦因獲優擢。晚年居江寧。耽禪理。歿時預知期日。兼通日者  
術。括協掛辨方精要爲一書。曰選擇正宗。行於世。清史稿藝文志。光緒朝華亭  
顧鍾秀亦輯有選擇正宗八卷。

清

張裕葉。字侍喬。桐城副貢。官歙縣教諭。滁州學正。湛深經術。博綜鄭賈。旁及天  
文。算術。射法。醫理。星相。堪輿。莫不洞曉。著有爾雅補注。爾雅刊誤。又嘗撰開方捷  
法一書。凡算中積求邊者。不過一乘一加。而所得之邊。與古法等。最爲精妙。又嘗  
以己意。創爲燥溼表。能預知晴雨。學者稱爲華嚴先生。光緒安徽  
通志文苑

清

錢澄之。原名秉鐙。字飲光。自號田間老人。桐城人。世學易。撰田間易學十二卷。  
其學初從京房。邵康節。入。故言數頗宗。後乃兼求義理。參取王弼注。孔穎達疏。程  
子傳。朱子本義。而大旨以朱子爲師。其說不廢圖。蓋圖中奇耦之數。乃揲蓍之法。  
持論平允。義尤明暢。四庫經部  
易類六

清

章西五。桐城人。精星學。言多奇中。士大夫爭延致之。無虛日。蚤歲喪父。事母以

孝聞。日禮斗。祈母壽。一夕夢一白幡自天垂下。書一糖字。西五喜曰。天賜我母八

十八庚也。後果然。宜興吳德旋初月樓續聞見錄

清

方東樹。字植之。桐城人。諸生。博覽經史。中歲研究義理。一宗朱子。著漢學商兌。

書林揚解。一得拳膺錄。儀衛堂文集等書。其撰管異之墓志有云。始余自推星命。不利卯年。君與姚君石甫。嘗豫爲之作挽詩。嗚呼。孰知君竟先余而逝也。清史稿文苑續碑傳

集文學管異之墓志銘

132 宿松縣。漢初皖縣地。後爲松茲侯國。後漢省。南朝梁置高塘郡。隋廢郡。改縣曰高塘。文改爲宿松。屬安徽安慶府。

清

石盤山。通紫微斗數。光緒癸巳甲午間。客安慶。決科名得失。無不驗。名大噪。縣

人黃波頃時爲諸生。盤山推其命。當得六品京朝官。而不由科第。不由捐納。黃果

由陸軍部錄事。敘勞升科員。秩視六品。甲午鄉闈前。爲太湖余經權推算。斷爲丁

酉舉人。余不懌。旣而喜曰。甲午之前有癸巳恩科。應甲午中者。已提前一科。應丁

酉中者。亦然。予命本應丁酉中。提前一科。則今科必中。君所論者。命之常。予所言

者數之變也。已而余果以甲午中式。民國宿松縣志方技

133 太湖縣宋初置。縣在龍山太湖水之側。元嘉末。以縣居山嶺。移就平原。即今治。隋改曰晉熙。尋復故。清屬安徽安慶府。

清 宋自應字德孚。郡增生。敦品勵行。博涉典墳。尤精於易。凡有占驗。應如影響。嘗通其意以論醫。於陰陽剛柔消息盈虛之理。無不闡發精微。遂以醫名於世。所著有婦科專門。纂輯前人名方。又著痰火七十二症。名曰醫學折衷。凡數卷。命其徒彭顯周傳於世。又聞其精演禽數。亦多奇驗云。民國太湖縣志方技

134 潛山縣春秋時皖國。漢置皖縣。晉改置懷寧縣。元改置潛山縣。清屬安徽安慶府。

梁 何點字子皙。潯人也。方雅真素。博通羣書。善談論。遨遊人世。歷宋及齊。與兄並絕婚宦。時人號爲通隱。雅有人倫識鑿。多所甄拔。知吳興邱遲於幼童。稱濟陽江淹於寒素。悉如其言。點與武帝有舊。及踐阼。賜以鹿皮巾。欲拜爲侍中。辭疾不赴。天監三年甲申卒。時年六十八。梁書處士

清 王延造字深之。潛山人。博習羣書。工詞賦。會上六書於史可法。又游黃道周。譚

貞默之門。晚築博易齋。專事著述。有周易講義。兼山堂集。史學三筆。醫家圖說。星卜要訣行世。光緒安徽通志文苑

清

劉若宜。號泰齋。潛山人。聞滇南吳三桂之變。海內震動。時皖中大擾。民爭避出城。城外騷然。劉筮之。得明夷。初爻笑曰。無能爲也。其占不宜動。動必有災。鄰人信之。皆不動。已而果無事。遠徙者皆中途被掠奪。大困而還。由是閭閻之間。皆視劉

爲安危。清神類鈔方技

清

金馬。字玉堂。一字曉亭。幼聰穎過人。博覽經籍。而尤達於易。數學名於省垣。副將某。以吉凶問。曉亭據數以對。曰。明日午刻大凶。戒勿乘馬。某哂之。翌辰某。以事至撫轅。回時。屆午刻矣。騎馬經曉亭門。示以數之不靈也。忽轅門礮轟。馬逸。某墜而氣絕。人驚爲神。官民就占者。其門如市。判之無不驗。民國壽山縣志方技

清

汪伯樂。字在中。剛方正直。才識過人。尤精堪輿之學。名山大川。罔不裹糧遊遍。邑城南。文河奔潰。流破生方。言於學博潘。及通庠老成者。詳陳邑侯鄭。力請濬河。

築堤捐貲爲倡。身先督率。勞怨不避。不數月而河之淤者開。潰者鞏。自是邑少回祿。居民安堵。官茲土者。先後遷擢。丙午己酉科。兩有捷者。皆樂預決之也。事詳河堤碑中。子世清。邑庠有聲。民國潛山縣志方技

135 望江縣

漢皖縣地。東晉置新治縣。隋改縣曰望江。又改曰望江。清屬安徽安慶府。

清

沈鎬。字六圃。號新周。望江人。康熙己丑進士。耕經芸史之餘。遍覓堪輿書。蒐其

堂奧。又羸糧躡屨。窮幽勝所見古蹟。既多。亦間遇山翁奇士。短長相劇切。劇。晉州。礎磨也。久之。乃會羣說而折其中。集衆長以成一。是著地學二卷。康熙壬辰刊行。地學自序

136 合肥縣

漢置。沛水與肥水合。故曰合肥。東晉更名汝陰。隋復名合肥。清屬安徽廬州府。今縣北有合肥故城。蓋即漢縣。今治或隋時移治也。

晉

隗炤

隗。危上聲。炤。照韻。高也。又晉危。灰韻。

汝陰人。善於易。臨終書版授其妻曰。後當大荒。雖窮慎勿

賣宅。後五年有詔使龔姓來頓此亭。此人負吾金。卽以此版責之。炤亡。其家大困。不敢賣宅。至期果有龔使者止亭中。妻贖版責金。使者惘然。沉吟良久曰。汝夫何善。曰。善易。使曰。噫。我知之矣。乃取蓍筮之。卦成撫掌歎曰。妙哉。隗生所謂含明隱

迹者也。因告其妻曰：吾不負若金。汝夫自有金耳。知亡後必暫窮，故藏金以待。所以不告兒婦者，恐金盡而困無以已也。知吾善易，故書版寄意。金有五斤，在堂屋東頭，去壁一丈，人地九尺，還掘之，皆如其卜。

晉書葛術乾隆  
江南通志藝術

宋 馬亮，字叔明，合肥人。舉進士。仁宗時，官至工部尚書。以太子少保致仕，諡忠肅。

亮善相人，爲夔路監司。日，呂文靖父爲州職官，一見文靖，卽許以女嫁之。妻劉恚曰：君嘗以此女爲國夫人，何爲與選人子？亮曰：非爾所知。此所以爲國夫人也。

宋史

本傳宋孫  
升談圃

宋 袁漑，字道潔，汝陰人。卽今合肥  
縣治嘗問學於二程，舉進士。建炎初，集鄉民爲保聚，抗

金人，屢克其衆，衆謀奉之爲主，乃逃於金房山谷間，尋移居富順。從賣香薛翁學，所爲益純粹近古。後家荊州，病沒於二聖寺。漑之學，自六經百氏，下至博奕小數，方術兵書，無所不通。於易禮說尤邃。人稱厚德君子。

薛士龍  
浪語集

元 楊守業，字君愛，合肥人。少遇異人，授以占筮之學，言事輒驗。世居棗香村，率其

子弟耕鑿自安。不入城市。而戶履常滿。子朝元能傳其業。王公大人多往招之。談言微中。其應如響。一時名士贈詩盈帙。寓公王蒙齋有贈棗香居士四首云。高人卜築愛林泉。鷄犬桑麻日晏然。閒坐藁牀讀周易。知君原是大羅仙。庭蓋成陰履破苔。人人盡問棗香來。鄉莊不比成都市。只爲先生姓似雷。緯繡心費評量。音

卦又音劇。緯繡非戾也。

乖每望雲山。輒卦懷兩字。平安君說與。始知天道不安排。觀此足見其生平矣。書圖

集成術數部  
名流列傳

明

蘇萬彙字敏生。合肥人。明季諸生。隱居讀書。精於卜筮。嘗言知三奇而不知六

壬。雖得守貞之要。料事無別姦發。隱之能知六壬而不知三奇。雖有知人之術。非難無全身遠害之方。著有遵古奇門陰陽正典。光緒廬州府志藝術

清季友賢字輔皇。合肥人。淹貫經史。兼精六甲。明末大司馬史可法羅致幕下。父

艱歸里。隱于黃山。

乾隆江南通志隱逸



清 王世瑗，字橘州，合肥人。性簡易，究心甘石之術。魏石中夫，與齊國甘，公按掌天文之官。中年得足疾，家貧，恥于人課徒賣卜，以自給。貧賤壽夭言多驗。晚歲客壽州，著有六壬擇要。光緒廬州府志

補藝

清 王星軫，字柳湖，合肥人。性穎悟，研究經義，弱冠補諸生。陳白雲大令深器重之。嗣屢試不第，旁通堪輿岐黃，不屑行其術。貧人求之，亦樂往治，不能具其藥，給資購之。晚精六壬，所占多驗。里有寡人欲離婚者，出粟助錢止之。著尊樂堂集待梓。

民國合肥縣志

清 秦堅，字屹高，合肥人。習天官家言，嘗入欽天監，得聞西洋利瑪竇、湯若望、諸星法及天文諸書。後遊江浙，言人禍福壽夭皆奇驗。客蘇州，自知死期，命子瑞麟具湯沐，至期無疾而逝。光緒安徽通志方技

清 徐子苓，字西叔，合肥人。一字毅甫，晚號龍泉老牧。道光舉人。工詩文，兼通醫卜。相人之術，以鬻文游公卿間。性介特，有能名。晚歲選授和州學正，聞學師爭諸生。

贊金曰是尙可爲耶。逕走不顧。著敦良吉齋詩文存。光緒廬州府志卷

術續碑傳集文學

137 廬江縣古廬子國。春秋時舒國。漢置舒縣。隋改曰廬江。清屬安徽廬州府。

漢後

王景字仲通樂浪訥郡人

訥乃甘切。晉時樂浪郡有訥郡縣。漢武帝滅朝鮮所置。西晉之末。爲高句麗所併。

少學易又好天文術

數之事深沈多技藝明帝時治水數有功官終廬江太守初景以爲六經所載皆

有卜筮作事舉止質於蓍龜而衆書雜糅吉凶相反乃參紀衆家數術文書冢宅

禁忌雜送造宅之法。若黃帝青鳥之書也。堪輿日相之屬前漢書藝文志。堪輿金匱十四卷。許慎云。堪輿。天道也。輿。地道也。日相。謂日辰王相之法也。適於事用者。

集爲大衍玄基云。易曰。大衍之數五十。其用四十有九也。後漢書循吏傳。

吳王蕃字永元廬江人博覽多聞兼通術藝始爲尙書郎孫休即景帝卽位爲散騎

中常侍加駙馬都尉時論清之遣使至蜀蜀人稱焉還爲夏口監軍孫皓初復入

爲侍常甘露二年丁丑爲嬖臣所譖毀蕃氣體高亮不能承順以直忤被斬丞相

陸凱上疏曰常侍王蕃黃中通理知天知物處朝忠蹇斯杜稷之重鎮大吳之龍

逢也昔事景皇納言左右景皇欽嘉嘆爲異倫而陛下忿其苦辭惡其直對臬之

殿堂尸骸暴棄。郡內傷心。有識悲悼。其痛蕃如此。死時年三十九。

三國志吳書本傳

晉 杜不愆。廬江人。少就外祖郭璞學易。卜屢有驗。郗超年二十。

郗。晉陳姓也。一作郗。

得重疾。

試令筮之。不愆曰。案卦言之。君所苦尋除。然宜於東北三十里上官姓家。索其先養雄雉。籠盛置東檐下。却後九日辰加午。必當有野雌雉飛來與交合。既畢。雙飛去。若如此。不出二十日。病即愈。年且八十。位極人臣。若但雌逝。雄留者。病一周方差。年半八十。名位亦失。超時正羸篤。慮命在旦夕。笑而答曰。若保八十之半。便有餘矣。超依其言。索雉果得。至期果有雌雉飛入籠。與雄交而去。雄雉不動。超歎曰。雖管郭之奇。何以尚此。超病踰年果起。年至四十。卒於中書郎。不愆後爲桓嗣建

威參軍。

晉書藝術光緒安徽通志方技光緒廬州府志藝術

明 吳鵬。廬州人。習堪輿家言。萬歷時。礦稅忽開。奸人欲徧發霍廖金斗諸山。中官

暨祿。率黨數十人。入郡城。人心惶惶。鵬爲危論動之。全廬得免發掘之擾。所著有

五寶經。

先緒安徽通志方技

晉

韓友字景先。廬江舒人。受易於會稽伍振。善占卜。能圖宅相冢。亦行京費厭勝之術。神效甚多。消殃轉禍。無不皆驗。干寶問其故。友曰。筮卜用五行相生殺。如按方投藥治病。以冷熱相救。其差與不差。不可必也。友以元康五年乙卯舉賢良。元帝渡江。以爲廣武將軍。永嘉末癸酉卒。晉書藝術光緒安徽通志方技

清

瞿東海。習天官家言。曾得異傳。賣卜於市。每於歲除。儲水於釜。以紅絲繫瓢柄。置水中。占歲豐歉。多奇中。嘉慶中。歲久不雨。邑令熊載陞。問卜於東海。斷曰。明日午刻當風。未刻雨。至期果驗。熊贈以額。子蘭譜。有父風。道光五年乙酉。爲邑令。樂堅卜疑獄。如言立剖。亦贈以匾。孫運炎。運功。曾孫守明。守榮。守華。守富。皆世其業。

又沈兆鴻

亦善卜。多奇驗。

光緒舒城縣志藝術

清

余禮方。舒城人。善星象。天時旱澇。先期諭鄉人預防。屢驗。人稱之如神。光緒廬州府志藝術

清

朱英。東英。二人俱精風水之說。朱著有地理真傳十卷。東號濟菴。庠生。工書法。

著有地理辨二十四卷。大約以天地吉壤固難得。葬親者祇宅其心之安。假以邀福非孝也。

清童超佐習堪輿家言。手著陰陽摘要二集行世。國學生許鳳儀堪輿之術亦與。

超佐等邑中望族。多延請之。

以上光緒舒城縣志藝術

清黃宜之字子君一字義門舒城人。年七十應廬州府試第一。補博士弟子員。困

於鄉舉。援例需次福建縣丞。大吏器之。檄署詔安。題補惠安知縣。咸豐丙辰改官山西。檄署靈邱。旋補文水。光緒丁丑卒。年七十有九。宜之少年雄視文壇。老益好學。尤熟於風鑑。書窮通壽夭。一望而知。鄭親王端華爲侍郎時。使閩。慕宜之名。使相焉。出而密告所親。曰。是滿面殺氣。萬無善終理。五臺徐松龕中丞繼畬。罷官。宜之謂之曰。公必再起。年登大耋。後皆驗不爽。其他禽遁地理諸家。涉獵殆徧。非近世俗學所及。著書兵燹遺失。續碑傳集守合

139 巢縣夏商時南巢地。周爲巢伯國。後屬楚。爲居巢邑。秦置居巢縣。晉改居巢。唐改新縣。隋改新縣曰襄安。唐改縣曰巢。清屬安徽廬州府。

明 徐體乾、巢縣人。占易。用左邵法。與焦氏易林相符契。其天文得之。劉誠。

易解。焦竑序之。光緒安徽通志方技

清 陳夏聲、號禹門、巢縣人。邑廩生。品學兼優。以授徒為業。門下多知名士。尤精易

理。凡疑難請卜之。吉凶判斷不爽。士林服之。光緒廬州府志藝術

清 李大珍、通形家。言以縣治。水不繞城。著有改河議。道光巢縣志方技

140 無為州。本無為鎮。曹操征孫權。築城於此。攻吳無功。因號無為城。尋為無為監。宋建無為軍。又析巢廬江二縣地。置無為縣為軍治。元升軍為無為路。尋降無為州。明洪武中。以州治無為縣省入。屬廬州府。清因之。屬安徽省。民國改州為縣。

府。清因之。屬安徽省。民國改州為縣。

清 謝應寬、無為人。尚孝友。崇信義。讀書不倦。精堪輿。尤精卜筮。星命之學。多奇驗。

人咸以君平目之。

清 黃益齋、無為人。少孤貧。壯遊江浙。精術數。星命卜筮。往往多奇驗。以上光緒廬州府志藝術

清 朱觀乾。通志。乾作象。無為人。清介端方。不營生產。衣荷食橡。援琴自適。博通今古。書

畫。堪輿。理數。諸祕。皆探微入奧。光緒廬州府志藝術。光緒安徽通志方技。

清 邢步巒。無爲人庠生。素習六壬。尤精堪輿之術。通經史百家。鄉里咸稱爲績學之士。

清 徐登雲。字忠齋。無爲人。爲人正直。精堪輿。子德鏞。世其學。好義疏財。鄉里德之。

清 蔣一鐘。號半山。無爲人。庠生。通經史。精堪輿。著有地理備要。

以上光緒廬州府志藝術

141

和州

漢置歷陽縣。晉置歷陽郡。北齊以兩國通和置和州。隋復改爲歷陽郡。唐曰和州。宋曰和州。歷陽郡。元升爲和州路。尋復降爲州。明初省歷陽縣入州。尋廢州爲歷陽縣。旋復爲和州。清直隸安徽省。民國改

州爲縣。

晉 陳訓。字道元。歷陽人。少好祕學。天文。算數。陰陽。占候。無不畢綜。尤善風角。孫皓以爲奉禁都尉。皓政嚴酷。訓知其必敗。而不敢言。時錢塘湖開。或言天下當太平。皓以問訓。訓辭不知。退而告人曰。非吉祥也。吳亡入晉。隨例內徙。拜諫議大夫。俄而去職還鄉。知陳宏必敗。周充必貴。甘卓爲歷陽太守。訓私謂所親曰。甘侯頭低而視仰。名爲盼刀。又目有赤脈。自外而入。不出十年。必以兵死。卓果爲王敦所害。丞相王導多病。每自憂慮。以問訓。訓曰。公耳豎垂肩必壽。亦大貴。子孫當

東。咸如其言。訓年八十餘卒。

晉書藝術光緒安徽通志方技

元 尹堯道字道夫。和州人。父京字景山。咸淳乙丑進士。初筮尉興化。數年平反疑獄。有政譽。遷廬州教授。入元朝。晦跡弗仕。堯道自非歲卽有志。欲以明經取上科。莆田周君合肥汪君夏君號名師儒。堯道悉從之游。習爲詩。以襲家學。年甫十五。而場屋事廢。遂絕意仕進。屏居黃山。率其弟舜道事親以孝。廣田園以供伏臘。間出游江淮。操奇贏以自溷。有餘資則周其族姻里黨。不以自豐殖也。堯道爲人多材能。有幹局。持身莊重。而遇事通敏。博涉羣書。至於陰陽方技。無不通其說。以善自韜默。人鮮有能知之者。大德十一年丁未卒。享年四十有六。

元黃學士文集贈承事郎尹公墓誌銘

142 六安州

隋爲霍山。開化二縣地。唐改霍山置盛唐縣。宋改盛唐爲六安縣。元改爲州。明廢縣入州。清直隸安徽省。民國改州爲縣。縣境產茶極著。色香味俱佳。世稱六安松蘿。

明 朱雲成本徽州人。居六安。衣衫藍縷。人與之言。形家卽精。形家言。言曰者卽精。曰者言。人莫能測。酒後發狂。哭笑亂語。其後輒驗。郝進士謁選。問之。雲成誦曰。得仙人之舊館。及官新建。署內有亭曰仙人舊館。郝尊生少穎異。雲成愛之。每見必



哭曰：水仙子郝竟覆舟，彭蠡死，崇禎壬午，獻賊圍城，令卜之。哭曰：我在數中。後城陷，屠戮殆盡，雲成遇害。光緒安徽通志方技

明 彭訓民，字化欽，號易庵，順天庠生。後居六，性狷介寡合，與人言侃侃有正氣。精

通易理卜筮之學，每有奇驗。同治六安州志方技

清 葉鉏，字耕雲，六安歲貢。工詩，與程汝蕓、同胡燏等相唱和，著有將就山房詩

草。旁通奇門之術，占驗多中。光緒安徽通志文苑

143 霍山縣 春秋潛國，漢置霍縣，南朝梁置岳文縣，隋改曰霍山，宋省爲鎮，入六安，明復置縣，屬六安州，清因之。

清 吳廷棟，字彥甫，號竹如，晚號拙修老人，霍山人。道光乙酉拔貢，授刑部七品小

京官。同治乙丑，官至刑部右侍郎。丙寅告歸，遂寓金陵。日食不給，處之晏然。癸酉

閏六月朔，卒。年八十有一。廷棟學務實踐，清操絕俗，湛深宋五子書，由雒閩而上

游鄒魯，取諸家撰述，辨晰毫芒，求其性分所固有，職分所當爲，期與古人相合。其

他天文術數之學，靡不窮源竟委。於醫則抉河間丹溪兩家闢奧於地理則合楊

曾廖賴而得其精微。著拙修集十卷。詩一卷。

續傳集同治朝部院大臣

144 蕪湖縣

漢置。後漢建安初。孫策破劉繇。太史慈遁蕪湖山中。自稱丹陽太守。晉咸和二年。蘇峻陷姑孰。宣城內史桓胤起兵進屯蕪湖。實江津之要。唐武德以後爲鎮。故城在今安徽蕪湖縣東。南唐割宣城

當塗二縣復置。卽今縣也。清屬安徽太平府。設皖南鎮總兵駐之。地當本省東北江濱。清光緒二年。中英煙臺會議條約。尤開爲商埠。皖南北商貨。咸以此爲萃集之所。米市與茶市甚盛。蕪湖木商至此。必改稱木筏。木市亦盛。商乘之盛。爲全省冠。擬築之蕪廣鐵路。卽以此爲起點。

清

蕭雲從。字尺木。蕪湖人。明崇禎己卯副榜貢生。年八十時。撰有易存。是書以數

言易。而其文乃以律呂歷算爲宗。旁及於三命六壬之術。前列易存四學一條。稱學者先讀易卦爻詞。大傳著法。次學卦氣。以及支干陰陽五行生尅氣運衰旺。次學算歸除因乘。次學詞曲聲調管弦。以及翻切諸法。方得其說也。

四庫經部易類存目三

145 繁昌縣

東晉置。南朝梁廢。故城在今安徽繁昌縣東北。南唐復置。卽今治。清屬安徽太平府。縣境有煤田鐵田。

明

從任。字子重。以諸生入太學。授江西按察司照磨。二年。陞湖廣黃州府經歷。負

奇氣。兼嗜異書。於天官律歷戰陣醫藥太乙奇門遁甲六壬皆探得其要。嘗與太史焦竑同舟至潯陽。暮有傍舟相尾。知爲盜也。一舟皆懼。任占之曰。漏下三刻。盜

且去頃之果如其占。在黃州諸生薄試期。占者十七人。任獨占方民昭。耿子健。得雋。雋。晉晉與雋。俊通異也。是科果登賢書。卜數之驗多類。是焦竑嘆曰。子重之技。嵩真陳照。

不能稱絕矣。乾隆江南通志藝術卷。光緒太平府志方技。

146 富塗縣。秦漢丹陽縣地。隋徙置富塗縣於此。明爲太平府。清因之。屬安徽省。長江水師提督駐此。

管東 沈宗丹陽人。始皇東巡。由丹陽至錢塘。即此。故城在安徽富塗縣東。今爲鎮。晉志作丹陽。以山多赤柳。故名。善占卜。義熙中。左將軍檀詔。

鎮姑孰。姑孰城。今安徽當塗縣。治。東晉時置城戍守。好獵。善格虎。一人皮韞乘馬。從數人來占。云。向東求食。

好。向西求食好。宗爲作卦。曰。東去吉。因索飲。以口納瓠中。若牛飲者。遂東去。數十

步。人馬皆化爲虎。是歲虎暴非常。光緒安徽通志方技。光緒太平府志富塗縣方技。○單按。通志府志。皆載沈宗爲南宋人。非是。

明 何中立。采石鎮人。善占卜。知休祥。明祖初渡江。遇諸塗。問曰。天下紛紛。究將誰

屬。中立曰。願書字占之。帝掣刀畫一字於地。立俯伏拜曰。土上一畫。非王而何。亦

如謝石答宋高宗意。後定鼎金陵。詔同劉基定皇城址。向授五官保章。

明 陶安。字主敬。當塗人。少敏悟。博涉經史。尤長於易筮。驗若神。元至正初。舉鄉試。

授明道書院山長。避亂家居。太祖渡江。安率父老出迎。太祖與語。善之。留參幕府。洪武初。命知制誥。兼修國史。歷江西行省。參知政事。太祖曾御製門帖子賜之。曰。國朝謀略無雙。士翰苑文章第一家。卒謚文憲。明史列傳

清 胡遵昭。字守亭。當塗舉人。博通經學。兼精天文地理。音韻句股。著述甚夥。惜未

竟所學而卒。

光緒安徽通志方技

147

歙縣。漢置。隋廢。尋復置。大業中爲縣人汪華所據。始自休寧移新安郡治於此。唐因之爲歙州治。清爲安徽徽州府治。

漢 方儲。字聖公。歙人。講孟氏易。精圖讖。善天文。舉賢良。爲洛陽令。永元中郊祭。問以陰晴。勸帝毋往。是日晴。詔責其欺。儲曰。咎時且至。願乘輿亟還。比駕還。雨雹大作。後傳其仙去。廟祀之。乾隆江南通志方外

宋 朱安國。新安人。善相字。紹興三十二年六月。至鄱陽。是歲壬午。當舉場開。士人多在州學。從之占問。段毅夫示以飛字。朱書其側曰。二九而升。扣其說。對曰。飛之爲字。从二从九。从升。但據筆畫言之。不能知其義。未可便決禍福。及秋試。以第十

九名薦送。朋友賀之曰：十九者第二九也。君必正遇。已而省試失利。乾道元年乙酉，再舉。復中十九名。遂登第。始悟二九而升者，兩次十九方成耳。

宋

徐端叔讀書知命。朱文公熹贈以序云：世以人生年月日時所值支干納音推

知其人吉凶壽夭窮達者。其術雖若淺近。然學之者亦往往不能造其精微。蓋天地所以生物之機。不越乎陰陽五行而已。其屈伸消息錯綜變化。固已不可勝窮。而物之所賦。賢愚貴賤之不同。特昏明厚薄毫釐之差耳。而可易知其說哉。徐君嘗爲儒。則嘗知是說矣。其用志之密微。而言之多中也。固宜。世之君子。儻一過而問焉。豈惟足以信徐君之術。而振業之亦足以知夫得於有生之初者。其賦與分量固已如是。富貴榮顯固非貪慕所得。致而貧賤禍患固非巧力所可辭也。直道而行。致命遂志。一變末俗。以復古人廉恥忠厚之餘風。則或徐君之助也。雖然。與

人子言依於孝。與人臣言依於忠。天壽固不貳矣。必修身以俟之。乃可以立命。徐君其亦謹其所以言者哉。

朱文公全集

明 吳寧，字永清，歙人。宣德進士。除兵部主事。正統中，再遷職方郎中。郕王監國，于謙薦擢本部右侍郎。景泰改元，以疾乞歸。後不復出。家居三十餘年。卒。寧方介，有識鑑。嘗爲謙擇壻，得千戶朱驥。謙疑之。寧曰：「公他日當得其力。」謙被刑，驥果歸其

喪葬之。

明史于謙本傳

明 程玠，字文玉，歙槐塘人。精於醫卜星曆之學。里有病瘵者，玠按脈曰：「君必不起。」顧有喜徵。時病者未有子，而居別業。玠趣之歸。一宿而婦有娠。瘵竟死。宗人某，係廩生。以次將貢，而病甚。請玠視。玠入戶，聞嗽聲，問曰：「此非病者與？」無憂行。且爲邑令。後果登鄉薦。玠能造木牛流馬，可五步。築室按八門遁甲術。夜戶不閉，盜無敢入者。臨歿，盡毀其書。曰：「此不可以言傳，恐反誤人。」玠未官卒。邱文莊濬狀其行實，稱爲一代異人。所著有大定數、太素脈訣、松崖醫徑行世。

乾鑿江南通志文苑道光徽州府志方技

明 葉致遠，著堪輿正論。鮑清時，著地理舉隅。江鼎，著一粒粟。方智，著堪輿淺注。黃恆、江瑞，皆有名。

民國歙縣志方技

明 程璣歙縣人。診脈知富貴貧賤壽夭。所著有太素脈訣經驗考。光緒安徽通志方技

明 朱國祥字散叟歙縣人。專以二十八禽演人之祿命。著萬化仙禽八卷。引用古

籍頗多。唐國達字振吾爲之梓行於世。萬化仙禽字

清 詹方桂字天木歙縣人。精書畫。凡天文風角六壬遯甲星醫諸術悉通曉。時四

方猶未靖。避居松蘿山。著有四家小品行世。光緒安徽通志方技

清 吳霞舉字孟陽歙縣人。性孝友。嘗領歙邑教事。所著有易管見箴易太元潛虛

圖說。光緒安徽通志儒林

清 程恩澤字春海歙縣人。嘉慶辛未進士。改翰林院庶吉士。官至戶部右侍郎。道

光丁酉。薨於位。年五十三。恩澤博聞強識。於六藝九流好學皆深。恩心知其意。天

象地輿壬遁太乙脈經莫不窮究。詩古文辭皆深雅。時乾嘉宿儒多徂謝。惟大學

士阮元爲士林尊仰。恩澤名位亞於元。爲足繼之。所欲著書多未成。惟國策地名

考二十卷。詩文遺集十卷。傳於世。清史稿本傳。聯人傳三編。引陳康祺郎潛紀聞。南海縣志云。道光壬辰科。程侍郎恩澤。典試廣東。榜後。粵中名士。饒於白雲山。

雲泉仙館。酒醒。侍郎慨然曰。粵東今日可云極盛。寶象將見。此後廿餘年。亂從粵東起。再十餘年。亂遍天下。不堪設想矣。時曾拔貢。亦精於洪範五行之學者。相與問難。不覺晷刻。侍郎笑曰。子無爲杞人憂。吾與子不及見。隨諸視座中人曰。都不及見矣。及見者譚君玉生耳。後五年。侍郎卒。甲寅紅巾起。曾拔貢卒。丁巳以後。內外交訌。幾如陽九百六之期。而當日同席諸公。物故殆盡。惟譚獨存。年至七十二始卒。

清 汪家忻字仲伊。亦號攷慮處士。歙縣人。光緒丙子舉於鄉。庚辰成進士。籤分山

西卽用知縣。告病在籍。丙午十月卒。年七十。宗沂精研禮經。洞悉樂呂。與順德李

仲約侍郎同撰。撼龍經注。雅瞻異常。清史稿藝文術數類。載人相宅相墓之屬。

文廷式純常子枝語。閱爾昌碑傳集補經學賦注。仲伊傳云。先生以孝聞。長侍親病。因研醫術。以張仲景之書。汨於王叔和也。輒傷寒雜病論合編。又以鄰親之故。治形家言。病經禮經無善本。作經校注。龍經校注若干卷。

清 吳起仍字公遠。城東人。居貧盡孝。性愛山水。研究青鳥之術。尤精六壬學。就問

卜。每多奇中。汪二尹給以術精易數額。

道光徽州府志方技

清 黃仕綸。吉林人。精天文術數。祈雨輒應。太守羅公鈔。訪延至郡。給額曰。法

雨濟時。

清 程廷慕。黃茂坦人。庠生。力學嗜古。尤精堪輿星卜之學。著有堪輿撮要。星命撮

要。卜數撮要諸書。

以上道光徽州府志方技



清 田宏政，郡城人。精選擇之術。子孔步，能繼其學。傳其曾玄。

清 謝玉臨，謝芝生，皆田干人。精通奇壬，長於選日。世守其業。以上民國歙縣志方技

清 程樹勳，字愛函，歙縣人。善六壬，著有畢法集覽、壬學瑣記二書。嘉慶辛未稿，同

治壬申刊行。畢法集覽序

148 新安縣 隋初置歙州，治黟，尋改爲新安郡，治休寧，又移治歙，即今安徽歙縣治。唐改歙州，尋改新安郡，旋復爲歙州。

明 程汝文，號和玉山人，新安人。撰易數總斷，其書分一千八十局，立三奇八門，而

上方則附以易卦爻詞，蓋以六壬奇門假易義以立法也。四庫子部術數類存目二

清 程良玉，字元如，新安人。善卜筮，隱居杭城西偏，車馬闐駢如市。日既晡，不得下

簾，休息如是者二十餘年，以爲嘗。至四十時，抱疴，鍵戶，忽忽機動於中，遂得數。見

兆，因而發憤著書，極深研幾，蓋二年而成。易冒十卷，皆論以錢代蓍之法。時康熙

甲辰也。四庫子部術數類存目二易序

清 陳雯，字畊山，新安人。丰神瀟灑，議論宏深，明岐黃，精堪輿，諸子百家，靡不淹貫。

著三才發秘十有六卷。康熙丁丑刊行。其天部曰天星發秘。選擇正宗。地部曰理氣元機。形法採真。陽宅秘訣。人部曰祿命歸真。五星洩秘。河洛考正。皇極數理。觀其立言大旨。則以天正爲體。而以太陽爲用。是故周天之度數。無可考也。於太陽考之。天運之循環。難以定也。於太陽定之。歲由仲冬而成。以太陽之來復也。時從子正而定。以太陽之始生也。十二支辰。太陽日行一轉也。二十四氣。太陽歲行一周也。卽如子半陽生。皇曆明分正夜。而人不察。直以子全爲一日之首。而不知其半居於夜終。實則子亦有陰。而甲子日。有丙子時也。如此之類。發明頗多。三才發秘 陳晉錫序

清張祖房。字又良。別號五岳山人。不知其所自來。順治間。愛新安山水。捆載其所著書。至休寧。訪吳懷英於還古書院。時年八十七矣。盡以所著周易關鍵。周易訂譌。一字春秋。魯論覺言。及書詩禮諸經講義。八陣圖說。授之懷英。後懷英卒。隱於黃山。卒年九十三。諸書亦漸流散。其存吳氏者。惟周易魯論兩書而已。其學甚博。兼精武技。於天文術數。遞甲之學。尤所究心。時或一言奇中。善導引。未嘗寢息。蓋

前代逸民云。

光緒安徽通志流寓

清程謙字抑若徽州人順治中徙居繁昌峨橋於天文奇門堪輿精研其奧尤工

詩著有鑿桐錄黃山樵吟行野逸吟內外譜譜書

光緒安徽通志流寓

歷代卜人傳卷十二終

鎮江張淦堂校

周禮春官以邦事作龜之八命。一曰征。二曰象。三曰與。四曰謀。五曰果。六曰至。七曰雨。八曰瘳。以八命者贊三兆三易三夢之占。以觀國家之吉凶。以詔救政。凡國大貞卜。立君卜。大封則眡高作龜。大祭則眡高命龜。凡小事涖卜。國大遷大師則貞龜。凡旅陳龜。凡喪事命龜。卜師掌開龜之四兆。一曰方兆。二曰功兆。三曰義兆。四曰弓兆。

# 中國歷代卜人傳卷十三

潤德堂叢書之八

鎮江袁阜樹珊編次

安徽省二

149

黟縣漢置黟縣。宋始名黟縣。隋初廢。尋復置。清屬安徽徽州府。屬。源古曰音伊。字本作黟。其音同。字書云。黟音醫。支韻。山名。在安徽徽州府。黟縣以此得名。

宋

邱濬字道源。黟縣人。天聖中進士。爲句容令。歷官殿中丞。讀易悟損益二卦。能

通數。知未來。興廢。熙寧十年丁巳秋。翰林學士楊元素。貶官荊州。過池陽。見之。濬

曰。明年當改元。以易步之。乃豐卦用事。必以豐字紀年。如期改元豐云。又嘗謂家

人曰。吾壽終九九。果八十一卒。

明一統志藝術典術數部紀事定遠方濟師燕軒續錄

宋

汪綱字仲舉。黟縣人。淳熙丁未。銓試。累除外任。所至有政聲。嘗知紹興府。濬蕭

山運河。治諸暨水利。尋直龍圖閣。理宗立。詔爲右文殿修撰。紹定戊子。召赴行在。

言臣下先利之心。過於徇義。爲身之計。過於謀國。宜有以轉移之。權戶部侍郎。越

數月上章致仕。特畀二秩。仍賜金帶。卒。綱學有本原。多聞博記。凡兵農醫卜陰陽律曆諸書靡不研究。機神明銳。遇事立決。服用不喜奢麗。供帳車乘。雖敵不更。著恕齋集。左帑志。漫存錄。宋史列傳

明

胡朝禮。黟縣人。善相地。有女。傳其學。嫁汪辛。辛歿。先世多未葬。胡氏歷覽山川。

獲葬地。並建祖祠。鑿池。廡渠。

斷。皆所。斷役也。謂析薪獲馬者。亦作斷。

消納如法。嘉靖中。汪氏丁口數千。代

有通顯。辛之先。有曰進者。精醫。江西疫。作藥飲之。輒愈。又刻其方。傳之所活益衆。修德獲報。理或然也。同村戴姓者。亦善相地。卜遷於太平縣之戴家灣。今成著姓。

光緒安徽通志方技

明

黃鑑。幼孤。事母以孝聞。涉獵儒書。遂精於藝。著有地理星形會一篇。醫林摘粹。

石山吟稿等書。

道光黟縣志藝術

清

余佐。字忠元。黟縣人。精易學。隱於卜筮。吟詩作畫。著冬青居士詩二卷。

光緒安徽通志隱逸

清

許棻。字廣存。黟縣附生。博覽子史。旁及星卜奇遜。壬式尤熟。精騷選。韓杜諸家。

著有春及草廬詩文鈔。學詩小識。學詩集證。

光緒安徽通志文苑

清

孫蒙字養正。黟縣人。家貧。爲人相宅墓。取錢以給家。好數學。皆穿穴之。其治易。

喜言人事。其言易分五門。一易緯。推乾鑿度七書之數。及易九厄。二易支。曰易林。

曰京氏易傳。曰元苞。曰皇極經世。曰三易洞璣。曰九宮經緯。附京氏後以洞微數。

三易流。曰八陣。曰金丹。曰地理。四易歧。曰太玄。曰洞極。曰潛虛。曰皇極洪範。曰參。

兩。曰範衍。曰太微。曰括奇。曰靈棋。五易衍。曰龜卜。曰脈法。曰太素脈。曰五運六氣。

曰太乙。曰奇門遁甲。曰六壬。曰演禽。曰璣衡。曰風角。皆究揲灼布推加減飛行診。

望之法。爲采文補注附說。爲作表摺推奇胲。胲音該。備也。總名周易外傳。凡十五卷。又

通音韻。有易韻一卷。元音二卷。

俞正燮已存稿光緒安徽通志儒林

清

俞正燮字理初。黟縣人。道光辛巳舉人。家貧性介。博學強識。實事求是。其讀書

常置巨冊數十。分題疏記。積歲月。乃排比爲文。斷以己意。著有癸巳類稿。存稿。率

皆發明經史奧義。旁及諸子百家。九流之說。剖晰疑似。若辨黑白。道光庚子卒。年

六十六

清史稿文苑三王藻已類稿序○類稿六壬古式及書跋云六壬之起道藏謂自黃帝名六壬者神機制勝太白陰經云元女式者一名六壬式元女所造主北方萬物之始因六甲之王故曰六壬道

藏蓋三至黃六爲黃帝龍首經二卷黃帝全圖玉衡經一卷黃帝授三子元女經一卷抱朴子極言篇云案龍首記顏氏家訓雜藝篇云吾嘗學六壬式亦值世間好匠案得龍首金匱玉輪五變玉歷十數種書其書古雅也又六壬式法雜見吳越春秋越絕書俱東漢人作其語必有所受藝文志陰陽家有于長天下忠臣九篇別錄云傳天下忠臣而入陰陽家其中蓋有若村時太史夫差時子胥公孫聖等占驗術又禮記月令春行夏令秋令

冬令之占及辨儀典禮均依六壬月將法求日辰星度之應是秦漢相傳古法(傳囊何切音那歌韻)○存稿推生命古今不同說云魏志高貴鄉公紀注帝集戲帝自敍始生禱辭云惟正始三年九月辛未朔二十五日

乙未直成子生按九月建戌則午直成茲二十五日立冬故重一戌日高貴鄉公以立冬日生而自以直成爲吉宿也魏晉推算生命法抱朴子雜論篇云命之修短實由所值受氣結胎各有星宿有命屬生星死星者釋滯篇

云人生星宿各有所值玉鈴經主命原曰人之吉凶制在結胎受氣之日皆上得列宿之精有聖宿賢宿文宿武宿貴宿富宿賤宿貧宿壽宿列仙宿忠孝宿凶惡宿爲人生本有定命張車子之說是也藝文類聚

三十五載蔡邕九推文云天之生我星宿值貴以張車子藝事言之知漢即同此法唐有以北斗九星及九宮推命者朝野僉載云開元二年梁盧州推張彌五東加年天覆臨命聞奇錄云貞元時吉州刺史魏收其闈

人乃北斗本命星其西域推法與中土同者不空譯文殊師利菩薩及諸佛所說吉凶時日善惡宿曜經以二十八宿去半宿爲三九祕要分十二宮其騰蝎宮則牛女虛也佛推去半宿回四推去室宿皆三九明鏡基白猿化

曜法其推則以四七以二十八宿爲七元以日月五星爲精二十八宿爲魄以十二佐神附二十八宿六十甲子爲空位蓋合古法佛法回法及三命四命五命法用之自序以爲聖人復起不易之定法然俗不行也唐李虛

中珞璣子以人生太歲月建日子支三者合推以太歲爲命主所謂三命法也宋用五代徐居易子平術用年月日時胎又有林開五命秘訣魏泰東軒筆錄云章師公言生命年月日時胎但有三處合者不爲宰相必爲樞密梁

適呂公弼三處合梁宰相呂樞密此所謂五命法也宋時通用徐子平術而減去胎今所記宋人八字會布乙亥丁亥辛亥己亥肅注癸丑乙丑乙丑丁丑南宋奄人則以初腐服藥年月日時八字推算此皆雜記所書

所謂四命也三命以歲爲主四命以日爲主五命以時爲主四命亦或以歲與時爲主岳珂程史用四命推韓八字以歲爲主袁文襄聞評謂論命生時爲最要詩小弁云我辰安在箋云生所值之辰謂六物之吉凶左

傳昭七年，伯服云：六物，歲時日月星辰，太歲，四時，六十日，十一月，五星，十二辰，古法尤密，今不知矣。○類稿原相上篇云：孔子三朝，記少開篇云：堯取人以狀，舜取人以色，文王取人以度，文具六鏡，史記儒林列傳云：太常擇民年十八已上，儀狀端正者，以補博士弟子，有古法也。鄭語言周王惡角犀豐盈，而近頑童窮困，韋昭注云：角有伏犀，輔頰豐盈，皆賢明之相，周王不知相人法，不本堯舜文王以狀色度取人之意，以致王道息絕，唐李煥亦有偉頭鼠目之歎，儒者立論，不依靈聖人，而徒博合荀卿，取悅窮困之人，豈有當哉，荀卿所舉古聖賢，皆是異表，非謂其陋，其言美者，乃似婦人，失男子之道，其為不肖，正合相人之法，相人者左傳有內史叔服，荀子史記有姑布子卿，唐舉，史記又有呂公，許負等，又有繇布，雷青，皆王侯，在漢書藝文志相人法書，流傳之前，固有驗也，叔服稱叔孫殺豐下，杜預注云：燕面方而必有後，則古人出師命將，必取方面大耳，因天因人之意，儒而優者，何足知此，姑布子卿，言天之所授，雖必貴，此言三代以後，由草茅而貴富者多矣，周語云：叔孫驚如，上方而下銳，宜其胸胃人，呂覽達鬱尹錚云：臣嘗聞相人于師，教顏而土色者忍醜，謂趙簡子，史記趙世家云：白起小頭而銳上，斷政行也，董子墨白分明，見事明也，觀瞻不轉，執志強也，則由相貌以知心術，蓋孔子所述堯舜文王取人之法，荀卿非相，而孔叢子執節簡子慎曰：聞之荀卿，長目而家親者，必體方面心圓，以其法相人，千百不失，與左傳商臣遠目，國語叔魚虎目為不善之法同，是荀非相，而實傳其正法也，左傳稱宋坐美而狠，佐惡而婉，習語稱知瑤美鬢長大，狠在心，史記褚先生稱：或輔惡而宜大官，或美好佳麗而為惡人，患其美惡，特以俗人言之，求之相法，則美惡定矣，歷觀古術皆有所出，古聖人或由之以致泰平，不容己以見非之，藝文類聚引莊子云：（今莊子無）孔子會於沙邱，見主人，曰：蒞士也，其口窮，其鼻空大，其睫流，堯舜文王孔子，皆用相人法，不可非也，漢黃憲以器宇勝人，天下後世莫能摘其非，嵇康通儒，而骨節不媚，吳志稱其多見毀謗，獨非以相哉，古之聞人多著非相，語止迂拙，皮日休立一難曰：類禽獸，反富貴，不悟人性至貴，物各得一人一體，故還於物微之，類禽獸之談，日休又何取於皮面氏之也哉，蓋得而拙矣，原相篇中云：舜為天子，項羽目與之同，孔子聖人，陽虎貌與之同，故龍有九，或司雲雨，或為萬物災，鳳有五，或為瑞，或為妖，聖人於相貴審也，古之相人書，不可得矣，今於人面分部限行年，亦古法也，象身具十二處肉，正月膺在虎肉，二月兔肉，十一月牛肉，熊膽春首，夏腹，秋左足，冬右足，是有何理哉，古人積驗數十象，始而始知之，故曰相法者，歷考古之賢達形狀，年歲事迹，而比合之，而非相者乃肆其無稽之辭也，原相下篇云：孔子之言曰：吾以貌取人，則失之子羽，鄭之腰漢，（腰，晉宗，韋也）亦貌惡人也，著於經典，此少不得難多，習不得經常也，孔子門人三千，獨子羽以貌疑聞，然明之賢，不



先於子美。又一人貌惡。非定爲愚陋之狀也。凡者德全。無與於七竈。別而能武。宮而著書。是在神明也。

150 休寧縣。漢歙縣地。孫權分置。歸休寧二縣。後避孫休諱。改休陽爲海陽。晉改爲海寧。隋改曰休寧。清屬安徽徽州府。縣境產綠茶。

何令通。休寧人。賜號紫霞。南唐國師。精堪輿。以言牛頭山不利。謫休寧。一坐四

十年。大悟。宋天禧正席。跌坐。火從心出。自燒而化。乾寧江南通志方外

元 黃一清。字清夫。休寧人。父元珪。早卒。母吳氏。守節自誓。使爲學。一清痛自策勵。

期無愧於古人。年逾四十。奉母命。始游京師。適李公以舊學相仁宗。賢才彙進。一清遂走謁之。公見其古貌長身。鬚髯如戟。寬衣高冠。容止簡率。大爲驚異。卽下執其手。延之上座。時公門下皆名人顯士。而一清以布衣居其間。恆與公亢禮。坐客莫出其右。隱然名動京師。一清以秋江自號。而李公自號秋谷。遺詩有君釣秋江月。我耕秋谷雲。逃名君笑我。伴食我慚君之句。朝野傳誦滿口。內翰趙文敏公。寫以爲圖。且謂不宜使清時有遺才。力薦之。當路諸公。以君深于易。通陰陽家言。欲用爲杭州教授。一清笑曰。吾以布衣締交相國。榮孰大焉。持此足以復吾親矣。竟

辭歸築山房。摘李公詩語爲扁名以見志。公欣然。遣以錢助之。宣徽王公奉使江東。過一清山房。因圖其隱居十景以去。其爲當世所重如此。至元三年丁丑卒。壽

七十有五。

元黃學士文集秋江黃君墓誌銘

明

趙沆字子常休寧人。生而姿稟卓絕。初就外傳。讀朱子四書。多所疑難。乃盡取朱子書讀之。聞九江黃澤有學行。往從之。得口授。六十四卦大義。與學春秋之要。晚年屏跡東山著述。學者稱東山先生。太祖既定天下。詔修元史。徵沆預其事。書成辭歸。未幾卒。年五十一。有東山存稿等書。所著葬書問對。風水選擇。尤精。其言曰。葬書所謂勢來形止。地之全氣者。誠未易言。若夫童斷過獨。空缺曠折。水泉砂礫。凶宅之速滅亡者。固有可避之道也。又言風水之說。必求山水之相向。以生地中之氣。初未易以形跡指陳。所謂精光時露一分者也。若乃年月日時之擇。又貴乎五行之生尅制化。徐子平法。旺行官運。衰遇印鄉。此卽年月日時之泄強補弱也。又言風水之金圓而清。土方而濁。火尖而銳。木直而聳。水曲而柔。與選擇之水

成潤下。火成炎上。木成曲直。金成從革。土成稼穡者。皆未可以優劣分焉。是陰陽統之。領乎百家也。予別爲地理問答。倒杖祕訣。周氏選擇集。要河洛占法。俾可相

參觀。

明史儒林圖書集成藝術典堪輿部藝文○皇明文衡雜書問對。仿原註云。吾友程君仲本。最爲留心斯事。學之十餘歲矣。而審問明辨。弗得弗指。蓋有志乎明理以探術者。非世俗凡近之爲也。故書以遺之。仲

本之師。則鄉先生朱君允升其人也。朱君明達精博。於六經之經史。文學之源委。遠古之初。萬物之源。陰陽方位之本。昔賢開物致用。與其精神思慮之存乎藝事者。莫不心悟神解。誠窮鄉晚近之善識冰鑑也。於山川清性。寧有不得者哉。以仲本之善學。而卒業於朱先生。如王良造父。駕輕就熟。將有得夫天理之大全。豈曰游祭而已。至正十三年十月既望。趙子常書于東山精舍。

明

汪先易。號五源。上資人。精堪輿卜筮諸書。多奇中。手捧土葬祖若父。年六十一。

疾革。語子姬生曰。家貧誠無所遺。汝祖南山培兆域佳。後當貴。願終不免貧耳。雖

然。貧何患。遂卒。

嘉慶休寧縣志方技

明

呂祖尚。字韞宇。號悟虛子。又號紫陽山人。休寧人。著有命理真機四卷。其看命

綱領曰。子平之理。以日干爲主。取年爲根。爲祖業。則知先世之盛衰。月爲苗。爲父母。則知親蔭之有無。日支爲花。則知妻妾之賢否。時爲實。爲子息。則知嗣續之多寡。先觀從化。從化不得。方論財官。財官無取。方論格局。法分月氣淺深。日干與用

神得令不得令。妙在識其變通。不可執滯以斷吉凶云云。要言不煩。誠論命之指

南也。明刊本命  
理真機

清 戴震字東原。一字慎修。休寧人。雍正癸卯。生邑里之居第。乾隆辛未。補縣學生。

壬午舉於鄉。癸巳。奉召充四庫全書館纂修官。甲午。奉旨得與乙未貢士一體殿試。乙未。賜同進士出身。授翰林院庶吉士。丁酉。五月卒於官。享年五十有五。震少從婺源江永游。禮經制度。名物象數。靡不窮源知變。而歸於理道。著有原象一卷。迎日推策記一卷。句股割圓記三卷。曆問一卷。古曆考二卷。續天文略三卷。策算一卷。氣穴記一卷。藏府象經論四卷。葬法贅言四卷。又有毛鄭詩考。尚書義考。水

經注。文集等書。清史稿儒林  
傳集翰堂書之中

清 程九圭。休寧人。以六壬占人休咎如響。嘗自占一數。詫曰。是大凶兆。因語其弟。

曰。四月中。我當傷額。汝以五月死於水。至四月屏居不出。一日過檐下。有雀噪於上。瓦墮傷額。大駭。戒其弟。五月不使出戶。至六月初。弟以爲無事。出飲於肆。忽大

雷雨。山水瀑漲。九圭心動。急使人迎之。已溺於溝中矣。蓋時尙未小暑也。光緒安徽通志方技

清

徐卓，字陶友，休寧人。孤貧服賈，儲書勵學。通經術及地理、星經、數學。道光癸巳，

成進士，歸班銓選。主講黟祁書院。著有經義未詳說、更漏中星表、蘿雪卮言、荒鹿

遇談、休寧碎事、白岳紀聞。光緒安徽通志文苑

151 祁門縣

本古昌門地。漢黟縣之南境。唐置祁門縣。在今縣西。以縣東北有祁山。因名。後移今治。清屬安徽徽州府。縣境多植杉木爲林。歲聯爲筏。自昌江入鄱陽湖。以達於長江。又產紅茶。甚有名。

明

程大中，字時卿，祁門人。工醫及日者術。往來池州，得異人祕授。後至湖廣賣卜。

決人生死。問者如市。李方伯淑延與語，奇之。時尙憂無子，大中曰：公當得佳兒。請

如夫人輩吾視之。誰爲貴人母者？方伯出諸姬見之，曰：皆非也。一婢侍側，大中睨

視，呼而診之，曰：兒貴必矣。方伯納之。果生維楨。後維楨貴，凡事有疑難者，決於大

中所著有太素脈要二卷。光緒安徽通志方技

明

章佐聖，字右臣，祁門人。棄諸生，賣卜於市。著有麟經志在解大易時義注。光緒安徽通志

明 汪仕周居倫坑。洪武間與同邑鄭英才、陳伯齊從青陽張宗道學青鳥術。盡得其祕。陰陽二宅制作精微。時師莫能測其妙。生平不以營利。村基祖塋皆其手扞。

邑人饒世恩有傳。

張宗道名互識號蓉城子水樂癸巳著有地理全書行世。

明 謝常德居賜源善堪輿著地理輯要。

明 汪良夢號九元子居彭壠天啓文生善堪輿刊有珠神經行世。

明 陳嘉憲居文堂精地學著有地理分合二卷。

明 鄭英才字膺才從青陽張宗道青陽山名在安徽合肥縣東六十里巢湖東北學青囊之術盡得其祕。生平

不以此營利惟積善之家代爲卜吉。邑中暨浮豎大族陰陽二宅多其手扞。以上同治祁門

縣志方按

152 績溪縣唐分歙縣置縣北有乳溪水與徽溪相去一里並流離而復合。有如續焉縣以爲名。縣治即歙之華陽古鎮。清屬安徽徽州府。

元 陳雷山績溪靈山下人精青鳥術爲人擇葬地無不驗者人稱地仙。康熙道光徽州府志方按

153 宣城縣漢宛陵縣晉爲宣城郡治隋初改縣曰宣城仍爲宣城郡治清爲安徽寧國府治今有汽車路通蕪湖。

唐夏榮、宣州人。有相術。蕭嵩、陸象先爲僚壻。象先時爲洛陽尉、宰相子。門望甚高。嵩尙未入仕。榮謂象先曰：陸郎十年內位極人臣。然不及蕭郎一門。盡貴而且壽。人未之信。天寶中嵩兼中書令。年八十餘。子華歷中書侍郎、同平章事。乃服其冰。

鑒云。

舊唐書蕭嵩傳。乾峰江南通志。藝術光緒宣城縣志方技。

明金碧峯、有道行。善天文。棲敬亭石巖。太祖幸其地。跌坐不起。露刀臨之。曰：汝知有殺人將軍乎？答曰：汝知有不懼死和尚乎？異而謝之。問以向導決勝。皆如其言。

清

梅文鼎、字定九。號勿菴。宣城人。父士昌。號繼祖。

韻言：遇順。又音拘。盛問。左右視也。

改革後棄諸生

服。嘗以六十四卦爻與春秋二百四十年行事相比附。成書謂之周易鱗解。經史而外多所該洽。務求實用。尤精象數。文鼎兒時侍父及塾師羅王賓。仰觀星象。輒了。然於星次運轉大意。年二十七師事前代逸民竹觀道士倪觀湖。受麻孟璇一作璇所藏臺歷交食法。稍稍發明其所以立法之故。補其遺缺。著歷學駢枝二卷。倪

爲首肯。自此遂有學歷之志。於天學書之難讀者，必求其說。至廢寢食，著天算之書八十餘種。皆前人所未發。柏鄉魏荔彤纂刻者，凡二十九種。後其孫穀成穀與

玉相同，謂二別爲編次。更名梅氏叢書。總二十五種。清史稿時人傳傳集經學上之下。○梅文鼎歷算書目自序云：家世學易，亦頗旁及於諸家雜占。

及三式諸術，以爲精太卜。蓋人遺意，而易之餘也。然百家言休咎，往往依託象緯，以奪其旨，故惟詳微之推步實理，其疑始斷。

清

王猷，字肇宗，宣城人。知縣文質裔。少業儒，博覽強記。曾於河南道中，遇一操舟

者，名季海，授以導引之術。自此遂隱居賣卜，占決無不奇中。康熙時，督師董公聘

入幕，平諸寇，多資其卜，以決所向。自以日者之言多謬，鑿鑿，音歷。與辰同。著有九十四家

年月考及算書三式，切韻諸書。卒年八十七。光緒安徽通志方技嘉慶寧國府志方技

清

孟浩，字天其，居城東鄉孟村。少負遠志，倜儻不羈，篤學好吟韻，尋棄諸生業，專

精地理。於青島九星寶鏡家言，無不淹貫通洽。而其統會，則以雪心賦爲主。垂三

十年，殫精探索，極意伸引。凡七易春秋，始能因註見賦，因賦見意。彙成四卷，名曰

雪心賦辨訛正解，刊行於世。實爲地理諸書之冠。師婺源余心得贊曰：此書有儒



者格物之學。非比形家。專以方位天星雜術駭人。

光緒宣城縣志方技

清

梅自實。字有源。宣城人。撰定穴立向。開門放水。墳宅便覽四卷。專以二十四山向。用正五行。辨每年旺氣節候。又以年道方支。論納音生剋。每山下附天符經。金精龜極。天河轉運等書。所定吉凶目。又附陽宅。開門放水諸訣於後。以備檢閱。

庫四

子部術數類存目二

清

梅士鉉。字象先。宣城太學生。自周鼓秦碑。以逮蟲魚草木。地輿醫卜之籍。靡不窮究。尤豪於詩。伯仲早世。撫諸孤如慈母。尋以兄子事。冤繫五年。盡毀產以紓難。無幾微見於詞色。晚爲潛山縣丞。著孤山八集行世。

光緒安徽通志文苑

154 南陵縣

漢置春穀縣。晉改陽穀。唐移南陵縣於此。清屬安徽寧國府。

清

劉世駿。字千里。幼慧。就童子試未售。改習青鳥術。甚精。嘗謂人曰。人子須知擇地。以葬父母。否則父母之體魄未安。卽人子之心未盡。陶侃遇老父。示以葬地。位極人臣。雖事出偶然。未始非人力所致也。語頗近理。自與術術者異。卒年八十餘。

155 涇縣 漢置。故城在今安徽涇縣西。後移置涇溪之西。宋崇寧間。實溪東徙。城爲圯。嘉定間。移於溪東。去舊治二里。地名留村。元又移於舊治東門敬天坊。卽今治也。清屬安徽寧國府。

明 趙鈞。東隅人。孝友。多隱德。最精堪輿術。嘗葬其父于曹溪黃麻山。預言某科當捷鄉舉。某科當捷南宮。某歲當遷某官。少宰士登其姪也。詩方孩。後登科遷官。皆如其言。又言其子孫幾世幾房興衰。歷歷如響。世以爲神。以子士際。贈奉直大夫。羅定州知州。

明 萬惠。號德軒。震山鄉人。初言學。主孟子性善之說。遇異人。授太乙神數。遂兼通象緯占步之術。每言軍國大計。吉凶皆歷驗。崇禎初。嘗語人云。今上聰明神武。然鼎命將淪。又卦遇從。或戕之。非令終兆也。一日挾厚貲附舟。舟人夜礮斧。將加害。惠呼與談。星命出龜板爲卜。悉其生平休咎。舟子暱之。意其術家。遂獲免。其權智如此。惠長身偉幹。鐵面劍眉。鬚髯如戟。善內養。嘗元日脫衣就潭浴。水氣蒸蒸。如沸鎗。年六十餘。著河洛圖說易二傳解註及數學精微天文星氣形家理氣諸書。

既而謂祕書不當洩。悉焚之。

以上嘉慶涇縣志藝術

明 左激字有昂。涇縣人。善醫。爲訓科。旁通陰陽卜算之術。尤精地理。著有家警錄。爲堪輿家所珍。

清 施參字景曾。涇縣人。精六壬口訣。有奇驗。嘗賣卜金陵長干寺。八月朔日晨起。占本歲科名。無一爽者。年九十六。鶴髮童顏。神仙中人也。子斌亦繼其術。次子世琦。幼子天爵皆善醫。官太醫院。以上光緒安徽通志方技

156 太平縣 唐析涇縣置。故城在今安徽太平縣北。時廢。旋復置。後移今治。清屬安徽寧國府。

明 項淦字素澄。邑庠生。篤志力學。博極羣書。尤達於易。爲族秋曹如臯高弟。嘗夜觀氣象。知明祚將終。遂隱居養親。性耿介。不妄交接。教人先德行。後文藝。故遊其門者。多文行兼優士。所居邇縣治。足跡不至。著有六息齋文集。歿後散佚。今存惟手編字韻批註周易家訓二書。乾隆太平縣志文苑

157 旌德縣 漢涇縣地。唐置旌德縣。清屬安徽寧國府。

清 劉茂吉，字其暉，旌德人。讀書過目輒了。旁搜天文、地理、象數，精推步。所著有北極高度表、天地經緯象數要略、坤輿圖說、京省全圖。光緒安徽通志方技

158

貴池縣 漢置石城縣，隋廢。後復置，改曰秋浦，唐於縣置池州。五代楊吳改名貴池，清爲安徽池州府治。

明

張宗漢

據歙縣志似名宗道

天師張道陵之後也。精青囊之術。明初避陳友諒亂，改名隱於

青陽。洪武己未，應召觀行師山川形勢。貴池葬地，經卜其宅者，多留讖焉。

圖書集成堪輿部紀

事

明

汪九仞，侍郎珊之子。善風鑑，斷人休咎，燭照如神。

清

方正明，號紫峯，精堪輿。善卜筮。光緒丙子，新建文昌宮，時日方向，皆所手定。待

人誠篤，時行方便。年七十八，夫婦齊眉，眼觀四代，子二，孫八，曾孫七，長子策，歲貢。

人咸謂其積善有慶云。

以上光緒貴池縣志方技

清

張輪，江西人。善陰陽風角。貴池令趙衍建水德亭，以弭水災。輪以爲不利，主祭

者，因代令祭。卽日死。後邑人爲衍立祠，以輪配之。

光緒安徽通志流寓

清 舒鳳儀字虞廷號梧桐池東人精堪輿著地理孝思集

光緒貴池縣志方技

159 建德縣

漢石城縣地唐改至德縣五代楊吳改曰建德清屬安徽池州府民國改曰秋浦

清 江之翰字羽白邑之羽士也工詩文多才藝尤精堪輿之術相墓畫地爲圖卽

知休咎人比之黃撥沙著有地理纂要王爾綱爲之序

光緒安徽通志方技宣統建德縣志藝術

清 周馥初名福字玉山安徽建德人家貧嗜讀工書能文兼通陰陽術數之學因

不得志於鄉里遂往省城安慶城隍廟賣卜藉資餬口時李文忠公鴻章長子丹

崖中堂尙未入翰林亦寄寓皖城與馥頗洽越數年文忠由鄂督調任直督過皖

城小住見馥亦契重之乃邀同北上司文牘累保道員光緒丁丑署永定河道癸

未眞除津海關道文忠之督畿輔也先後垂三十年創立海軍用西法製造械器

輪電路鑛萬端並舉尤加意海陸軍學校北洋新政稱盛一時馥贊畫爲多醇親

王校閱海軍嘉其勞擢按察使再署布政使俄擢山東巡撫署兩江總督移督兩

廣丁未請告歸越十四年卒諡愨愨直隸山東江南士民皆祠祀之

清史稿本傳文員雜誌○早按蘇君

碩人。曾見經慎公全集石印本。附自訂年譜。亦載及皖城實卜事。容當訪求拜讀。俾再詳敘。

160 青陽縣 漢陵陽渾一縣地。三國吳分置臨城縣。隋廢。唐置青陽縣。以在青山之陽爲名。清屬安徽池州府。

宋 楊應炎。字樵隱。精星命之學。文文山先生贈詩有云。莘郊一介。堯舜君民。薇山

二難。百世忠清。富春耕叟。涕洟雲臺。終南遜士。仕宦梯媒。是數公者。俱以隱名。木

石一跡。香淵異情。九華山人。山在安徽青陽縣西南四十里。賣樵江湖。請算世間。幾種樵夫。文山全集附樵隱應

命 炎談

161 鳳陽縣 本鍾離縣地。明初爲臨淮縣。尋分置鳳陽縣。爲安徽鳳陽府治。清因之。裁臨淮縣入焉。津浦鐵路經其北。

施延。字君予。沛國蘄人。明五經。星官。風角。靡有不綜。家貧。常任作由拳半路亭。

食其力以養母。人不識也。時山陰馮敷爲吳郡督郵。過亭。延持帚往。敷望而知其

賢者。下車謝之。推食解衣。與之錢不受。舉有道高第。爲侍中。順帝陽嘉二年癸酉。

以大鴻臚代龐參爲太尉。光緒安徽通志儒林光緒浙江通志寓賢乾峰鳳陽縣志方技

明 永安橋相者。不知姓名。儀狀甚偉大。太祖微時。異之。因隄已處世變。藏。晉。古。文。陳久也。

故身歷艱危。求其後來之否泰。相者曰。汝今大通矣。言訖別去。及卽位。改橋名爲大通橋。在今鳳陽府東南十里。光緒鳳陽府志方技

明

朱權。太祖第十六子。封寧王。國大寧。永樂初。改封南昌。恃靖難功。頗驕恣。晚年

日與文學士相往還。託志沖舉。自號臞仙。羣書有祕本。莫不刊布之。著肘後神經大全。漢唐祕史等書。數十種。自經子九流。星曆醫卜。黃冶諸術。皆具。正統十三年

戊辰。薨。

明史太祖諸子二十四庫子部術數類存目二

明

盛世鳴。字太古。鳳陽人。倜儻有蘊藉。嗜古文奇字。嘗寓泗州。隱於卜。無錫孫少

宰繼高。聞其賢。薦之葉相。國向高。公卿皆愛而客之。世鳴意不懌。懌。羊益切。音舉。灼切。音藥。悅也。

退而隱居。所著有空谷居士集。光緒鳳陽府志隱逸

清

王鼎。字禹夫。鳳陽歲貢。好學敦品。工籀篆。精壬式。著有四書詮解。淮河源流。江

南水利諸書。光緒安徽通志文苑

162 定遠縣。南朝梁置。兼置定遠郡。北齊改郡曰廣安。隋廢郡。改縣曰臨濠。故城在今安徽定遠縣東南。唐復爲定遠縣。移今治。清屬安徽鳳陽府。

明

戚繼光字元敬號南塘晚號孟諸定遠人幼倜儻負奇氣好讀書通經史大義世襲登州衛指揮僉事累官少保都督南粵諸事卒諡武毅著練兵實紀蒞戎要略武備新書止止堂集又著紀效新書載有將官到任寶鑑其提要云將者三軍司命惟悔吝固人事所召然時日吉凶所以定衆志而作氣擬之他任不同今將緊要應驗用忌日辰開略於左至止止堂集又云嘗觀琥珀繫草磁石引針而怪之夫琥珀磁石無知之物也草既枯死而針經火煅煉生意何在一被引繫則舉躍動盪如生而針則鋒鋒相連可引數箇而復躍卽此則風水之說信乎其有而枯骨無知未敢以爲盡然琥珀磁石其山川乎針草其遺骸乎謂風水不可信者蓋以世人不修厥德惟以是爲務至有傾人身家忍心害理專謀風水以昌子孫者却不知地理與天理相爲流通茲一等人當在天理處責他而非地理之不驗也於此可見繼光不獨究心擇日卽堪輿一道亦未嘗不加意也

明史本傳紀效新書止止堂集

163

鳳臺縣

卽春秋州來漢置下蔡縣明廢清雍正十一年析壽州東北境置鳳臺縣與壽州同城同治間徙下蔡卽今治屬安徽鳳陽府



清 湯玉琢字其章。端方勤儉。精堪輿。母病侍奉不懈。禱於神。願終身食素。母遂愈。

亂年立圩保衛一方。生平息爭和訟。修橋補路。壽八十二。無疾而終。孫曾滿堂。

清 李鈞善地理。爲人相度。分毫不取。卽饋以禮儀者。亦正色拒之。子春崑、春岑皆

入學。年八十四卒。

以上光緒鳳臺縣志方技

清 劉鐘字元音。鳳臺人。少讀書。講朱子主靜之學。遭亂。絕意進取。晚年遂於易兼通醫卜星相。鄉人有危疾。惟鐘能愈之。不受謝。少喪耦。不娶。得導引之術。年八十。

顏如嬰兒。

光緒鳳陽府志方技

164

壽州 春秋六國國地。戰國楚壽春邑。隋始置壽州。明初爲壽春府。尋降爲壽州。屬鳳陽府。清因之。壽春鎮總兵駐此。民國改爲壽縣。

唐 夏侯端壽春人。知玄象善相人。仕隋爲大理司直。高祖龍潛時。與其結交。義師興。擢祕書監。李密降。關東地未有所屬。拜端大將軍。河南道招慰使。會亳汴已降。王世充道塞。無所歸。糧盡遇賊。麾下存者僅三十餘人。世充遣人以淮南郡公印召端。端不屈。問道走宜陽。入謁帝。帝憫之。復拜祕書監。俄出爲梓州刺史。所得祿

廩。皆散施孤寡。不爲子孫計。貞觀元年病卒。

新舊唐書本傳

宋 志言、姓許、壽春人。落髮東京景德寺。能前知。或卜休咎。書紙揮翰甚疾。初不可

曉。其後多驗。海客遇風且沒。見僧操縵。引舶而濟。客至都下。遇言。忽

謂之曰。非我汝奈何。客記其貌。真引舟者也。

宋史方技光緒安徽通志方技

清 程鵬飛、字海嶠。壽州人。性穎悟。究心六壬占候之書。尤達於醫。濟人。不以爲利。

著醫方寶筏二十四卷。署巡撫李孟爲之序。卒年七十九。

光緒鳳陽府志方技

清 楊夢熊、文生。善子平之術。決吉凶無不應。

清 夏炳南、字紹廬。少時卜地葬親。屢爲地師愚。遂立志研青囊學。遇熊某。授以祕

旨。涉歷三十餘年。爰精其術。相墓門。言休咎。立應。著堪輿要訣。名塋圖記。各一卷。

清 陳岐業、精醫術。屢治奇瘡異症。活人甚多。善星卜。子平。決以吉凶無不應。卒年

八十餘。

清 孫翼祖、號蕉圃。工詩嗜飲。善演禽。兼精青烏術。著有周易通數卷。以姪家醮貴。

以上光緒壽  
州志方技

165

宿州唐置。洪符離。即古竹邑。在今安徽宿縣北。後移置古符離城。傳今宿縣治。宋曰宿州符離郡。金復爲宿州。元省符離入州。清屬安徽鳳陽府。民國改爲宿縣。

金 武禎。宿州臨渙人。精數學。祖官太史。靖康後。棄官業農。是時州境入金。貞祐間。

元帥僕安貞。以上客禮之。軍事必諮其應。如響。正大初。徵至汴京。待詔東華門。其友王鉉問禎曰。朝廷若問國祚。修短。子何以對之。禎曰。當以實告之。但更言周過其歷。秦不及期。亦在修法爾。時久旱。朝廷爲憂。禎忽謂鉉曰。子須早歸。恐爲雨阻。鉉謂萬里無雲。赤日如此。安得有雨。禎笑曰。若是。則天不誠也。天何嘗不誠。旣而

東南有雲氣。須臾蔽天。平地雨注二尺。衆皆驚嘆。尋除司天監勾管。

光緒宿州志方技

清 謝體春。宿州歲貢。性澹泊。能詩文。博通典籍。尤精六壬卜筮。隱居不仕。年七十

餘終。光緒鳳陽府志方技

清 卜志尙。字輔周。性穎異。讀書目見羣書。卽通曉大意。長承父訓。善青烏術。爲人

卜地塋葬。形家觀之。皆嘉其術之精。又通命理。決富貴貧賤。多奇中。八十餘。無疾

而終。光緒宿州志方技

166

阜陽縣。漢置汝陰縣。明爲潁州地。清雍正十三年。升州爲府。置阜陽縣爲府治。

明曹永鼎字真陵潁州人善天文壬甲之學能詩善射夜步中庭語友人曰火在斗主兵大臣當之大司馬陳新甲果於是月死李翊翊晉代飛說又輔也起兵殺賊永鼎常居幕中出奇制勝後賊袁時中詐降翊欲往撫永鼎力阻不聽遂爲賊所害鼎革後茅屋數椽意恬如也忽一日盡焚圖讖書獨留琴譜付侍者曰劉孝廉公勇來以此貽之遂卒

明白鷗潁州衛人通數學能斷人生死歲疫死者枕籍乃潛心醫理賣田施藥家以是落。以上光緒安徽通志方技乾隆潁州府志方技

明盧翰字子羽潁州人嘉靖甲午舉人官兗州府推官撰易經中說四十四卷其講易專主人事而證以卜筮每爻皆列變卦之圖而雜引經語史事之近似者類附於下。提要經部易類存目一又撰籤易一卷是書以六十四卦加太極兩儀四象進退離合

大小遠近。衍爲七十九數。易著策而用竹籤。每籤有辭。又各贅以贊釋。以擬易林。太玄。元包。潛虛諸書。實則以錢代著之變法耳。四庫提要子部術數類存目二

清 劉大瀾。字迴狂。潁州明經。博學善文。尤邃於數。其門下生。有以進士選令丹陽者。將之官。瀾時臥病。推其必敗。罹奇禍。戒家人曰。設某來。切不可疾辭。及見某。力止其行。並繼以泣。某不能用。後果有禍。光緒安徽通志方技乾隆潁州府志方技

167 太和縣。宋分汝陰置萬壽縣。宣和後。改曰太和。在今安徽太和縣北。元省。後復置。移今治。清屬安徽潁州府。

明 徐光代。太和人。精六壬數。周王聞其名。召汴。數決大疑。當汴被圍時。屢勸王作筏以待。而水果突至。因獲免。後江撫吳。聘至官署。值新得虎皮。內實以草。暗令卜之。徐曰。有猛獸之形。而無氣。當爲假虎。其驗類如此。乾隆潁州府志方技

清 巴見龍。字在田。增生。以帖括聞於時。尤精天文奇門兵陣之學。咸豐間。捻匪亂。襄劉存誠捍衛鄉里。其所畫策。無不中。

清 王瑄。字獻瑞。善卜筮。吉凶禍福。推數必參。以理所決斷。多奇中。以上民國太和縣志藝術

168

霍邱縣

春秋時黎國地。漢置安風縣。屬六安國。後漢曰安風侯國。晉為安豐縣地。南朝梁置霍丘。隋改置霍丘縣。唐改曰武昌。尋復故。清屬安徽潁州府。

明

敬以儉。霍邱人。精太乙數。人以為神。子恩。任大尹。亦以數學稱。乾隆潁州府志方技

169

渦陽縣

明為蒙城縣。及壽宿潁亳四州地。清割阜陽亳州蒙城宿州地。置渦陽縣。設治於雉河集。屬安徽潁州府。

清

劉廷颺。字海臣。蒙城劉氏後。徙居渦河北岸之劉家樓。曾祖樂水。庠生。祖懷義。

廩膳生。授徒太清宮。不慕榮利。父純修。性循謹。稱長者。廷颺少聰穎。長溺苦於學。慷慨自喜。不屑屑章句貼括之習。清咸同間。天下大亂。粵匪初平。而撚首餘孽。猶縱橫於大河南北各行省。擁衆輒百萬。過無噍類。屠無堅城。時果敏公英翰。治軍宿州。廷颺上書陳方略。果敏壯之。立委以招撫事宜。廷颺遂收服悍匪曹金榮等。三千人。馬二千匹。於曹州城下。厥後秦晉畿輔之戰。靡役不從。以勇遷都司。加游擊銜。在軍中。手不釋卷。尤好史記。通鑑。人或疑廷颺行裝之多。發之。纍纍然。皆冊籍也。迨中俄失權。廷颺率皖馬隊。赴山海關。構成。廷颺按諸營壘。嘆曰。兵氣不揚。國其不振矣乎。遂乞養歸林下。絕口不言兵事。晚年尊師訓子。尤致力周易。悟理。

數合一之旨。旁及堪輿星卜之學。皆粹然一歸於正。子二長鴻慶。前國會議員。安徽財政廳長。次鴻儒。民國鴻儒縣志人物

170 亳州 春秋陳焦邑。秦置譙縣。北周於縣置譙州。明省譙縣入州。清屬安徽鳳陽府。民國改州爲縣。

魏

華陀一名萇。字元化。沛國譙人。游學徐土。

徐古國名。柏谷之後。故城在今安徽泗縣北。春秋昭公十三年。吳滅徐。遷徐於夷。今安徽亳縣東南。

七十里。廢城父城是。兼通數經。舉辟皆不就。曉養生之術。年且百歲。猶有壯容。精方藥。鍼灸善

觀氣色。鹽漬嚴斫。與數人共候陀。適至。陀謂斫曰。君身中佳否。斫曰。自如常。陀曰。急病見於面。雜經云。望而知之謂之神。莫多飲酒。坐畢。歸行數里。斫卒。頭眩墮車。人扶將還。載歸

家中宿死。魏志本傳

171 五河縣 漢虹縣。宋於五河口置臨。使屯田。後置縣。以淮潁滄沱濉五河合流而名。故城在今安徽五河縣南。明圯。徙治西北界。後又遷滄河北。即今治。洪武初。屬鳳陽府。清雍正三年。改屬泗州。

清

錢景恂。號少泉。邑庠生。北鄉人也。善卜筮。精岐黃。性情古峭。恆靜坐焚香。讀周

易。終日不出戶。里黨或有爭端。輒以吉凶悔吝之辭曉之。而人意遂解。

清

朱玉光。字鑑若。庠生。貌古樸。性嚴毅。學精周易。論吉凶禍福多。微中西壩之役。

賊氛甚惡。鍾廷掄請卜之。卦成。慶曰：「繇辭言利用禦寇。是當必獲利也。果以捷聞。」  
以上光緒五  
河縣志方技

172 南兗州 晉南渡後備置。兗州治廣陵。在今江蘇江都縣東北。南朝宋改曰南兗。後移鎮盱眙。今安徽盱眙縣治。

宋 何涉。字濟川。南兗人。父祖皆業農。涉始讀書。晝夜刻苦。汎覽博古。上自六經諸

子百家。旁及山經地理。醫卜之術。無所不學。仁宗時。登進士第。范仲淹一見奇之。

辟彰武軍節度推官。用龐籍奏。遷著作佐郎。管勾鄜延等路招討使機宜文字。鄜

學地名。在陝西西安府北。時元昊擾邊。吳音。晉元氣博大也。軍中經畫。涉預有力。累官司封員外郎。涉長厚。

有操行。事親至孝。平居未嘗談人過惡。所至多建學館。勸誨諸生。雖在軍中。亦嘗

爲諸將講左氏春秋。狄青之徒。皆橫經以聽。著有治道中術。春秋本旨。廬江集七

十卷。宋史儒林

173 盱眙縣 春秋時吳善通邑。秦置盱眙縣。二世二年。項梁立楚懷王孫心爲義帝。都盱眙。許慎曰：張目爲盱。舉目爲眙。可以眇遠。故名。晉義熙中。置盱眙郡。南朝宋以後因之。隋時郡廢。故治在今安徽盱眙縣東北。宋升昭信軍。元改臨淮府。尋

罷府復縣。徙今治。清屬安徽泗州。

歷代卜人傳 卷十三 安徽二



明 趙儒，盱眙人。著有性學源流篇。及易學賓淮遺老文集。卜筮醫數等書。乾隆盱眙縣志人物

清 李叔廉，字星泉。盱眙廩生。通經史。精星卜之術。咸豐三年癸丑登第一山。夜覽

星象。時粵逆踞金陵。云須十年克復。又云盱眙有百四十里血劫。後九年擒匪陷

城。其言皆驗。同治盱眙縣志人物  
光緒安徽通志方技

174 天長縣。唐割江都六合高郵三縣地。置千秋縣。故曰天長。宋升天長軍。尋復爲縣。清屬安徽泗州。

明 戴端蒙，號聖所。爲諸生。後棄去。恣意遊覽。歸而著書。精水道。堪輿醫藥。嘉慶天長縣志技藝

清 丁養虛，天長人。善琴棋。能文章。尤精奇門。禽遁。堪輿之學。其妻父朱氏。爲邑名

醫。子四人。或繼業。或設肆。因此起家。無賴之徒。覬其有肆。欺訛詐。四子苦累。教子

讀書。應試。凡入庠者。可支門戶。盼望甚切。時朱翁考終將葬。舅以葬期謀於養虛。

曰。姊夫明晰陰陽。能爲人福。使我子姪一人入泮。舉家感甚。養虛敬諾。擇冬月某

日未時。應天微雨。二狗啣花戲墓側。一男子戴鐵帽。一孝婦索取石炭。此正時也。

舉棺封壤。孫必遊庠。至日果小雨。輿輓入塋。屆時安穴。忽見兩小狗爭蘆花一枝。

來墓前。有農夫頭戴新鍋。以代雨具。孝婦亦至。諸舅大悅。次年一孫入泮。天長寬瘦  
極夜雨秋

錄燈

175

滁州 東魏置南譙州。隋改置滁州。唐改曰永陽郡。治清溪。尋復曰滁州。宋曰滁州。水陽郡。元升爲滁州路。尋復爲州。明省清流縣入州。清直隸安徽省。民國改爲滁縣。

明 劉定字安道。滁州人。知醫。精堪輿。家言口不言利。同州呂正善繪事。曉醫。卜地

理。人禮重之。

光緒安徽  
通志方技

清 石鑑字汝正。號梅軒。讀書好善。精於數學。決疑如響。居家孝友。

光緒諭州  
志方技

清 駱師環。滁州人。某科進士。善卜。時在陝司書記。福文襄郡王督師經陝。途中奏摺已拜。欲得卜者以決之。縣令某以師環薦。卜得晉卦。王欣然曰。我名福康。安晉

康侯。大吉之兆。後果悉如其言。

定遠方士  
庶餘偶筆

176 全椒縣 漢置。晉永嘉後廢。南朝陳僑置南譙州。梁曰北譙。隋置縣。改曰淪水。又改曰全椒。明初省入州。尋復置。清屬安徽省滁州。

明 林翹字蔚起。莆田人。官中書。棄而隱於全椒。愛神山之勝。遂卜築焉。博學。精象

緯。風鑑諸書。

光緒安徽  
通志流寓

明 費玠字子藩全椒人。熹靖戊午舉人。知建昌縣。以伉直歸。精青烏家言。著有窺天管見行於世。卒年八十。光緒安徽通志方技

清 雷光儀字子山。先世閩人。因商於椒。遂家焉。幼從耆儒朱亮弼學。以客籍未與試。遂致力於易經。并研究易林等書。粵亂。避地賣卜資生。返里後。構屋積玉橋頭。設卦肆。籍以口舌勸世。推演卦理尤多奇中。又善堪輿。不以術炫。年八十四卒。易簣前。一夕親檢出債券十數紙。焚之。惟以爲善。勗其孫啓霖云。

清 汪興橋字友松。精岐黃。兼通堪輿。六壬等術。性和易。人咸樂與交。有延診者。雖寒暑必往。子大濤。孫同揚。皆能傳其業。縣令吳以敬。以三世良醫。額旌之。

清 金鐸字木公。增廣生。少靈悟。弱冠習舉業。長於詩賦。兼通堪輿。岐伯之書。父卒。盡哀。著有在疚草。事寡母廿餘年。出入惟命。以上民國全椒縣志藝術

清 吳燕燕。晉茲。則之。敏。上而小口者。字及之。又字山尊。號抑菴。晚號西神山樵。全椒人。嘉慶進士。官侍講學士。駢體文。沉博絕麗。詩以孟韓皮陸爲宗。歸田後。藝專術數。主講揚州。

書院最久。著夕葵書屋集。又有陽宅撮要。載入清史稿藝文術數類。相宅相墓之

屬。小賸紀年陽宅撮要序

177 來安縣。唐永陽縣。五代南唐改曰來安。宋廢縣爲鎮。尋復爲縣。清屬安徽滁州。

清 吳襄侯家貧親老以相字爲業日捧字匣遊市肆得錢供一日甘旨卽與文士

清談圍棋象戲。隨手應敵。皆出人意表。好讀書。恆至夜分不輟。亦知醫。

清 張允恭字麇堯庠生。讀岐黃書尤精。卜易爲人道休咎多奇中。其言數一衷於

理。有餘資卽製藥濟人。不責其報。光緒安徽通志方技道光來安縣志方技

清 周家相字睿全。睿音銳深明也。語也。歲貢生。精六壬數。嘗爲本州守占越獄盜六人卦成。

謂在西南方。當於端午日獲七人。及期果獲之於全椒某鎮。其一亦隣省逸盜也。

他占驗皆類是。

清 陳兆鵬字正功。精堪輿術。嘗爲周氏卜葬地。語人曰。此地佳。不出十年必捷一

武魁。然不克壽。乾隆乙酉周家寶果中武舉。及北上沒於揚州運河。並如其言。上以

道光來安縣志方技

歷代卜人傳卷十三終

淮陰陳幹庭校

禮記曲禮。凡卜筮日。旬之外曰遠某日。旬之內曰近某日。喪事先遠日。吉事先近日。曰爲日。假爾泰龜有常。假爾泰筮有常。卜筮不過三。卜筮不相襲。龜爲卜。筮爲筮。卜筮者。先聖王之所以使民信時日。敬鬼神。畏法令也。所以使民決嫌疑。定猶豫也。故曰疑而筮之。則弗非也。日而行事。則必踐之。弗非。無非之者。日。所卜筮之吉日也。與。讀預。踐。讀善。

新唐書方技傳。凡推步卜相。皆技也。能以技自顯於一世。亦悟之天。非積習致然。若李淳風諫太宗不濫誅。嚴譟諫不合乾陵。乃卓然有益於時者。茲可珍也。

# 中國歷代卜人傳卷十四

潤德堂叢書之八

鎮江袁阜樹珊編次

## 江西省一

江西省在我國中部長江流域南。有江右之稱。又因有贛江縱貫其間。故別稱曰贛。禹貢揚州之域。春秋時爲吳越楚三國之界。秦屬九江郡。漢初置豫章郡。唐爲江南西道。宋爲江南東路及西路。元立江西等處行中書省。明置江西布政使司。清爲江西省。民國仍之。其地東界浙江福建。南連廣東。東鄰湖南。西北接湖北。東北毗安徽。省會曰南昌市。

178

南昌縣

漢置。故城在今江西南昌縣東。灌嬰所築。亦曰灌嬰城。其城凡三改五移。隋開皇中。自郡西南徙之城北。唐貞觀中。徙附郡城。明初又移今治。隋改縣曰豫章。唐改曰鍾陵。尋復曰南昌。清時與新建同爲江西省治。南昌府亦治此。民國廢府。仍爲省治。明

武宗時。寧王宸濠反於此。今有南潯鐵路。由此達於九江。

漢

嚴豐字孟侯。豫章人。王莽時官郡主簿。莽既篡位。太守河東賈萌與安成侯張

普約舉兵。師興之日。有蜂叢集萌車。豐曉占侯。以爲不祥。萌進兵。不聽。會張普負約無援。遂戰死。光緒江西通志方術

漢後

唐檀。字子產。豫章南昌人。少遊太學。習京氏。易。顏氏。春秋。尤好災異。星占。後還鄉里。教授。常百餘人。元初七年庚申。郡界有芝草生。太守劉祇欲上言之。敬也。晉支。

以問檀。檀對曰。方今外戚豪盛。陽道微弱。斯豈嘉瑞乎。祇乃止。永寧元年。庚申四月。月改元。

南昌有婦人生四子。祇復問檀。變異之應。檀以爲京師常有兵氣。其禍發於蕭牆。

蕭。牆也。謂屏牆也。至延光四年乙丑。中黃門孫程。揚兵殿省。誅皇后兄。車騎將軍閻顯等。立

濟陰王爲天子。果如所占。永建五年庚午。舉孝廉。除郎中。是時白虹貫日。檀因上

便宜三事。陳其咎徵。書奏。棄官去。著書二十八篇。名爲唐子。卒於家。後漢書方術。光緒江西通志方術。

唐趙山人。洪州人。洪州。卽今南昌縣。崔丞相左遷。在洪州。時州師曹王。將辟爲副。時德宗在

興元。曹王有功。且親奏。無不允。山人旣言事多中。崔問之。曰。地主奏某爲副使。且

得過否。對曰。不過。崔曰。以時以事。必合得過也。山人曰。郤得一刺史。不久敕到。更

遠於此。崔不信。更問。對曰。必定耳。州名。某亦知之。不可先言。且曰。今月某日。敕到。必先弔而後賀。崔心懼久之。蓋言某日。卽崔之忌日也。謂山人曰。言中。奉百千。不中。輕撻五下。可乎。山人笑曰。不合。得員外百千。只合。得員外。起一間竹屋。又問之。曰。我有宰相分無。曰。有。崔曰。遠近。曰。只隔一兩政官。不至三年矣。及某日。私忌。洪州諸僚。悉之。江亭慰崔。衆皆北望信。至酉時。見一人從北岸。袒而招舟。急使人問之。乃曰。州之脚力。將及岸。問曰。有何除授。崔員外奏副使過否。曰。不過。卻得虔州刺史。敕牒在此。諸公驚笑。果先弔而後賀焉。明日。說於曹王。予鐵百千不受。崔爲起竹屋一間。欣然徙居之。又謂崔曰。到虔州後。須經大段驚懼。卽必得入京也。旣而崔舅源休。與朱泚爲宰相。崔復聞堂帖。追入。甚憂惕。時故人竇參作相。拜兵部郎中。俄遷給事中。平章事。

唐 豫章術者。不知其姓名。嘗望牛斗間。有王氣。因游錢唐。以相法隱臨安市上。陰求其人。臨安縣錄事鍾起。有子數人。與錢鏐飲博。

錢鏐。字具美。杭州人。不喜事生業。販鹽爲盜。後爲吳越國王。卒年八十一。諡武肅。鏐



淨留黃金起嘗禁諸子。諸子多竊從之游。起與術者善。乃私謂起曰。占君縣有貴人。之美者。起嘗禁諸子。諸子多竊從之游。起與術者善。乃私謂起曰。占君縣有貴人。求之市中不可得。視君之相。貴矣。然不足當之。起乃爲置酒。悉召縣中賢豪爲會。陰令術者徧視之。皆不足當。一日術者過起家。鏐適在外來。見起反走。術者望見之大驚曰。此眞貴人也。起笑曰。此吾旁舍錢生耳。術者召鏐至。熟視之。顧起曰。君之貴。因此人也。乃慰鏐曰。子骨相非常。願自愛。因與起訣曰。吾求其人者。非有所欲也。直欲質吾術耳。明日乃去。起始縱其子等。與鏐游。時時貸其窮乏。

陳章術者。舊志列五代。今

改附唐宋。○五代史吳越世家光緒江西通志方術

宋 陳執中。字昭譽。南昌人。好閤人。而解賓王最受知。初爲登州黃縣令。素不相識。

執中一見。卽大用。勅舉京官。及後作相。又薦館職。賓王仕至工部侍郎。致政。家雄富。諸子皆京秩。年七十餘卒。賓王爲人。方頤大口。敦龐重厚。左足下有黑子。甚明。

大。圖書集成相術部紀事。○阜按。宋史本傳。陳執中。官吏部尚書。復拜同平章事。昭文館大學士。

明 盧文燧。字火甫。南昌人。府學生。時宜春藩邸。重其名。延爲諸子塾師。尋以女弟。

妻之。國變後，不復應試。精研周易，著讀史心編，尤善推測。其於天文地理、輿星命卜筮等書，皆貫徹通曉。年九十後，乃壘諸家術數書爲巢，日坐其內，間爲人決死生窮達，輒能奇中。同治南潯府志方技

明

胡儼，字若思，號頤庵，南昌人。少嗜學，於天文地理、律曆醫卜，無不究覽。洪武中，

以舉人授華亭教諭。永樂初，薦入翰林，歷官國子祭酒。朝廷大著作，多出其手。居國學久，以身率教，動有師法。洪熙改元，以疾乞休，進太子賓客，仍兼祭酒。致仕歸。

閒二十餘年卒。年八十三，有頤庵集。

明史列傳光緒江西通志列傳

明

萬祺，字維壽，南昌人。精祿命言多奇中。士大夫異其術，以掾史辦事吏部。正統

間，除鴻臚主簿。景帝不豫，時有議召襄王者，石亨詣祺問休咎。對曰：「皇帝在南宮，奚俟他求？」亨悟，率衆逐英廟，復辟。久之，亨以祺名奏，歷升部郎。會曹欽反，執尙書王翱、學士李賢，欲加害。祺陳利害，力救得免。欽誅，擢太常卿。成化末，累官工部尙

書，以功名終。

圖書集成星命名流列傳光緒江西通志列傳

明 陳紀字空山。豫章人。豫章即今江西南昌縣善堪輿工詩文。黃岡王翰林廷陳贈以詩云。汝

擅青烏術。類爲黃鶴遊。山川委情狀。歲月傍窮愁。善補神功就。能令鬼福酬。高蹤

何所似。漂泊一虛舟。沙澤集

明 王玉章。江西南昌人。精子平術。夏閣老言。少時以壬寅丁未丙寅壬辰八字乞

其推算。玉章批其命書云。如今還是一書生。位至三公決不輕。莫道老來無好處。

君王還贈一車斤。閣老後爲嚴嵩所妒。誣爲復河套事。受曾銑賄金。卒坐棄市。後

嵩敗。其家訟冤復其官。追諡文愍。明徐復神花當閣叢談

明 楊源字貴潔。明史作本清瑄之子。初爲太僕主簿。宏治乙卯。各省奏地震。天鼓鳴。源應

詔陳言。坐出位。謫銅仁長官司吏目。徙欽天監五官監候。正德元年丙寅。劉瑾典

兵柄。源奏。自八月初。大角及心宿中星。動搖不止。大角天王之座。心宿中星。天王

正位也。俱宜安靜。而今乃動搖。意者皇上輕舉嬉戲。遊獵無度。以致然也。伏望祇

畏天威。安居深宮。絕遊嬉。罷弓馬。毋輕出入。遠斥寵幸。節賞賜。止工役。親元老。大

臣日事講習。章上不報。十月復奏。連日霧露交作。爲衆邪之氣。陰冒陽。臣欺君。小人擅權。爲下叛上。瑾怒。矯旨廷杖三十。明年又奏。火星入太微垣。帝座之前。或東或西。往來不定。宜思患預防。意在瑾也。疏留中。瑾召源。面叱之。曰。爾何等官。亦欲爲忠臣邪。源厲聲曰。官大小異。忠一也。復杖六十。謫戍肅州。肅州。今甘肅酒泉縣。以傷重。卒於河陽驛。河陽驛。今河南孟縣。妻皮氏。斬蘆荻覆尸。葬之古城。萬歷間。河南撫按奏請建祠於河陽。賜額忠愍。天啓初。謚忠懷。明史楊瓚傳光緒江西通志列傳

清

金道人。江右人。善相。百不失一。鄭參知逮。未第時。偕諸名士訪之。歷歷如嚮。獨

不顧鄭。鄭時自負才名。恚之。

恚。當惠。恨也。怒也。

道人曰。毋怒也。秋榜後。當奉告。至期果下

第。復問道人。道人曰。君相法在丁酉。當魁省試。鄭問。何以爲驗。曰。至年髮當長尺許。是其兆也。遂去。鄭心記之。泊丁酉春。髮果暴長尺許。益自負。秋初道人復至。告之。故曰。未也。入試之後。額當隆起如贅然。登第後始消耳。已而果然。既又問春榜消息。良久彈指曰。尙遠。吾不及見也。鄭不懌。遂不終問。越十四年庚戌。始成進士。

訪道人則已死矣。

五雜俎○早按此與四川省豐山縣志所載金道人不同。

清

劉丁字先庚。南昌人。少失怙恃。年十三。卽知向學。五經史漢諸書。皆手抄錄。深思默識。期於有得。曰。學非徒論說也。爲諸生五十年。未嘗一日去書。凡天文地理。典制音律醫卜。皆洞晰源流。尤邃於易。每曰。三才萬物。一理應感。眼前日用。便是圖象。此不得以傳註拘也。居鄉篤行。嘗兵亂遇盜。詢知姓名。卒不敢犯。有患讀書成疾者。答曰。予年十八。得血疾。痛自愈治。二年而平復。三十而壯。五十精神倍少。時今七十。故如此節欲效也。康熙壬申卒。享年七十有二。著有家居便覽。歷代典故。正學粹言。藏於家。

碑傳集文學上之下

清

蔡象顯。南昌縣學生。精數學。里人有母暴死者。就象顯乞牛黃丸。象顯曰。丸無

矣。測以數可也。卜曰。吉。爾母已起。伺豕矣。里人歸視之。果然。耿逆判兵掠撫州。里中慮某方起義兵。象顯占之。遽執廬手曰。慎之。兵將不利於火。後慮出師當火日。敵營燬發。全軍覆焉。邑先輩嘗稱象顯推測神妙。爲堯夫後一人。

同治南昌府志方技

唐

朱邨。豫章人。精於周易。得京管之遺法。唐建中初。遊楚。賣卜。青山人董元範。母

患奇病。至夜卽發。邨爲筮之。得解之上六。曰。君今於日昃。具衫服于道側。伺有執

弓挾矢而過者。君向求之。時邑人李楚賓喜獵。其時果至。元範邀之至家。設酒饌。

留宿。是夜月明如晝。楚賓出戶徘徊。見一大鳥飛集舍上。引喙啄屋。

喙。音。屋。也。啄。音。屋。也。啄。竹角切。屋。

食也。卽聞堂內叫痛苦聲。楚賓引弓射之。兩發皆中。其鳥飛去。痛聲亦止。明日與

元範四素於敗屋中。得確捏古陞。兩箭著其上。皆有血光。遂取焚之。母患果平。

圖書集成藝術典下京部名流  
列傳光緒江西通志方術

元

龍廣寒。江西人。寓居錢塘。挾預知之術。游湖海間。咸推爲異人。又行服導引之

法。常佩小龜數十於身。至晚仍解飼之。事母至孝。六月一日。母生辰。方舉觴爲壽。

忽見北牕外梅花一枝盛開。遂稱之曰。孝梅。贈詩者甚多。惟張菊存一篇。最可膾

炙。曰。南風吹南枝。一點萬綠。歲寒誰知心。孟宗林下竹。至治初。廣寒卒。年百有

八歲。猶童顏綠髮云。

圖書集成術數部名流列傳杭州府志道光新修縣志方技

明

張儲字曼胥。大學士位之弟。多才藝。醫卜星相。堪輿風角之術。無不通曉。萬歷間。遊遼東。歸語人云。吾觀王氣在遼左。又觀人家葬地。三十年後。當大貴。行伍閭巷中。兒童走卒。往往多王侯將相。天下其有所歸乎。人以爲狂。旣而其言果驗。儲

年七十餘卒。

同治南昌府志方技道光新修縣志方技

180

豐城縣

三國吳富城縣。晉改置豐城。移於豐水之西。故城在今江西豐城縣西南。卽雷煥得寶劍處也。唐遷縣於章水東。始爲今治。後改曰吳岸。五代時南唐復故名。明清皆屬江西南昌府。○吳岸。一本作

吳岸

元

揭道孫字志道。世居豐城。少篤學。爲文章。通陰陽卜筮方藥之說。親疾。常再剔股肉。和藥進之而愈。中乃力穡灌園。教授鄉里。晚又手寫佛書。出錢建寺。延祐甲

寅卒。年六十八。

元虞集撰揭志道墓誌銘

明

朱隱老字子方。號濤峯。豐城人。以邵子皇極經世義趣深奧。學者猝不能得其說。因以己意訓解。凡邵子所未及者。皆折中而論定之。若邵子所自爲說者。則又

姑取最淺近之理。以爲之指示。欲令讀者易得其津涯也。

四庫術數類存目一

明 何冶雲。號半溪。斗溪人。精青鳥術。嘗遊吳越間。爲人相地。與劉孟迥。一字南。趙子方。齊名。所著書載入銅板館古今圖書集成。族孫德宏。亦善地理。著何氏沙法。爲堪輿所宗。

明 楊應祥。烏柏上點人。崇禎時。以地理受上知。歷官尙寶寺卿。里有古井。忽發翰墨香。氤氳十餘日。時應祥在京。召對稱旨。膺殊禮。鄉人異之。名曰香泉。

清 周應驥。字天慶。花園人。善星卜。至京師。司農裘文達。爲延譽。朝貴卜宅。言禍福多驗。誠親王聞其名。誠音咸。和也。誠也。召相園寢。亦奇中。王書劍氣文光四字賜之。後援

例選萬縣丞。署縣事。

清 萬國寧。斗溪人。順治間。兩召至京。試龍穴沙水論。進呈第一。

清 丁煥。字淇清。一字雲門。沙湖人。邑庠。自幼純謹樸質。刻苦自勵。事親孝。親沒哀痛迫切。臥殯側。數月不踰闕。闕音城。門限也。族人以齒德推。晚年不求聞達。博覽羣書。兼



通星命相法。地理尤善。卜易多奇中。至今有服其前知者。邑侯華慕其名。餽金屢辭不受。侯嘉其節操。贈以正直之儒額。壽九十餘而終。子六。長揆豐。邑庠。次揆謙。業儒。孫蓬。邑庠。以上同治豐城縣志方技

181 進賢縣

漢南昌縣地。晉分置鍾陵縣。尋省。唐復置鍾陵縣。復廢。宋初置進賢鎮。升爲縣。明清皆屬江西南昌府。

宋

趙公衡。字平仲。自號澹然居士。魏悼王之六世賢孫也。嗜讀書。喜賦詩。而不肯

一試於有司。有官而終不就。一列外。至黃老星家。醫卜百工之技。靡不解。年未冠。

父疾亟。公衡夜犯濤江。跣足數百里。迎醫之良者。而拜之如父兄。及父喪。上無諸

父。下無同產兄弟。以隻影童子。而嗣大事。嗣。音系。廟也。母寡已孤。母耄已穉。乃饘已以

飯。母寒已以暖。母劬已以安。母子同命者四十年。如一日。其居豫章之進賢。急

人之急。憂藥人之疾。或託之以死。或寄之以孤者。累累也。慶元二年丙辰卒。壽享

五十有九。

誠齋集趙公平仲墓表

清

李希彩。一都人。善風鑑。凡相人。富貴貧賤。後俱應驗。嘗言人有陰騭紋現。則壽

增一紀。富貴隨之。其存心勸善如此。每遊仕宦家。或假扮人試之。無不立辨。新建  
裘文達公。尤敬禮之。光緒進賢縣志方技

182 南城縣。漢分豫章南境立。以在郡城之南。故名。明清皆爲江西建昌府治。今縣東南有南城故城。爲漢縣。今縣爲宋時移治也。

宋

廖應淮。字學海。自號溟津生。溟津。淮南子本經。江淮通流。四海溟溟。江南城人。宋末布衣。抱負奇氣。好研

磨。運氣推移。及方技諸家。年三十。遊杭。上疏言丁大全亂政狀。中以法配漢陽軍。

應淮荷校行歌出國門。道傍人嘖嘖壯之。遇蜀人杜可久于漢江濱。爲禱營將。脫

其戍籍。授以邵子先天易數。其算由先天起數。應淮神警。一問輒了。嘗坐臨安市

樓。賣卜。卜已。輒閉樓危坐。取一環按劍自鍛之。當火少休。則危坐以爲常。曾過曾

淵子家。索酒飲。酣抵掌放歌。坐者皆詫。見賈似道。直言宋鼎將移。語畢亦徑出。國

子監簿吳浚。以先天易箋。陰符經。六花陳法質之。應淮擲其藁於地。曰。誤天下國

家者。此書也。浚欲從之。受易。罵曰。若黃口兒語。此人皆邵子矣。後以其數學授進

士彭復之。以傳鄱陽傅立。傅立。另有傳。著有元元集。歷隨星野指南。象滋說會補。畫前

妙旨約十萬言。

圖書集成藝術典術數名流列傳光緒江西通志列傳

明

傅洋字元盛南城人少負奇氣好讀書尤精易學有寇伺夜至洋占易得暮夜

有戎遂遁免事母至孝待寡嫂深加禮敬鄉人有以貧故鬻地者捐金贖之歲大

饑出穀賑濟以千數與兄深瀨並稱三俊

漢晉歷藥草也

而洋尤知名人稱南坡先

生。同治建昌府志方技

明

夏泉南城人精於天文之學官蘇州府通判弘治甲子署崑山事云夜觀乾象

明年狀元當出此其語聞於人貢士十餘輩往問夏云狀元只在城中第未知爲

誰顧未齋以家於城欣然自任曰乙丑狀元屬我矣已而果然

明陸延枝說聽

清

陶成字企大南城人康熙己丑進士官翰林院編修著皇極數鈔二卷其書以

洛書印合河圖而推其數以占卜上卷採掇蔡沈之說下卷採掇李經綸之說而

推衍以己意大旨重一爲三重三爲九九復合一爲十以通河洛之數

四庫提要子部術數存目一

183

新城縣

漢南城縣地三國吳改永城隋省入南城唐復置永城尋又省入南城宋置新城縣明清皆屬江西建昌府民國改爲黎川縣

明 朱文煜、新城人。學易通流。衍卦氣法。自筮知無祿。遂亡。進取意。讀書不爲章句訓詁。務探精義。爲文尙理致。不爲綺靡。書法宗柳氏。年未三十。鄉人爭致爲師。篤孝友。以善人稱。年八十卒。同治建昌府志方技

明 黃端伯、字元公。新城人。崇禎戊辰進士。福王時。官禮部儀制司郎中。南京破。死難。事蹟附見明史。高倬傳。撰易疏五卷。首列諸圖。皆以發明京氏卦變之義。旁及陰符。乾鑿度。握奇遁甲等書。四庫經部易類存目一

清 李一清、字聖池。諸生。宜黃人。少習形家。青囊諸書。爲人卜葬地。無不吉者。游新城。中溪陳元。請爲謀父葬地。獲吉壤於南城九柏山。謂元曰。葬此後必昌。然不利於君身。且不利於我。必瞽目。雖然。我當成君孝。願附婚姻。以子孫爲託。元唯之。既葬。果如其言。元卒。年僅三十耳。一清瞽後。以女妻元弟允恭。遂家於中溪。與陳氏世爲婚好。陳氏科甲蔚興。自此始。一清爲人謙和誠篤。與魯進士仕驥。相友善。雖精技術。然非孳孳弋利者可比。年七十餘卒。著有地理淺說一卷。同治新城縣志方技

184

南豐縣

三國吳置。其故址在今江西廣昌縣東十五里。地名士屯者。隋唐間再經廢置。益徙而東。開元間以廢南豐縣田地豐饒。川谷重深。時多割劫。乃復置縣。繼而徙縣治於今縣東一里嘉禾驛。又徙治西

理坊。即今南豐縣治。明清皆屬江西建昌府。

明

危斗南。佚其名。南豐人。少遊吳越訪道。凡象緯輿圖。韜略奇遁。獨獲祕授。蕭然委里。同里閭者輕之。獨劉冠寰一見執弟子禮。斗南精於太乙。自斷沒期不爽。又

嘗言明祚止於甲申。南豐禍於乙酉。至期斗南已先二年卒。

光緒江西通志方術

明

李經綸。字大經。號寅清。南豐人。正嘉間諸生。註有範數觀通。清湯倏。倏音談。安然不疑也。號漫湖。亦南豐人。增註此書。改名洪範皇極。註四卷。其書首卷著撰法。筮占說辨

諸條。以下則分內外篇。末綴以範數之分。而每卷皆系以圖。蓋專爲占筮而作也。

四庫提要子部術數存目一

明

胡映日。字心仲。南昌人。弱冠穎異絕人。父海定。以汜水令殉難。映日遂嚮處不仕。順治甲午來南豐。及謝約齋門。其學博而能精。所著天文地理醫卜等書甚富。尤深於象數周易。參同契。貫通有獨得。婦翁彭躬菴。稱其文奇崛嶽崎。如拗山愚

水海內名宿推許。年四十餘卒。平生重節義。礪廉隅。晚年尤純粹不雜云。同治南豐縣志流寓

清 李灝字柱文。南豐人。著有易範同宗錄。其說取劉歆河圖洛書。相為經緯之義。

以易與洪範合而一之。分三篇。曰河洛。曰易卦。曰範數。終以揲法占法。附以所作

數詞。匹庫提要子部術數類存目一

清 黎立賢字坤仲。素嗜青囊術。尤善卜筮。己卯春為邑中卜科第。有云東趙西湯。

林在其中。秋榜後。姓字俱不爽。咸豐間。粵寇竄豐。有王姓子六人。被虜去。父母幾

暈絕。暈音運。俗謂昏厥曰暈。立賢為之卜。判定六子。於五日內可逃歸。至期悉應。間為鄉農課

晴雨。皆占驗如神。時人以黎仙稱之。民國南豐縣志方技

185 廣昌縣。唐南豐縣地。宋析置廣昌縣。明清皆屬江西建昌府。

清 毛節字季先。廣昌人。性倜儻。風角占驗術奇中。太保許貞鎮粵東。延入幕。參贊

機謀。多所擘畫。暇則以詩古文自娛。自號懶墨老人。同治建昌府志方技

186 瀘溪縣。明置。屬江西建昌府。民國改為資溪縣。

明 孫景耀，字震陽，學貫諸家，耐清貧，於世味泊如也。著有易旨問義、地理真詮、奇門祕要諸書。

清 魏端，字端子，生平好奇，於天文、地理、風角之書靡不究覽。當崇禎之季，性好遊北極雁門，南踰柳州，足跡常萬里。晚歲家居，指所居曰：某日當圯，至期果然。蓋異人也。棄諸生服，著書自娛。見者多不能解云。以上道光瀘溪縣志方術

清 黃堂，字雨椽，號秋水，瀘溪人。乾隆丙子舉於鄉，辛巳成進士，官安徽宿松知縣。博聞強記，貫穿經史，旁及音律、星命、醫卜諸書，而性沖淡。於人世一切窮通得喪，泊如也。罷官歸，主講省城友教書院，著詩古文十餘卷。年六十六卒。碑傳集守令

187 臨川縣

後漢改汝縣，隋改爲臨川，故城在今江西臨川縣西，唐徙今治。明清皆爲江西撫州府治，宋王安石爲臨川人，世稱王臨川。

宋 陳摠，臨川人。周益公必大，贈以正易心法及易索兩書，謂心法出麻衣道者，傳

自希夷先生，可以求天理。易索，吉之太和名士張汝明所作，可以知人事。摠得之。

遂以精易卜名。光緒江西通志方術咸豐撫州府志方術

宋 雷思齊字齊賢臨川人於書無所不讀宋亡之後棄儒服爲道士居烏石觀晚

講授廣信山中暨終也復歸烏石卒年七十有二思齊撰易圖通變五卷易筮通變三卷其易圖通變自序謂河圖之數以八卦成列相盪相錯參天兩地參伍以變其數實爲四十而以其十五會通於中所述河圖洛書參天兩地倚數之圖錯綜會變等圖及河圖遺論大旨以天一爲坎地二爲坤天三爲震地四爲巽天七爲兌地六爲乾天九爲離地八爲艮而五十則爲虛數其說雖與先儒不同而案其出震齊巽之義亦頗相脗合其易筮通變凡五篇一曰卜筮二曰立卦三曰九六四曰衍數五曰命著亦多自出新意不主舊法白雲霽道藏目錄載二書於太元部若字號中蓋圖書之學實出道家思齊又本道家衍說之以附於易固亦有由云

宋袁桷清容居士集雷道士墓誌銘四庫提要經部易類三

明 張中字景華臨川人元末舉進士不第遂放情山水少遇異人授以太極數學

談禍福奇中好戴鐵冠人呼爲鐵冠道人明太祖下南昌以鄧愈薦中召至賜坐



問曰、余定豫章兵不血刃。生民自此蘇息否。曰、未也。旦夕此地當流血。廬舍焚毀殆盡。及指揮康泰反。一如中言。又言國中大臣有變。宜豫防。至秋。平章邵榮參政趙維祖、伏甲北門爲亂。事覺伏誅。鄱湖之戰。陳友諒中流矢死。兩軍皆未覺。密奏曰、友諒死矣。請遣死囚持祭文往哭之。則彼氣奪而吾事濟矣。從之。降其衆五萬。居都下數年。一日無故自投於大中橋水。求其屍不獲。建文時復見於金陵。歌曰、莫逐燕。逐燕自高飛。高飛下帝畿。遂有靖難之事。後不知所終。

明史方技清一統志揚州府仙釋同治上江兩縣志

技方

明 章世純字大力。臨川人。天啓舉人。著有己未留書。及章子留書。凡天文律歷。以至五行禽遁陰陽星卜之言。一見卽能剖微摘謬。授翰林孔目。有旨召對。以口吃辭。條上兵事。極言禁旅邊鎮。及召募客兵之弊。出爲柳州知府。時年已七十矣。聞

京師變。悲憤發疾。卒於柳州。

同治臨川縣志方技

明 張楠字神峯。號西溪逸叟。臨川上官里人。精星學。以五行祿命諸書沿習訛舛。

著命理。正宗尊崇正理。闢諸謬說。萬歷乙亥刊行於世。海內星平家多宗之。

光緒江西通志

方術同治臨川縣志  
方技及正宗序言

明

趙吉六。江右撫州人。善謝石拆字術。賣卜於京師。人有所叩。隨意書一字。則隨

字解拆。吉凶甚驗。名甚噪。余諧邑中兩春元。

余卽徐復祚

往叩之。時辛丑會場纔畢。兩春

元一姓陳。一姓張。俱問前程事。余則欲得家報耳。入其門。趙方課一童子讀學庸。見我輩去。叱童子去。收書置几上。余指示之曰。此兩春元俱大才。赴罷會場。中固其所必然。所不知者名次耳。陳春元卽指其書籤上庸字。趙曰。庸字上半爲庚。庚者更也。更者化也。今庚不能更。何能化乎。且公登第便當用世。以不成之庚。壓於用上。恐無所用耳。莫怪直言。次至張春元。亦指書籤曰。大字。趙嚙蹙不言。張曰。但據理直言。何必忌諱。趙曰。依此大字。公亦尙須有待。余曰。試言其故。曰。移大字上一直置下中。成一不字。故沈吟也。兩春元大笑。次至余。寫貝字。曰。欲得家信耳。趙曰。尙遠。以貝字上目字橫轉。則爲四字。其四月初八乎。然四八成三十二。三月二

十外。當有信。余深信其言。歸卽書而粘之壁後。三月且盡。家信茫然。時從兄廷珍初第。觀工部政。過余。酒中見壁間所識。方共訝家信之難到。忽一人突入。乃兄紀綱名祥者也。相對一笑。余問家信。云在蔣侍御船。我於德州從陸先行。計其程。來月初旬。必當抵灣。至初八。余不待問至。先往灣中候之。蔣船初十始到。則在天津馬堂處擔閣兩日也。兩春元。亦下第。後於郡人楊春元玉蒼。名大座中談及。楊亦聞其名。欲往叩。楊時留京就選。應得有司。而李大冢宰對予。名與楊之尊人大司馬震涯公。名成有舊。已擬湖州司理缺矣。玉蒼書一湖字。曰就選得此地否。趙曰。水中撈月。豈能就乎。且君十口在水月之間。水月陰象也。當必有不安之耗。君不應久留此矣。玉蒼又書一柄字。問曰。此人在家安否。蓋時已聞長郎有病。故問也。趙曰。移木傍右一點置左。顯是病字。玉蒼又書一席字。問曰。卽病。無大妨礙乎。趙曰。此麻巾也。兆甚凶。玉蒼不樂起。甫欲出門。而一人闌入。余識其爲常州薛延州。徐儀制嶧陽。名希客也。時嶧陽偶有小疴。使之來問。薛書一徐字。趙曰。衆人倚一木。

不吉孰甚焉。薛慍見於色。大聲叱曰：小小風寒耳，便不起耶？趙呵之曰：毋怒，當爲君再繳一字。則書孟字。趙前賀曰：幸甚，無大害。薛曰：君言展轉，惑人法也。拂衣去，不留謝錢。既去，語余輩曰：此人性急，不與實言。移子一畫置皿上爲了，下爲血。其

清

人血已了矣。不死何待？嶧陽果三日不汗死。玉蒼家問至，則長郎病劇矣。不及選

而歸。其餘所聞，甚多奇中。後以占右營佐擊孫光前病，惡其直，以妄言禍福，嗾內

刑廠監逮之。遞歸江右。光前承運庫太監孫順姪也。未幾亦死。明徐復詐花當開叢談

紀大奎，字慎齋，號向辰，臨川人。少習易學，盡通陰陽曆算壬遁之術。乾隆己亥

舉人。歷官昌樂、什邡等知縣。郡晉方，什邡縣名。漢置，屬四川省。所至有政聲。什邡奸民，據山聚衆，大

奎率幹役尋破之。邑遂安。擢知合州。道光壬午，引疾歸。年八十。卒。祀合州名宦。著有地理末學六卷、水法要訣五卷、河洛理數便覽一卷、六壬類聚四卷、清史稿藝

文術數類，載入數學相宅相墓占卜之屬。又著有觀易外編、古律經傳附考、老子約說、仕學備餘、筆算便覽、雙桂堂稿等書。清史稿循吏附劉大紳傳諸可寶、鳴人傳三編

清 楊天爵、臨川瑤湖鄉人。精歷法。作七政臺歷書。頗解訛錯。談星平者悉用之。

同治

臨川縣志方技

清 李奉來、字僑宣。號歸淳子。臨川人。父士星、字文昭。號覺山。乾隆癸酉舉人。精堪

輿。選擇。奉來稟承家學。謂爲地脈鍾山川之秀。佳期奪日月之精。乾隆辛卯。輯有崇正關謬通書十四卷。行世。惟地理書未作。蓋恐巒頭理氣。不可方擬。非具有靈心慧目者。莫能有悟。至選擇。惟求一是而已。

崇正通書序

188

光澤縣 管邵武縣地。宋分置光澤縣。明清皆屬福建邵武府。民國二十三年劃屬江西省。

元 王振六、字伊平。遇徐州楊伯宗授祕術。遂精青烏家言。初居王湛。後遊下山坊。樂其山水。卜徙焉。下山坑舊無人居。自振六遷此。子姓繁衍。世爲衣冠之族。所居面七峯。如北斗倚天。嘗謂後世必有立功異域者。其孫崇。當明初從役鄱湖。夜鑿陳友諒舟有功。蓋卽振六所謂立功異域者。其術亦神矣。

清 黃宗三、字參兩。號倚數。二十都人。家縣治。精星卜之學。言人休咎多驗。嘗臨試

爲人卜等第。曰必列高等。然明年四月當以磨勘降三等末。子其慎諸。人謂無隔年降等事。陰唾之。後竟如宗三言。故邑人神之。因其號稱曰倚數先生云。而宗三故非術者。遇事嶽嶽。時以公憤與令爭抗。辭氣慷慨。令爲之屈。有持金要其事者。笑曰。五十年老寡婦。肯蒙恥嫁人耶。子休矣。其人逡巡袖金退。爲諸生五十七年。累賜翰林院檢討。又九年乃卒。年九十一。

以上光緒光澤縣志方技

清

嚴守謨。邑諸生。負相人術。里人析其名曰莫言先生。謂言必中也。有邱氏子求相。不答。但曰次月來。人不解其故。而邱氏子未出月竟死。一日與友人倚門語。見有華衣揚長過市者。曰此大騙也。問何由知之。曰趾高而視下。肉厚而骨輕。相書不載。余以意得之也。未移晷而追者至。問有衣某服人過否。爲述昨騙上屯曾氏事。令急迹之。已遁去。其言多中類此。

光緒邵武府志藝術

189

金谿縣

隋唐臨川縣地。五代南唐析臨川縣之上幕鎮立金谿場。宋升爲縣。明清皆屬江西撫州府宋陸九淵爲此縣人。

宋

劉用寅以進士令金谿修祖鞠之德。

祖鞠以陰陽開。後入明朝水樂。爲劉陰陽書。族多顯人。在宋謫忠者五。謫文者四。

多惠政。而

善相地脈。金谿有晁氏九經堂遺址。龐秀可居。用寅欲留家焉。會病篤。命子買之。尋卒。其子遂以用寅葬其右。初用寅語子曰。卜居此址。將來福澤綿長。但異日倘有令索此址。宜亟還之。而邑東北鷓鴣山下。曰戴坊巷者。其地沒於官。亦旺地。可易而居也。後王衡仲令金谿。果欲遷學宮於晁氏九經堂址。用寅墓相去百步。以故令不得徙。用寅子卽還址於官。而請所謂戴坊巷者。衡仲許而易之。劉氏世家焉。今用寅十七世孫啓元。登進士。任刑部員外。十八世孫先春。登進士。由翰林陞太常寺卿。若子明。允銓。翼。泰。廷實。章彝。俱領鄉薦。先後貢舉者五人。他途入仕者十餘人。爲金谿著姓。皆用寅惠政之報云。圖書集成堪輿部堪輿列傳

元 張月梅。工相人術。決人貴賤。死生禍福。遲速無不奇中。吳學士澄嘗稱之。特贈

以敘。

同治金谿縣志方技

明 何士泰。金谿人。撰景祥歷法。朱魯珍。臨江人。臨江。卽今江西清江縣。撰輝山通書。所載選擇

之要。皆術家常法。

四庫子部術數類存目二

明。曾易明，金谿人。景泰中，遇異僧，授以堪輿家術，爲人卜地，衰旺興廢，輒先定其年月日時，皆奇中。臨川饒氏館，易明於家者三年，事之特謹，然終不敢以地請。最後易明乃指示曰：「某可墳，某可宅，卒賴其力，或以富貴傲，卽有重賄，輒拂衣去，不娶妻，無子，漸能辟穀，不知所終。」光緒山西通志方術

清

楊護，字邁功，金谿人。乾隆甲辰成進士，官至浙江巡撫。道光乙酉卒，年八十五。護精相術，甲辰科臚唱前一日，新進士會集乾清門外，乃徧相諸同年，謂友人曰：「今科榜眼探花，當是南北二邵，謂餘姚邵瑛、天津邵玉清，第一人未見，何歟？」嗣見一人脫帽箕踞，獨坐金缸旁，乃拱手賀之曰：「龍頭在是矣。」亟詢姓名，則會稽茹芬古香也。少頃，傳前十卷引見，以次唱名，鼎甲皆如其言。是年護既通籍，旋告歸，嘗自言十年不甚佳，遂家居十年。旣出，卽補郎中，旋擢道員，至開府。護甲辰之捷，出紀文達公門。曾語文達曰：「師人閣愈遲愈佳。」文達年八十二，始拜協揆之命，僅十七日，卽捐館矣。錢塘許文恪公乃普，少時謁護，護曰：「爾一甲一品相也。」文恪憂不



壽。馥曰：若骨法蒼老，必享大年。後文恪果一甲第二人。仕至吏部尚書、太子太保。

清史稿本傳思補齋  
筆記清稗類鈔方技

190 崇仁縣隋并新建。巴山、西寧、三縣置。明清皆屬江西撫州府。明吳與弼爲崇仁人。傳其學者爲崇仁學派。

元 吳澄，字幼清，崇仁人。幼穎悟，既長，用力聖賢之學。至大初，爲國子監司業。遷翰林學士。泰定初，開經筵，以澄爲講官。會修英宗實錄，命總其事。實錄成，卽移疾。詔

加資善大夫。澄答問，疊疊以斯文自任。四方之士，負笈從學者，不下千數百人。暇

輒著書於易、書、春秋、禮記，各有纂言。尤有得於邵子之學。校定皇極經世書。又校

正老子、莊子、太玄經、樂律及八陣圖、郭璞葬書。所居草廬，程鉅夫題曰草廬。故稱

草廬先生。至順辛未卒，年八十五。諡文正。

元史本傳○吳草廬地理真詮序云：漢藝文志宮宅地形  
二十卷，蓋相地之書也。然官有其書，民間無之。無其

書亦無其術。通於其術，如晉郭景純輩，漢代一見，豈人人能哉。楊翁給使唐宮禁書中，得此禁術。後避果寇至  
職，爲贛人言地理術盛於江西自此始。余評諸家地理書，郭氏葬書雖不敢必其爲郭景純之作，而最爲簡當。俗

本亦復亂之以偽，余黜其偽，存其真。本千餘字，吾里王謙道於諸書中去所可去，取所可取。耕地理真詮三卷，  
衍者十無一二，擇之不亦精乎。以此而相地必不苟，以此而授人，必不惑矣。謙道游四方四十年，工於詩，前輩

公皆許可之。儒家之術，術  
家之儒，書之精也宜哉。

元 曾榮祖，字聖弼，邑人。善陳卦爻，察形色，推算支干及七政，纏度析決，休咎巧發奇中。虞邵菴稱爲儒家之冑，故非技術之流。

清 饒之道，四十八都人。國學生，幼讀書，談祿命者，謂年不過二十。饒信之，因挾貲遊西湖，意圖一快。以了此生，謁湖中一老僧，問何以遠來。饒具以告。僧指指推曰：八十老叟也。饒乞其術。既得歸，譚人禍福無不中。袁孝廉文暉自諸生至通籍，數十年中，小得失皆先示之。且曰：吾子異時來署，可謝之金。尋死，子出亡，不知所之。袁官浙，且老笑曰：饒某言我無不驗，獨其子來署，恐妄語耳。適以事往鄰邑，儻人中聞有崇仁語者，呼至前，其子也，益服其神。以上同治崇仁縣志方技

191 宜黃縣

三國吳置，以在宜黃水側，故名。隋省，故城在今江西宜黃縣東。宋復置，初在水東，又移水西，即今治。明清皆屬江西撫州府，縣產學布，頗有名。

宋 應屋，宜黃人，通經史，尤精天文，著天象書，有圖，有說，有賦，名曰義府。於象數之外，獨得精義。又有混天，左右全體星圖，黃幹爲之立石。光緒江西通志列傳

192 安仁縣

漢餘汗縣地，晉析置管興，又改興安。尋廢。陳天嘉中，改安仁，隋併入餘干。宋復置安仁縣，明清皆屬江西隴州府。民國改爲餘江縣。

元 李存字明遠。一字仲公。安仁人。師事陳苑。弱冠慕古人。無所不通。及爲大儒。慨然致心於天文地理醫藥卜筮釋道之書。從游者滿齋舍。中丞御史交章薦。不就。學者稱俟庵先生。有俟庵集。安仁縣志方技

193

上饒縣三國吳置。故城在今江西上饒縣西北。天德橋之原。明徙今治。爲江西廣信府治。清因之。

宋 徐仁旺。上饒白雲山人。嘗與丁晉公議遷陵寢事。仁旺欲用牛頭山前地。晉公必用山後地。仁旺言山後地之害。坤水長流。災在丙午。丁風直射。禍在丁未。聞者不以爲然。其後所言皆驗。同治廣信府志方技

宋 葉子仁。上饒人。推算筮占。往往如破的。歲乙酉。真德秀方在班。子仁以書勸補外。甚力。未幾。果去國。子仁每推論五行。輒以善道勉人。如孝弟忠信。清心寡欲等語。未嘗不懇切言之。真贈以絕句云。易象推占妙入神。勸人忠孝更諄諄。只今誰似君平術。惟有南陽賣卜人。

明 周詔。字天章。上饒人。爲人俊雅出塵。輕財好義。嘗於江湖中遇異人。授以地理。

指掌圖。盡得山川源委脈絡之詳。以是達於地理。蔡虛齋稱其談論符經義。脫世味。有近道之資。欲論薦之。未果。因爲序以見意。以上光緒江西通志方術

明

楊時喬。字宜遷。號止菴。上饒人。嘉靖乙丑進士。官至吏部侍郎。諡端潔。事跡具

明史本傳。撰周易古今文全書二十一卷。此書凡分六部。曰論例二卷。古文二卷。

今文九卷。易學啓蒙五卷。傳易考二卷。附龜卜考一卷。每部皆有自序。其大意在

薈萃古今。以闢心學說易之謬也。四庫經部易類存目一

清

廖麟書。號恭默。增貢生。潛心經史。通曉堪輿日家言。尤精究靈素。著醫學偶纂

凡四編。爲人亦恪守繩墨。言貌恂恂如。同治上饒縣志方技

清

春秋筆者。子然一貧儒。不知何許人。亦不詳其姓氏。以測字爲業。遨遊至信州。

今江西上饒縣西北。僦屋以居。榜門拆字。求卜者多踵廬求教。其人年四十餘。頗知書。吐屬風

雅。論字多妙解。多奇驗。士大夫咸樂與之遊。籍籍負時名。每拆一字。受錢二百文。

日以十字爲限。過此則閉門謝客。於是趨就占卜者。皆爭先恐後。朝暾初上。門庭

已若市矣。清稗類鈔方技

194 玉山縣

唐置。以有懷玉山。故名。明清俱屬江西廣信府。清一統志云。今玉山縣東。有玉山故城。何時移治。不可考。

宋 俞直。玉山人。通素問玉冊之書。內外常變之辨。至河洛易象太元之數。三統九經。五行納音之旨。無不求其義而爲之說。秦檜爲相時。欲館置直。謝不肯就。紹興辛巳。金人犯淮。用事者遣使問以兵退之期。言皆切中。光緒江西通志方術

清 黃卓誠。字海峯。幼具夙慧。五歲時。述未誕前母。歸舅氏家。舉止及舅氏家。房屋倉箱安頓。一一不爽。九歲習楷書。愛率更體。比長。夢巨人授以椽筆。書法大進。弱冠蒙家難。棄制舉業。遨遊山水。樓閣地。遇高人。祕授青烏術。既歸。不輕洩。爲人葬。不言富貴。第云積善俟之。比卒前一月。整理故編。付焚如。語諸子曰。某月日時。我殆將謝世矣。至期果無疾卒。時年八十有四。同治玉山縣志方技

歷代卜人傳卷十四終

門人鎮江李雨田校

# 中國歷代卜人傳卷十五

潤德堂叢書之八

鎮江袁阜樹珊編次

## 江西省二

195 弋陽縣

三國吳置葛陽縣，附移於弋陽江之濱，改曰弋陽縣，明清皆屬江西廣信府。

宋 謝枋得，字君直，其先貴溪人，僑寓弋陽新政鄉，爲人豪爽，每觀書五行俱下，一覽終身不忘，性好直言，一與人論古今治亂國家事，必掀髯抵几，跳躍自奮，以忠義自任，徐霖稱其如驚鶴摩霄，不可籠繫，寶佑丙辰，試中禮部高等，比對力詆時宰，闈宦抑置二甲第一，召試教官，調建寧府教授，開慶己未，應吳潛辟，神道碑，謂題團結民兵萬餘人，以扞饒信，暨兵退，朝廷覈諸軍費，幾至不免，景定甲子，枋得考試建康，摘似道政事爲問，因言兵必至，國必亡，語侵似道，乃誣以居鄉不法，鐫兩級，謫居新國軍安置，因謫所之山，自命疊山，咸淳丁卯，赦歸，以史館召，不赴，德佑

乙亥授江東提刑。知信州。累遷江西招諭使。元兵東下。信州不守。乃變姓名入建

甯唐石山轉蔡坂。

蔡坂一作茶坂。在建陽縣西北。

寓逆旅中。日麻衣躡履東向哭。已而設卜肆於建

陽驛橋榜曰伊齋。易卜久之。小兒賤卒莫不知爲謝侍郎。宋亡。遂居閩中。

卓按文節自丙子

至戊子十三年間。皆寓卜於建陽市中。拙句詠史有云。自古視田無惡稅。方今日者要輸捐。疊山猶幸生亡宋。實卜建陽十數家。蓋慨乎今之財政當局。擬復卜筮捐也。

元至元丙戌留夢

炎薦之不起。遺書有曰。吾年六十餘。所欠一死耳。豈有它哉。戊子召宋故臣福建

參政魏天佑。強之而北。已丑四月。至京師。遂不食死。年六十四。門人私謚文節。世

稱疊山先生。妻李氏。守節自縊於建康獄中。男三。義勇早卒。熙之歸自廣陵。亦卒。

定之賢而甚文。累薦不起。孫男二。信孫仁孫。所著有詩傳註疏。易說十三卦取象。

選唐詩。文章軌範。碧湖雜紀。疊山集。批點檀弓解。陸宣公奏議行于世。枋得死後

二十四年。至皇慶癸丑。門人虞舜臣率其徒。築室買田。祠於弋陽之東。江浙行省

請於朝。爲疊山書院。

元李源道謝公神道碑。白志原案。宋史本傳。與源道所撰碑。不同者數處。傳云。吳潛宜撫江東西。碑以爲趙葵。傳云。穆文海薦宋臣二十八人。碑以爲三十人。傳云。

二十六年四月。至京師。碑以爲二十五年。碑云。信之守將。悉捕公妻子弟姪送建康。夫人李氏自經死。弟姪及一女二婢。皆死獄中。又其弟馮。在九江。亦不屈。斃於市。所著易書詩三傳雜著詩文六十四卷。史傳皆不載。竊疑作元

史時。未考此碑也。今悉以碑文爲據。又引郭子章言文節。集以爲私。鄭汝璧臣道類鈔。以爲景泰年議。未知孰是。謹案貴溪縣志。據實祐咨料錄。稱枋得貴溪人。明會典亦稱貴溪。舊志其先貴溪人。枋得實僑寓弋陽新政鄉。○宋史本傳同。清廣信府志列傳。疊山集。○元盛如梓。庶齋老學叢談云。天兵南下時。疊山諸先生。率家勸王。潰散而逃。或至上饒。拘謝母。必欲得其子。母曰。老婦今日當死。不且教子讀書。論得三綱五常。是以有今日忠節。若不知書。不知禮義。不識三綱五常。那得許多事。老婦願得子死。且語言雍容。略無愁歎之意。主者無如之何。遂釋之。疊山先生行實。謝枋得。君直。號疊山。信州弋陽人。登宋實祐丙辰第。甲子。校文江東。發策十問。抵時政。安置吳國軍。乙亥。除江東提刑。累遷至江東制置使。土軍攻蘭。拒戰。安仁敗。宋德祐元年乙亥。冬十一月。任江西招諭使。知信州。又敗。棄家入閩。丙子二年。春正月。元兵入信。鎮鎮枋根捕。執枋得之妻李氏。二子一女。送江淮行省。拘于揚州獄中。母夫人以老疾得免。李氏不屈。死於獄中。惟二子照之定之得還。至元戊子二十五年。夏四月。召宋故臣謝枋得。力辭不至。時帝訪求南人有才者甚急。御史程文海。承旨留夢炎。交章薦之。尋有書上程雪。秋九月。參政魏天祐。執枋得北去。先是枋得由山陰陽唐石山。轉入蒼山等處。朝遷幕徙。崎嶇山谷間。竟得脫。至元甲申。黃華平。大赦。枋得乃出。得還。自寓于茶城。設上陣于建陽驛橋。枋曰。依賈易卦。小兒賤卒。亦知其爲謝侍郎也。至是天祐朝京。將載枋得後車。遣建寧總管。撤的迷失。伴召枋得入城。卜易。通以北行。以死自誓。知不可免。即不食。有上親容齋書。已丑二十六年夏四月。故宋江西招諭使。知信州謝枋得。至燕死之。初參政魏天祐。逼枋得之北行也。與之背。坐而不對。或蜺言無禮。天祐自其容忍。久不能堪。乃讓曰。封疆之臣。當死封疆。安仁之敗。何不死。枋得曰。程嬰。公孫柱曰二人。皆忠於趙。一存孤。一死節。一死於十五年之前。一死於十五年之後。萬世之下。皆不失爲忠臣。王莽篡漢十四年。龍勝乃餓死。亦不失爲忠臣。兩馬子長云。死有重於泰山。輕於鴻毛。程嬰之云。蓋棺事始定。參政豈足知此。天祐曰。強辭。枋得曰。昔張儀語蘇秦舍人云。當蘇君時。儀何敢言。今日乃參政之時。枋得百口不能自辯。復何言。枋得不食二十餘日。不死。乃復食。將行。士友餞詩送几。張子庶詩云。此去好邊三寸舌。再來不直一文錢。枋得會其意。甚稱之。遂臥臥轎中而去。渡采石。復不食。自是只茹少蔬果。積數月。困殆。四月初一日。至燕京。初五日。死于譚子定之。海散骨歸葬于州。枋得平生無書不讀。爲文章高邁奇絕。汪洋演遂。自成一家。學者師尊之。所著有詩傳註疏。易說十三卦取象。批點陸宣公奏議。并文章軌範行于世。○褒崇忠節奏詞。山東道監察御史臣李奎謹題。爲褒崇忠節事。臣聞忠節乃萬世之大閑。褒崇實朝廷之盛典。自三代以迄宋元。忠臣烈士。清風偉節。足以感發人心。千萬載昭昭如一日者。皆由英君聖辟。舉褒崇之典。或立製致祭。或



定讞追封，不忍使之泯沒無聞於後，皆所以正人心，厚風俗，扶植綱常，激勵士類，爲世道計也。今考得宋忠臣謝枋得，字君直，號疊山，係江原籍江西廣信府弋陽縣人。按宋史列傳，及集賢李道源所撰墓碑，稱其學通六經，淹貫百氏，實贍丙辰舉進士，以直實忤權奸賈似道，由架閣令，請居興國軍，連以史館祕書，召不赴。元兵至江南，宋趙葵宣撫江東西，辟爲屬，尋授江東提刑，江西招諭使，督義兵守鶴信，撫三郡，屢與元兵戰甚力，以兵少弗支，宋運既革，往隱於閩。（此橋亭賣卜時也。）元侍御史程鉅夫，薦宋遺臣三十人，以枋得爲首，承旨留夢炎，累薦薦之，江西行省丞相管如德，浙江行省左承蒙古台，將旨召之，俱不起。累致書力辭，忠義之語，出自肺腑，後福建行省參政魏天祐，欲以薦枋得爲功，枋得見天祐，傲慢不爲禮，被拘執北行，至大都，乃不食而死。妻李氏，守節自縊於建康獄中，長弟禹，在九江，以不屈新於市，季弟君烈，君澤，俱死於國事，伯父徵明，爲當陽尉，與元兵戰死，二子楚，進，抱父屍死，子定之，賢而文，累薦不起，一門之內，乘忠守節，視死如歸，皆由枋得身教於家使然也。爲文章史稱高邁奇絕，汪洋演邁，動關世教，所著易詩書三傳，及著解四書，雜著詩文六十四卷，節操孤峭，徵見於萬蒲之歎，言論激烈，復形於漕運之策，嘗自誦曰：清明正大之心，不可以利回，英華果銳之氣，不可以威奪，其自信率類此。昔胡一桂嘗稱之曰：斯文以之爲命脈，衣冠賴之以綱維，義夫節婦，得所矜式而益堅，亂臣賊子，有所觀望而羞愧，道德之興廢，關係於先生一身，然臣弋陽自歷代以來，擅道學忠節之名，聲後學之景慕者，獨枋得一人而已。及求諸天下，稽諸往古，能如謝氏夫婦伯弟，死忠死節，萃於一門，亦不多見。妻李氏，永樂初癸未，已蒙朝廷尊載烈女傳，足以垂耀不朽，奈枋得祠宇未立，封諡未加，後人無所稱仰，實爲缺點。欲惟舉上以節義風範天下，以忠孝植立綱常，凡古今忠臣烈士，義夫節婦，有關於世教者，悉蒙旌褒，況枋得爲近代忠臣，忠肝義膽，與金石同堅，高名峻節，與文天祥相表裏，著書立言，皆足發明正學，羽翼六經，推其道足以隆治而善俗，聞其風可以立懦而廉貪，誠一代忠節之表表最著者，如蒙准旨，乞飭禮部，照例將已故謝枋得定議褒贈，仍行原籍有司，創立祠宇，歲時致祭，如是，非特慰忠義之魂於九泉，原冥漠之中，尤見聖朝旌忠顯良之盛典，超越千古，使海內之士，得以瞻拜祠下，景仰風節，莫不有所激勸興起，其於世教，豈不有補哉。臣與枋得，生同鄉邑，每廬景慕，今幸職居言路，不容緘默，干冒天威，無任戰慄屏營之至。○洪北江集，宋謝文節公橋亭卜卦祝歌，序云：研欽材，修九寸七分，廣五寸六分，厚九分，額篆橋亭卜卦研五字，而左右草書云：此吾石友也，不食而堅，語有之，人心如石，不如石堅，雖似當年采薇不食守義賢也，轉背左題程文海銘，又右題大明永樂丙申七月，洪水去，橋亭易爲先生祠，相地得之。（殆卽朝天橋也）閩後學趙元，視中正書，題宋侍郎研五字，舊藏天津城西海潮壩，雍正初癸卯，周上舍月東

葦。以米易得之。今湖南巡撫查公禮。最所心賞。歲丁卯。月東講疾。時巡撫公官廣西太平府知府。月東臨歿。語其子。持書抱研行萬里。至太平以贈。嗣後公官於四川十年。會皇師平金川。公激其事。常與研偕。歲壬寅。公有湖南巡撫之命。自四川入覲。予得謁公於陝西巡撫畢公之座。因屬爲歌。以紀其事云。卜卦研。隨忠臣。六十四卦反覆陳。早識宋運終唐中。橋亭邊。卜卦所。一片精家乾淨土。有時米書卜亦閒。讀易無聲飲泉苦。集賢銘後處士銘。六十八字贊元明。橋亭東西流水清。此研欲出鏗然驚。建陽城。視易米。得錢即揮得米喜。海潮聲。米易研。豐研如見昔賢面。雖云石一方。重乃抵璞玉。故人欲之心已諾。研得所歸方瞑目。嗚呼研兮。前身不從謝信州。後亦不殉程趙周。物經百劫後得主。光彩早歷天西頭。臣忠友信幾生死。抱研來還知孝子。攜經萬里越百川。研兮得完人足穿。君不見研今隨公不離側。軍中十年尤著績。飛符四調糧草。屢殺賊。三及六爻有時卜。一詠一吟隨所適。平生亦聞周月東。今不見研先交公。研修九寸一寸厚。聊成一卦卜研壽。書懸辭。作研贊。海水枯。石不爛。○清一統志。謝枋得墓。在江西廣信府弋陽縣南二十五里。玉亭鄉。先葬京師文明門外。其子定之。奉柩歸葬於此。○又云。謝文節祠有二。一在上饒縣疊山書院。一在弋陽縣東二里。祀宋謝枋得。又有顯忠祠。在貴溪縣東門內。亦祀枋得。配以部將張孝忠。○又云。謝疊山祠。在福建建寧府建陽縣南。朝天橋。○朝天橋。在建陽縣南門外。舊名灌錦南橋。宋紹興中建。橫跨南溪。石址木梁。覆水十二道。覆以屋七十二間。○又云。謝疊山祠有二。一在湖北興國州東。謝公墩。一在湖北通山縣。學宮內。○清德清俞樾乙甲編。謝文節祠詩云。首陽薇蕨老。高臥又先生。蟲臂身原寄。鴻毛死可輕。起兵虛覆義。賣卜學君平。南八何曾屈。泉天眼自明。滄海歸朝日。崖山致命秋。空亡三寸舌。莫挽五更愁。裏喪陳情上。書會却聘修。不因親尚在。朱鳥久同游。富貴留承旨。風流趙子昂。如何忘節義。知否有倫常。孝女碑三尺。孤臣淚萬行。山來名教重。何敢忝冠裳。冰霜無折挫。香火有因緣。碧血哀丘畔。青燈古佛前。○祠在憫忠寺後。墓碑仍署宋。廟說仍留燕。我到孤衣祠。靈風起肅然。○裏。表本字。官。古青字。攝。邱子切。音區。提也。禮記曲禮。

宋 魏易齋善卜。謝文節公贈詩有云。伯陽曾著易參同。奪盡陰陽造化功。白玉五城人可到。黃金一鼎道無窮。先生救世心良苦。後派多才命必通。魏本大名名易

顯。子明且爲筮江東。

宋 吳楚峯識相知人。與疊山先生極契合。嘗贈之以詩。世亂異人出。高者爲神仙。方術皆救世。可知愚與賢。喜君風鑒別。妙處不可傳。着眼看福人。要識太平年。

宋

楊南川精堪輿術。爲謝文節公枋得所最心折。其贈序曰。楊君南川。挾風水之

術。游富貴家。老而不倦。誦楊救貧所著三龍經極熟。聽者欣然。想其術之精也。富貴家用其術。不能去其貧。楊君不色怨。衝炎風。濡梅雨。杖筇竹。

筇。晉蒙竹名杖也。

行數百

里。鳴於人曰。吾術能使貧者富。賤者貴。憂患者逸樂。及遇富貴人家。又不合而去。何也。合不合。無益損於楊君。心勤而身困。藝精而道窮。世變使之然邪。楊君之命。固當然邪。嗟乎。古有負超世絕倫之才。懷回天入神之技。不爲當時所尙。徒有來世之名者。多矣。獨楊君乎哉。吾聞南唐范太史游浙東。三年不遇。露香請命于穹昊。吳晉儀。凡稱天曰昊天。願救貧民積善者十家。至今兩浙名公卿。數百年松楸鬱鬱。有佳氣者。皆范公所卜也。楊君亦能有范公之心乎。人不知之。天必知之。何憂乎不遇。

宋 宋相士、頗知名。弋陽疊山先生贈詩有云。墮甌看無益。乘軒計亦疎。忍貧吾自解。過論子姑徐。但得耆而艾。飽觀詩與書。時乎一盃酒。此外儘從渠。同上贈宋相士

宋 郭少仙、精相術。負盛名。謝先生枋得、以詩贈之。崇蘭生深林。澹泊一點芳。江梅倚修竹。醞藉萬斛香。氣骨抱金玉。精神貯冰霜。若以色見我。照紅還海棠。以上樂山集

清 汪楚真、弋陽人。精青烏術。與樂平華堯賓齊名。偶為樂平朱氏卜葬。云是地當起科名。惜脈氣降自奎婁。福恐不全。後子孫成進士。皆補官。遽卒。又嘗偶憩汪姓見其家窶甚。指一窪地為葬。約三年後。可酬我白金三百。聞者咸笑其誕。年餘。汪三獲藏窖。竟成巨富。光緒江西通志方技同治弋陽縣志方技

清 董友愈、字南仲。弋陽人。諸生。工相地。最有名。嘗曰。吾不恃其所知。以貪天工。亦不自欺其所不知。以速人禍。早喪偶。鰥居四十年。勤於所學。蕭然無俗累。光緒江西

通志  
方術

196 貴溪縣 唐刻餘干弋陽二縣地。置在貴溪口。因名。故址在江西貴溪縣治西一里。今名舊教場。元移今所。明清皆屬江西廣信府。

歷代卜人傳 卷十五 江西二

七

明 顧乃德字陵崗幼習儒業與李元谷共學李淳風遺術嫻天文精地理著有法  
微通書行世同治貴溪縣志方技

清

葛天申字仁山貴溪人乾隆壬戌進士河南原武知縣幼孤刻苦勤學十七八

時卽酷嗜形家書江右談青烏學者最衆天申以是皆拙工非拘則誕於是購地  
理書數十種涉獵紬繹者有年更窮覽疆域極攀躋跋涉之苦又有年歸而取簡  
編辨論異同者折衷之紕繆不經者芟除之又有年乃啞然笑曰吾學成矣既而  
出與講郭璞法師伎者遊法音尖海大騰湧貌則無有過之者客吳越間最久尙書彭芝庭

爲天申座主極重之獲籃曰舫

獲音輿也

琴酒相對偶爲指某壑當有若何塚其家

盛衰當若何使人驗之輒不爽吳人以是神之汪文端旣沒長子農部郎延禮四  
方墳輿家先爲其祖考贈公營葬畢天申故文端門下士千里往弔農部屬相贈  
公新塚天申蹴額曰弗遷將不利長孫君或當之聞者以爲妄於是爲文端指吉  
壤衆非之天申堅持不相下且爲言土中靈異衆詆之益甚窆日數十人將以相

窘及發土按之皆驗。衆愧服而去。明年農部果卒。天申資極高。文亦豪宕。坎珂宦途。旅食京華。繪長林小憩圖以見志。一時名公卿如金海住、王白齋、彭芸楣、張樂泉皆爲題跋。

同治廣信府志方技

清

姚典字訓亭。庠生。天才超越。多材藝。尤精於醫。善推拿法。嘗有小兒瀕死。置諸

地。適典自外歸。爲之推拿。卽活。又有受重濕者。令坐地上。圍之以火。汗出不藥而愈。著有推拿祕訣及風鑑演禽奇門六壬等書。兵燹後皆失其稿。識者莫不惜之。

清 周明五字惇庸。號典菴。習儒業。尤究心形家。言於景純。葬經及楊曾廖賴諸書。無不旁窺博覽。而窮其奧。挾術遊覽名山大川。爲人營葬。卜宅。決休咎。多驗。所至人爭延致。著有增補理氣圖說四卷。饒州太守南部曲公阜昌前宰。薊溪時深知明五。精於青烏說。見其書以爲可以按圖參稽。選吉以安兆域。擇向以定宅居。便於世之通曉文義無力延師者。爲之序初。勸其梓以行之。

以上同治貴溪縣志方技

197 廣豐縣

隋爲弋陽縣地。唐置永豐縣。雍正九年改名廣豐。屬江西廣信府。

清 傅源溶字鶴年。廣豐人。諸生。善相地。嘗移廣豐學宮。功既成。人文蔚起。光緒江西通志方術

清 胡必齡號應千。讀書未售。習青烏經。羣伯銘修文廟。令七邑撰課。皆未安。後令

齡撰覽曰。此真吉課也。至今羣文廟。鐫石勒名。辛巳歲凶。曾某朱某。貧將鬻妻。齡

特棄產以濟。完其婚。及卒。兩姓率妻子哭其家。在鄉黨多排難解紛焉。光緒廣豐縣志方技

198 興安縣明析上饒弋陽貴溪三縣地置。屬江西廣信府。清因之。民國改曰橫峯。即今江西橫峯縣治。

清 劉蹈仁名叔榮。好遊能占旺氣術。專堪輿家。不純用曾楊法。每占人家氣數。知

其後將興者爲卜。否則與之錢必却。時人謂占旺氣皆驗。同治興安縣志方技

199 廬陵縣漢置廬陵縣。三國吳改置高昌縣。故城在今江西吉安縣南。隋改石陽爲廬陵。故城在今江西吉水縣東。唐始移今吉安縣治。明清皆爲江西吉安府治。民國改爲吉安縣。境內多佳山水。學士大夫好

稱之。宋歐陽修生長於此。

吳 劉惇字子仁。平原人。遭亂。避地客遊廬陵。事孫輔。以明天官。達占數。顯於南土。

每有水旱寇賊。皆先時處期。無不中者。輔異焉。以爲軍師。軍中咸敬事之。號曰神

明。建安中。孫權在豫章。時有星變。以問惇。惇曰。災在丹陽。權曰。何如。曰。客勝主人。

到某日當得聞。是時邊鴻作亂。卒如惇言。惇於諸術皆善。尤明太乙。皆能推演其事。窮盡要妙。著書百餘篇。名儒刁玄稱以爲奇。惇亦寶愛其術。不以告人。故世莫得而明也。三國吳志光緒江西通志寓賢

唐南

宋齊邱。字超回。改字子嵩。廬陵人。初以布衣事李昇。官至尙書。李璟嗣立。以太傅領劍南節度使。封楚國公。齊丘生五季。俶擾之世。以權譎自喜。尤好術數。凡挾象緯青烏姑布壬遁之術。居門下者常數十輩。皆厚以資之。著有玉管照神局三卷。是書專論相術大旨。以形狀立論。頗爲精晰。而所取各書尤多。世所未覩。四庫提要子部

術數  
類二

宋

顧涇。廬陵人。精星相。善堪輿。真文忠公德秀贈序有云。廬陵顧君涇。遂於陰陽五行之學。以之占天則神。以之相地則不苟。凡今之以術名者。未有能過之者也。予乙酉趨朝。遇之於衢。顧君見謂曰。公之此行。不滿百日。當歸。繼而果然。蓋其驗如此。非神而能知乎。後四年。謁予粵山之下。相與論考卜岡阜之法。終日灑灑不



窮。又知其非苟於求售者也。予老矣。方將從君求藏骨之地。屬其有東浙之役。故書此遺之。且堅其再至之約云。真文忠公文集

宋 許季升善談星命。樂道安貧。楊文節公贈詩有云。許子儒冠怨誤身。如今投筆

說星辰。未須道我何時貴。且道何時子脫貧。連珠合璧轉璇霄。也被星家不見饒。

災曜元來怯禱杓。禱杓音壽。禱杓。頑凶無傷匹之說。福星不是背簞瓢。誠齋集送談星辰許季升

宋 劉生直言談命。人皆敬之。學士楊公贈其詩云。學兵先學策。談命先談格。君看

前輩富貴人。豈與寒士校日辰。星家者流有劉子。進人退人若翻水。談何容易驗

他年。却是直言差可喜。同上送劉生談命

宋 高元善學究建平。名符管輅。楊誠齋先生萬里嘗與之談天。並攜諸公子請其

品評。特贈以詩。選官選佛兩悠悠。元不關人浪自愁。洙泗生涯久春草。老夫作麼

晚回頭。穉子煩君一一看。丁寧莫道好求官。老來正要團樂坐。伴我秋風把釣竿。

廬陵楊誠齋集  
送相士高元善

宋 楊山人善相法。精地理。文節公贈以詩云。相人何似相山難。慚愧渠儂眼不寒。

木末涼風無半點。如何又欲跨歸鞍。

誠齋集送楊山人善談相及地理

宋 王無咎善邵康節皇極數。楊學士贈詩有云。安樂窩中書一編。君從何許得真傳。我無杜曲桑麻在。也道此生休問天。識盡江淮諸貴人。歸來盧水一番新。問渠

福將今誰子。容我昇平作偉民。

楊誠齋集送王無咎善皇極數

宋 曾南翔善談命相。名播遐邇。楊學士贈之詩云。官職牽人也可憐。老來那更問行年。渠儂解事無它語。道我慈親壽八千。今年見說也無錐。政坐談天泄密機。舉世近來憎直語。貴人剩許未爲癡。富貴眞成一聚塵。饑寒選得萬年名。心知那有揚州鶴。更問儂當作麼生。拋了儒書讀相書。却將冷眼看諸儒。曾生肯伴誠齋否。共箇漁舟入五湖。

同上送曾南翔談命又贈曾相士

宋 黃景文字煥甫。乃祖續風水名術也。予里大家祖地。多出其手。而煥甫以術世其家。前十三四年。予嘗以詩送之。又數年。覺煥甫小異。亟取詩更其辭。而實未深

知煥甫也。煥甫遊從日以祕。講辨日以多。今也而後探其胸中之所存。果有大異乎。時人者。噫。知煥甫晚矣。煥甫嘗與予上下阡隴。凡予動心駭目。以爲奇詭雄特。輒掉頭不謂然。至淡然平夷。漫不起人意。往往稱不容口。予始甚訝之。久而服其爲名言也。大概煥甫之術。以爲崇岡復嶺。則傷於急。平原曠野。則病於散。觀其變化。審其融結。意則取其靜。勢則收其和。地在是矣。舍是而求地。亦固有之。而非煥甫之所謂地也。山人之獻地者。日至吾門。予使煥甫往觀。常不滿一笑。煥甫曠數年。始獻一地。所獻真如其說。予爲山人所欺者多矣。若煥甫真不欺我者。惜也。煥甫汲汲黼口。以奔走於四方。以予之近且久。幾不相知。卒然使人一見。使人愛其術而不疑。斯亦難矣。予嘗謂能爲煥甫百指計。使煥甫安居一年。必能時發天地之藏。以使得予欣然而不厭。予方煮石山中。計必不能及此。姑遂其說。庶幾有因予而信煥甫。煥甫必能出所學。以報所知。是楚人亡弓。楚人得之。予又何幸焉。

元 郭榮壽、廬陵人。善風鑑。又喜談地理。吳文正公澄嘗作序贈之。謂相地相人。漢志并屬形法家。後之人各專其一。遂析爲二術。若榮壽庶乎二術而一之者。同治廬陵縣志

技方

明

周騎龍、廬陵人。成化間以善談祿命著名。豫章尤精範圍數。御史趙敵按江右

敵音語樂器名

威望甚著。及瓜代當還朝。騎龍曰不然。行有西北之調。敵頗疑之。未幾調

晉臬。敵問之。騎龍曰。公元數一六六四。會數一七四。數有從臣清要捧天書。烏臺青瑣遷藩臬之句。何可逃也。敵始服其術。因求範圍歌訣爲之序而梓之。以廣其

傳。光緒江西通志方術

200

宜春縣

漢置。後爲侯邑。晉太康初以太后諱春。改爲宜陽縣。隋仍改爲宜春。明清皆屬江西袁州府治。

唐南

何溥字會通。宜春人。夫資穎異。習形家言。元宗聞其賢。累詔起之。擢國子祭酒。

保太中。鄒廷翊相皇陵於牛頭山。溥言不利。極表諫諍。忤旨。謫休寧令。溥至邑。卽改縣基於吳王墓後。倚松蘿山前。名真武下壇形。未幾。卜地縣東南隅居焉。舍前

削石按太極八卦諸圖。茂林修竹。時時披襟嘯傲其間。後主時復徵不起。隱芙蓉山。削髮爲頭陀。雖假迹禪門。絕不譚釋語。每誦道德經。必歎曰。眞聖人也。孔子豈欺我哉。由是專修長生煉化之術。更名慕眞。所著論氣正訣。靈城精義。地理元機。今名鐵彈子傳世。

四庫提要子部術數類二光緒江西通志方術同治宜春縣志方技

清

柳棲霞善相。嘗過防里。時歐陽予石幼從叔欽。讀書家塾。霞相欽謂六十後必發。欽曰。君見我龍鍾。擲揄我乎。已而予石至。霞目視之。語欽曰。此子功名過先生遠矣。予石後果少年成進士。歷官臺閣。欽年七十。中辛巳會試。悉符其言。

同治袁州府志方技

201 泰和縣

漢廬陵縣地。三國吳置西昌。隋改曰泰和。唐曰太和。元升爲太和州。明初復爲縣。改太和曰泰和。屬江西吉安府。清因之。

明

尹直字正言。泰和人。景泰甲戌進士。成化中積官兵部尙書。正德中卒。諡文和。直明敏博學。練習朝章。著蹇齋瑣綴錄。載成化甲午秋八月二十六日戊申。予計江西鄉試。當以是日揭曉。第未審嘉言弟中否。因命卜者占之。初內卦得離。九三白虎發。竊意五爻坐青龍。若再發則是龍虎榜動。有中之兆。至是爻果發。蓋外卦

得坤。明夷卦也。二爻發者，皆兄弟。海底眼云：兄弟雷同難上榜。卜者囁嚅不敢決。予曰：予意已卜之。蓋予以兄問弟，兄弟發者，弟當動而來。況在龍虎爻。龍虎榜動也。一中何疑。予卽批卦揭諸壁以俟。九月晦，小錄至京。嘉言果有名矣。然則占書豈可泥哉。

明史本傳  
齋瑣錄

明 劉子羽，精堪輿術。每爲人作穴，預言輿廢歲時，無不應者。嘗爲南坑蕭氏遷虎額穴，云：葬時當有虎鳴。及葬，山鳴如虎。其後少師諸公科第官祿繼起。蕭氏祀其主於祖祠右。

明 羅道傳，邑人。號羅浮老翁。精星命術。尹昌隆嘗贈之歌曰：羅浮老翁人不識，星斗包涵滿胸臆。獨騎孤鶴過山東，笑指梅花吹鐵笛。又曰：老翁真是人間仙。談天有口如河懸。圖成不用青蚨錢。但覓琳琅金薤篇。

以上同治泰和縣志方技

202

吉水縣 南唐析廬陵置，元升爲州，明復爲縣，屬江西吉安府，清因之。

宋 蕭巽齋，知命善卜。文信國公天祥贈詩有云：未有大撓書。先有伏羲易。古人尙

卜筮。今人信命術。八卦與五行。皆自河圖出。易中原有命道。一萬事畢。卦義六十

四。蕭君得其一。江湖旅瑣瑣。談命以巽人。巽與通通。卑順也。人情愛委曲。喉舌嫌棘棘。棘。念

言言依忠孝。君平意未失。我生獨骯髒。動取無妄疾。是有命流行。雖隕復誰訕。安

能從兒女。朝夕談呢呢。若卦有人買。不妨君賣直。文信國公集

宋 朱元炳。字斗南。號月窗。吉水文昌鄉人。拔起田間。談星命。多奇中。盡得白願山

人祕傳書一卷。其法專以十干十二支五行二十七字。旁施午豎。錯綜交互。論其

屈伸。刑衝六害。察其變動。生旺官印。空而爲衰。敗死絕破。衰敗死絕破而爲生旺

官印。祿馬不害爲貧賤。孤劫未嘗不富貴。盈虛消息。觀其所歸。和平者爲福。反是

爲禍而已。文信國公集。曆談命朱斗南序。同治吉水縣志方技。○文信國公。又贈朱斗南序云。甲己之年。生月

丙寅。甲己之日。生時甲子。以六十位類推之。其數極於七百二十而盡。以七百二十之年月。加七

百二十之日時。則命之四柱。其數極於五十一萬八千四百。而無以復加矣。考天下盛時。凡州主客戶。有至千四

五百萬。或千七八百萬。而荒服之外不與焉。天地之間。生人之數。殆未可量也。生人之數如此。而其所得四柱者

。皆不能越於五十一萬八千四百之外。今人鬮卷間。固有四柱皆同。而禍福全不相似者。以耳目所接推之。常有

一二。則耳目之所不接者。安知其非千非百。而命亦難乎斷矣。且夫五十一萬八千四百之數。散在百二十期中。

人生固以百歲爲率。是百歲內生人。其所受命。止當六分之四有奇。則命愈加少。而其難斷亦可知矣。嘗思之。

宇宙民物之衆。謂一日止於生十二人。豈不厚歟。而星辰之向背。日月之遠近。東西南北。天地之氣所受。各有淺

深。則命之布於十二時者。不害其同。而吉凶壽夭變化交錯。正自不等。譬之生物。松。一類也。竹。一本也。或千焉。或萬焉。同時而受氣也。然其後榮者枯者。長者短者。曲者直者。披斧斤者。歷落而傲歲年者。其所遭遇。了然不侔。夫命之同有矣。而其所到。豈必盡同者。然則參天地之運。關盛衰之數。此其間氣。或數百年。或百年。或數十年。而後一大發洩。必非常人所得與者。於五十餘萬造化之中。不知幾何。可以當此。而天地實之非常出。鬼神祕之。不使世人可測知也。嗚呼。論至此。則命書可廢也耶。因書于歐陽先生贈月窟說後。

宋

黃璘字翠微。吉水人。善堪輿。文信國公贈以序曰。黃璘吾鄰人。得祖父風水之

學。問與之登山。鋪張造化。口角瀾翻。亦可愛。吾館人議以翠微名之。翠微山之腰。蒼蒼鬱鬱之象。山人所得稱。抑微乎微哉。地理書所謂隱隱隆隆。吉在其中。此則蠱心者所不能得。此彷彿黃生齒新而意銳。更下入細工夫。以庶幾吾所謂微者。

文山全集贈黃璘翠微序

宋

彭叔英著談命錄。一書。文信國公跋云。命者令也。天下之事。至於不得不然。若

天實使我爲之。此之謂令。而自然之命也。自古忠臣志士。立大功業於當世。往往適相解后。而計其平生。有非夢想所及。蓋不幸而國有大災大患。不容不出身扞禦。天實驅之。而非夫人之所欲爲也。當天下無事。仕於是時者。不見兵端。豈非命



之至順。蓋至於不得已而用兵。犯危涉險。以身當之。則命之參差。爲可閔矣。士大夫喜言兵。非也。諱言兵。亦非也。如以爲諱。則均是臣子也。彼有王事鞅掌。不遑啓居。至於殺身而不避。果是何辜。吾獨何爲而取其便。如以爲喜。則是以功業爲可願。鯁鯁然。利天下乖有變。是誠何心哉。是故士大夫不當以爲諱。亦不當以爲喜。委質於君。惟君命所使。君命卽天命。惟無所苟而已。星翁曆家之說。以金火羅計。字皆爲主兵之象。遇之者卽以功業許人。十一曜之行於天。無日無有。無時不然。人物之生。亦無一日可息。事適相值者。亦時而有之也。治亂本於世道。而功業之顯晦。關於人之一身。審如其說。則人之一身。常足爲世道之軒輊。軒音掀。車前高曰軒。輊音習。車後低。有是理哉。聖賢所謂知命。俟命。致命。皆指天理之當然者而言。是故非甘石所曉。彭叔英儒者也。而星翁曆家之說。尙不免膠固。歐陽巽齋先生。旣具爲之辨。予復備論之。叔英持以復於先生。

宋 曹子政。吉水人。賣卜於市。自號江西劍客。文信國公。贈其序云。江西劍客。吾鄉

曹子政、算命標榜也。予曰：子卜也。而取劍何居？曰：世人賣卜，事詔媚，捐苦口，皇皇於一食之末。予恨其道之不直也。如是而福，如是而禍，一無所回護。故予剛者之爲也。予言必剛者而後能聽。劍是以得名。予曰：噫嘻！昔人有學字觀公孫大娘舞劍而神，劍無與於字，而迴朔赴仆之間，乃足以相發。今子雖爲卜，而有取於劍之剛者，亦詎曰不宜哉？或曰：然則是腹劍也。予曰：惡！子政豈口如蜜者耶？或人語塞，因書以遺之。

文山全集贈曹子政劍客序

宋

林碧鑑、善風鑑。文文山先生贈詩有云：咸陽宮中四尺鏡，照人五臟何爛爛。桑

田滄海千餘年，白鍊依然化爲鑛。君從何處得此物，鑄就雙瞳敵秋月。向未照心今照形，不事瀾翻三寸舌。遠衝風雪肯我過，看來猶未深知我。我方篋笠立釣磯，萬事浮雲都勘破。噫嘻！只今神目鬼眼分道途，暗中許負應慮胡。試問何如林家老碧鑑，不知天津橋上復有龍鍾無。

文山全集贈林碧鑑相士

宋

劉忠樸、精陰陽術數，識善惡忠奸。文信國公嘗與之接談，爲詩贈之云：楹何爲

折劍何借。鬚肯爲拂。冀肯嘗。馬公布袋王公飯。石家錦障丁家香。忠邪佞邪兩無定。一瑀一璞異其性。瑀晉刁治玉也。忠樸先生躋法高。古今四者豈關命。五九四餘能善

惡。鐵算不是并州錯。便從忠樸問如今。忠果誰忠樸誰樸。文山全集附劉忠樸

宋

曾正德字一軒。探討陰陽。精研星命。文山先生嘗贊美之。贈詩有云。磨蝎之宮

星見斗。簸之揚之箕有口。昌黎安身坡立命。謗毀平生無不有。我有斗度限所經。適然天尾來臨丑。雖非終身事干涉。一年具錦紛雜糅。吾家祿書成巨編。往往日者迷幾先。惟有一軒曾正德。其說已在五年前。陰陽造化蕩晝夜。世間利鈍非偶然。未來不必更臆度。我自存我謂之天。文山全集附曾一軒

宋

李一壺賣卜文水。座客盈庭。觀文信國公之贈詩。可以覘其旨趣矣。汝南市人

眼。壺小天地大。誰知賣藥翁。壺寬天地隘。李君血肉身。大化中一芥。天度三百餘。滿腔粲著蔡。仙翁以過。適長房以術。敗造化多漏泄。鬼神爭訝恠。君歸視斯壺。口匏深覆蓋。得錢且沽酒。日晚便罷賣。文山全集附一壺李日者

宋 龔豫軒善數術。決猶疑。文山先生曾贈以五古一章。挾筴考休咎。巫甘邁何追。君亦布靈草。乃復探其微。載觀河洛書。今也休明時。天高鳳鳥翔。擊拊邀以嬉。文山

全集贈龔  
豫軒數術

宋 彭神機直言談命。樂道安貧。文信國公會詩以勉之。挽強三石徒碌碌。學到穿楊精藝熟。百發百中無虛弦。百中一跌前功辱。彭君絕識透黃間。不師逢羿師珞珠。天度三百六十強。一算不容失正鵠。吾聞天機難語人。往來了了拈衆鐵。君姑

藏用凝於神。矢口莫輕談禍福。文山全集  
贈彭神機

宋 葉大明賣卜市廛。頗負時譽。文山先生素相識之。其贈詩有云。大明標榜葉氏子。自稱後村門下士。誤言木吉。李爲災。後村曾發一笑來。其師流傳說如此。寧知禍福乃不爾。犀腰貂首徒勞人。甘藜藜藿無苦辛。我生有命殊六六。木字循環相起伏。袖中莫出將相圖。盡洗舊學讀吾書。同上贈  
葉大明

宋 彭別峯精太極數。文山先生曾贈以詩。手把先天已後書。當來一畫得全無。白

雲山下冷冷水。自在人間太極圖。

文山全集附影  
別峯太極數

宋 黃生善銀河數。文信國公贈以詩云。乘槎人從天上來。天上知有君平術。黃生

能談君平書。不知曾認支機石。

同上贈黃  
生銀河數

宋 葉秋月相人有法。出言尤奇。文信國公會以六言詩送之。急流勇退神仙。跛蹙

龍鍾將相。借問華山山中。何似天津橋上。

同上贈秋  
月葉相士

宋 魏山人精堪輿之學。文信國公會邀其相宅相墓。賦詩贈之云。君不見而家直

臣犯天怒。身死未寒碑已仆。又不見而家處士承天渥。閉門水竹以自樂。雲仍妙

參曾楊訣。謂予地宅誰優劣。小煩穩作子午針。靈於已則靈於人。

同上贈  
山人

宋 廖希說字老菴。善觀風水。不憚煩勞。雖年登耄耋而健步如飛。文文山先生之

贈詩。真堪爲希說寫照。短屐平生幾兩穿。錦囊真得當家傳。山中老去稱菴主。天

上將來說地仙。面皺不妨筋骨健。舌存何必齒牙全。金精深處苔堪飯。更住人間

八百年。

同上贈老  
菴廖希說

宋 蕭才夫，字人鑑。善談命。歲單闕。才夫過予。以予命推之。言頗悉。是秋迄次年。予

所遭。無有不與其言相符。噫。人鑑其神已。爲之辭曰。眇陰陽之大化兮。布濩垓埏。竊  
出王游衍之度思兮。曾淺淺乎爲天。自青紫食窮經之心兮。怪詭乘之而相擬。竊  
掠五緯之膚兮。誑其愚以自賢。方疾其拂耳騷心兮。羌作炳於眇綿。將事實與行  
會兮。抑抉幽而鈎玄。予將窺前靈之逸跡兮。就有道而正焉。文信國公集圖書集  
成星命部名流列傳

宋 楊叔方，吉水人。博通經史天文。歷數尤極研精。著五經辨歷法五行論。在太學

與諸生上書。斥賈似道之奸。四方學者爭造其門。以經學授清江范德機。以歷法  
授寧都習吉翁。光緒江西  
通志方術

明 陽允貞，吉水人。精易卜。成化末。其縣有商人將貿易蜀中。求卜於允貞。允貞曰。  
是行也。遇不測之險。獲無窮之利。商人素熟西南諸夷。囊中有利劍。以藥淬之。佩  
以自衛。所經蜀中一山。多豐蛇猛獸。百二十餘里。無居民。行且半。見一巨象伏大  
樹下。若有所甚畏者。遙窺之。樹上有巨蟒。張口吐舌。舌長數尺。將下吞象。商人懼

甚。自度進退無所據。乃挺劍直走樹下。仰斫蟒數刀。急趨避之。蟒初若不知。須臾聞有聲。若山摧谷應。林木皆震。心喪力殫。頽然倚石。顧盼間。則蟒舍象來逐。僅隔數十步。藥發而斃。良久。又見象來漸近。商人計莫能脫。遙指叱象曰。汝隗巨蟒。吾脫汝蟒口。而顧困我耶。象進伏商人前。雙淚迸落。若有叩謝之狀。商人會其意。坐象背上。象卽走山谷中。以鼻掘地。有蛻牙無算。商人盡取以歸。遂成富翁。明楊儀高坡異錄

明

劉伯完。字觀靜。吉水人。洪武初。舉茂才。通占卜課候術數之學。里中何監正。奇其技。薦於御史臺。劉連。值朝廷雅重天文諸儒。詔授陰陽學正。歷欽天監。兼回回監副。迨靖難兵起。遂變姓名遠遁。後不知其所終。光緒江西通志方術

203

永豐縣。宋析吉水縣置。明清皆屬江西吉安府。

明

郭修翰。永豐人。父益懋。爲諸生。僑寓惠州興寧。生修翰。讀易讀史。手不釋卷。母盲廢。自謂採給行備。吾不如江次翁。遂窮天文七政諸書。賣卜於市。得錢供母。星學名一時。自知死期。卒年六旬有六。光緒江西通志方術

清 聶湘吟，字旣庭。雙溪人。邑庠生。工詩。尤精卜筮。乾隆己酉鄉試。占本邑中式事。爻象四金發動。判云。今年欲悉登科事。不是金鐘便是劉。是科獲中者。閩溪鍾貽鑾。湖頭金世鑾。二人名姓。果符四金之象。

清 戴溶，字禹刊。洄溪人。邑庠生。幼好學。博覽羣書。凡遁甲六壬卜。著諸方伎。靡不研究。斷事多奇驗。

清 宋兆瑛，吉江人。歲貢生。耽醫卜。星相之書。尤精堪輿。斷陰陽宅。悉本河洛。而參以卦象。靡不奇驗。名播吉臨南撫間。延請無虛日。惜抱疾癯疾。不能遍赴。年五十八卒。

清 黃鼎偉，字嗣英。下莊人。精形家術。廬眉修軀。氣溫語直。所學一出於正。客贛州。桐城張曾敞聞其賢。乞盧明楷作書。走贛延請。主於其家。三年而歸。曾敞作序送之。其弟曾敷曾放。敷音典。主也。放音班。分也。亦贈以詩。以上同治永豐縣志方技

204 安福縣

漢置安平縣。又置安成縣。後漢改安平曰平都。晉改安成曰安復縣。隋改平都曰安成。省安復入之。又改安成曰安復。唐改曰安福。元升爲州。明仍爲縣。屬江西吉安府。清因之。



宋 彭仲元、安福人。得星禽之術。善占候風雲。太平興國初。郡守王延範。署爲防城。

溫仲舒、向敏中、倅廬陵。倅。取內切。廬。關。廟也。今佐武官曰丞倅。仲元言其當大貴。不數年。二人果登輔相。

大中祥符中。詔入署北御園指揮。使言國家事。頗奇中。光緒江西通志方術同治安福縣志方技

宋 劉元賓。連舉於鄉。任潭州司理。通陰陽醫藥術。數真宗試之。驗。賜名通真子。所

著有集正歷。橫天卦圖。神巧萬金方注解。叔和脈訣。傷寒論。洞天鍼灸經。光緒江西通志方術

宋 劉德昇。遇異人。授大衍數。能於掌中知未來事。王瀘溪嘗贈以文。光緒江西通志方術

元 潘碧山、安城人。安城。在今安福縣東南。善風鑑。傳與礪贈以詩。有直言往往驚四座。乃使世

人畏其口七句。光緒江西通志方術

明 劉子遠。明初。以易數爲胡惟庸所知。薦授欽天監正。辭不就。賜宴光祿。給第宅。

日承召問。知胡必敗。託疾歸。

明 弗需山人。姓周。精星緯之學。適大比。羣聚決科。弗需曰。某當前茅。某當中權。某

當後勁。皆驗。崇禎癸未。遊揚州。有舉子湯某問科第。弗需語以二月不第八月第。

是年改試八月。湯果第。

明 鄭寅，善星術。榮府長史王選與趙璜同里。每談命。寅謂趙必失官。王曰：旦夕若殊擢。汝百中經當燒。寅請以經爲質。趙隨轉順天府丞。王遣僕索經。寅曰：留此且待。未數日，卽有拿問之事。王奇之。寅又賀曰：曰四五年。後趙當擁高車。王乃追錢述寅言慰之。後璜果累官至尙書。

清 王鑑，少孤。事孀母。色養備至。通易數。卜無不驗。足跡不履城市。邑令程先鄂廉其賢。造門一見，亦不復謝。有卜事應之而已。年七十五始舉一子。壽八十一終。以上

同治安縣志方技

205

龍泉縣 五代時楊吳立龍泉場。南唐升爲縣。宋改曰泉江。尋復曰龍泉。明清皆屬江西吉安府。民國改曰遂川縣。

唐南

鄢景翼，字澹寧。龍泉人。留心陰陽術數之學。與贛州曾文迪、劉江東俱師事楊

筠松。得其青囊天府之祕。世稱鄢地仙。開縣武陵瀧要道。瀧，音澗。奔瀧也。有鄢公巖并廟祀。

宋 江心傳，名賜，龍泉人。世號神目，善術數。地學尤精，風鑑性豪邁嗜酒，文天祥因

忤賈似道歸寓妹壻孫棗家。

棗，古栗字，見玉篇。

心傳一見奇之，曰：骨秀神清，大貴人也。當

爲一代柱石。天祥贈以詩云：道茂數遁甲，長房得役鬼。風鑑麻衣仙，地理青烏子。

擇術患不精，精義本無二。奇哉夢筆生，熊魚掩前氏。

以上光緒吉安府志方技

206 萬安縣

漢贛陵縣地，晉改遂興，隋省，唐置萬安鎮，宋升爲縣，明清皆屬江西吉安府。

清 衷化遠，萬安人。康熙甲寅，負母避寇，匿山谷中，與弟相失，出覓弟，得之歸而失

其母。化遠大慟，託醫卜走四方。凡十年，得母於郴州。

郴，丑森切，音琛，地名，今屬湖南。奉以歸。光緒江西通志方術

清 曾震，湖洲人。附貢，讀書明易理，善卜，尤精岐黃，且好善，常備藥濟人，著有雜病

歌、痧證論、行世。

同治萬安縣志方技

207 永新縣

三國吳置，隋廢，故城在今江西永新縣西三十五里，唐復置，尋廢，後又別置縣於禾山東南六十七里，卽今治也。元升爲州，明復爲縣，屬江西吉安府，清因之。

清 陳宗祿，字在中，永新人。博極羣書，尤邃於易。明末，撲著得漸之上九，遂一意隱

遯，以裁成後學爲己任。學者稱文節先生。

光緒江西通志方術

清 湯第，字眉山。幼嗜學。旁及天官地理。岐黃歷律等書。才略優長。而性耽泉石。書

法絕似鍾王。學者珍之。

同治永新縣志隱逸

清 劉世衢，字何甫。永新人。著有洪範皇極補六卷。是書成於康熙甲子。以蔡沈洪

範數爲未竟之書。謝無楸之註釋。亦未詳備。因補圖數釋二篇。序數釋三篇。對數

釋一篇。所闕註釋。一一補之。凡書中低其格者。皆世衢所續也。

四庫提要子部術數類存目

208 蓮花廳

明安福永興二縣地。清乾隆八年。析置蓮花廳。屬江西吉安府。民國改縣。

元 劉景儒，字士修。興西鄉第十一都人。精星術。得子平真諦。斷決多奇。中士大夫

重之。至有命非景儒不談之語。惜後人無有繼其業者。

清 寧榜高，字君起。性醇謹。素嗜學。曾從異人授祕府書。精天文。諳勾股律歷。嘗觀

星象。作提規渾儀圖。推測屢有奇驗。其決湘城之陷。庚寅之變。又事之發於機先

者。年六十九卒。

以上道光蓮花廳志方技

209 清江縣

漢新淦縣地。南唐始置清江縣。明清皆爲江西臨江府治。

元 鄒子震，號雲隱。父伯恭，爲衛軍百戶。子震，獨慕高尚，好遨遊山水間。於榮利漠然，不以動其中。洞究陰陽形家諸書，間爲人相墳壟卜第宅。於吉凶休咎，灼乎如鑑之明。卓乎如臬之定日影。臬音孽，法也。不可以移易。梁寅稱其恬於勢利，妙於術而

非拘拘於術者。同治清江縣志方校

元 張理，字仲純，清江人。延祐中，官福建儒學提舉。撰易象圖說，內篇三卷，外篇三卷。內篇凡三，曰本圖書，曰原卦畫，曰明著策。外篇亦三，曰象數，曰卦爻，曰度數。其於元會運世之升降，歲時寒暑之進退，日月行度之盈縮，以及治亂之所以倚伏，理欲之所以消長，先王制禮作樂，畫井封疆，一切推本於圖書。蓋與張行成易通變相類，皆皇極經世之支流也。四庫子部術數類一

清 金士升，字初允，少從楊廷麟遊。有志靖亂，麟死節，後遂棄諸生，簪冠道服。以下

筴隱所著有周易內外傳史略。學者稱陽溪先生。同治臨江府志隱逸

210 新喻縣 三國吳置，故城在今江西新喻縣南。唐遷今治。明清皆屬江西臨江府。按唐書地理志：新喻本作諭。天寶後相承作喻。元和志本因渝水爲名。今曰新喻，因聲變也。

宋 蕭注，字巖夫。新喻人。能相人。熙寧初，以禮賓使知寧州。自陝西還，帝問注。韓絳爲安撫使，施設何如？對曰：廟算深遠，臣不能窺。然知絳當位極將相，帝喜曰：果如卿言，絳必成功。問王安石，曰：安石牛目虎顧，視物如射，意行直前，敢當天下大事。然不如絳得和氣爲多。惟氣和能養萬物爾。王詔爲建昌參軍，注曰：君他日類孫沔。沔，音緬，姓訓，水名，流滿也。但壽不及，後皆如其言。宋史本傳

211

峽江縣隋唐新淦縣地，明初置峽江縣司，後升爲縣，屬江西臨江府，清因之。

明 黃一鳳，字時鳴，峽江人。萬歷庚戌進士。以術家通書，多改竄古人成法，以致選擇謬誤。因取楊救貧造命千金歌爲主，而以吳景鸞、郭景純、曾文迪諸說參考成書。撰選擇集要六卷，詞意簡明，頗爲得法。前有一鳳序。清雍正中，余朝相爲之重刊，並附其所作齊安堂辨疑及續補於末。四庫提要子部術數類存目二

212

分宜縣宋析宜春置，以分自宜春，故名，明清皆屬江西袁州府。

明 夏洞源，分宜庠生。素精占卜。萬歷丁酉，司寇張公承詔，字寅賓，與其族吉字冲

吾三人同應鄉試。洞源各贈一錦囊。囑以場後開視。其卜司寇詞云。寅賓至秋。鹿鳴呦呦。滕王風送。名播九州。是科果中鄉試。吉宇詞云。吉宇公。吉宇公。土難結爲凶。收利器。再屠龍。庚子一枝江。後至庚子。膺拔貢。冲吾詞云。冲吾冲吾。運好星。墓三場已畢。幾乎幾乎。是年中副車第一。語俱奇驗。同治袁州府志方技

213

萬載縣

漢建武縣地。三國吳置萬載縣。唐省。五代南唐置萬載縣。宋改曰建辰。尋復曰萬載。明清皆屬江西袁州府。縣境產學布。幅廣絲圓。堅耐耐用。俗稱萬載夏布。江宜之寧都宜黃。皆產夏布。然不如

萬載之有名。

清

李光歲

歲音成。屋所寄受也。

字晉之。萬載人。性端重。敦孝友。精堪輿。嘗曰。形家執理氣說。

徒亂人意。造化之大。安能以徑寸法求之哉。隨父榮階。宦遊湘湖滇黔。及金齒蒼

山。洱海皆遍。

洱音耳。木名。在雲南大理府城東。

頗得山川融結大概。平時論說滔滔。及與人卜宅兆。矜

持慎重。從不輕洩。

同治袁州府志方技

清

喻鶴松。字鳴皋。藏溪人。少孤貧。兄課之讀書。晝夜不輟。兼通醫卜星命家言。既

長。貧益甚。無以養。因專於醫。活人無慮數百。所酬資。儲半以供母。嘗有急需。筒中

尙餘錢若干。不敢用。典衣以應。終母之世不少變。乾隆年間。縣舉醫學。衆推之。受冠帶。卒後辛紹業爲之傳。同治萬載縣志方技

214 高安縣

漢建城縣。唐改曰高安。明清皆爲江西瑞州府治。

宋

無名相士。精風鑑。筠州太守聞之。

筠州。即今高安縣治。

爲徧召賓僚試其術。時曹利用爲巡

檢。同王務本在座。相者言利用後當極貴。坐客皆笑。復問務本何時登第。曰。須巡檢入兩府時耳。客皆曰。烏有是。後利用以使契丹有功。爲閣門使。十年間。列位樞府。而務本適登第。後爲海州推官。光緒江西通志方術

明

鄧詳甫。高安隱士也。嘗遇異人。授象緯。韜鈴之祕。避世不仕。劉基來承高安詳。

甫。見而奇之。基與遊。盡得其蘊。論者比之圯上老人。

光緒江西通志方術

明

喻有功。字若無。又字混初。高安人。撰周易懸鏡十卷。專言軌策之數。大旨以皇

極。經世爲宗。而雜及占卜之法。末纂左氏傳。繇象。並郭氏洞林。皆主占驗之學者

也。四庫子部術數類存目二



清 何識定，字靜先，號覺齋。伍橋人。中雍正丙午副車。以先人窀穸未卜，日求葬地。

遂精堪輿，著有高安山引形勢圖說。

同治高安縣志方技

清 鄧筠山，高安人。叔象先，真元觀道士。贛人某病於觀，不能起。筠山來省其叔，善

視之，某病愈。授以形家術，能視地於五尺以下，辨其質色。

光緒江西通志方術

215 上高縣，後漢置上蔡縣，晉改望蔡，南唐改置上高縣，明清皆屬江西瑞州府。

元 曾義山，一名法興，上高人。善占術。至正間，嘗開卜肆於縣南之橋埠。青田劉基

承高安法興遇之，語曰：相公聰明絕世，而器識宏遠，當爲一代偉人。吾書盡以相

贈。基借觀乾象諸書，法興以原本畀之，曰：吾不欲留此以爲家禍也。後明太祖嘗

問基，授受所從。基以實對，乃令有司爲法興營居室，表其墳墓。

舊註：誠意伯祠祀，載僧法興善占術，以書付公云。

云：疑卽曾法興之訛，附識於此。○明楊慎升庵集光緒江西通志方術同治瑞州府志隱逸

明 劉侃，見玉篇，字豫甫，上高人。元季瑞州路學正。與高安丞劉基、奉新胡泰爲友。

精於易卜，世亂棄官家居。懸棹爲識，棹，直致切，同權。效韻，權，行舟也。號銀河棹。與人言吉凶，無不立。

驗。凡上高業陰陽術者。悉祖之。洪武初。以薦舉復任本學訓導。著有銀河棹外編。

光緒江西  
通志方術

明 陳繼宗。號見峯。少機穎。善奇門。精堪輿。挾其術。遊公卿間。時稱郭楊再世。子文

顯。孫其錦。俱究心父祖之術。業益顯。南瑞袁臨四郡。凡有興作。必取正焉。

同治瑞州  
府志方術

同治上高  
縣志技術

清 劉萼。號棣樓。耽視典籍。尤善堪輿術。陰陽水法。深得古人奧竅。長於諏日。相宅。

營兆。一時名公。延爲上客。

同治上高  
縣志技術

216 新昌縣

漢建城縣地。三國吳置宜豐縣。宋齊省。唐復置。宋改置新昌縣。元升爲新昌州。明復爲縣。屬江西瑞州府。清因之。民國改爲宜豐縣。

宋 鄒元佐。新昌人。涉獵書傳。精通五行。嘗以人之年月日時。分配金木水火土。而

推其生旺休囚。附以官貴祿馬刑殺。考其壽夭禍福。貴賤貧富。萬不差一。京師諸

貴人。爭造其門而問焉。因致家大富。嘗自言。凡看命。須隨所見。卽談。無不奇中。若

稍涉思慮。則相去遂遠矣。乃知技術。亦必純乎天。乃神。著有洪範福極彙倫奧旨。

五卷。貴命四十九格。行於世。時號新昌三奇。謂洪覺範奇於詩。彭淵材奇於藥。鄒

元佐奇於命。

圖書集成星命部名流列傳

明

李綱。少恢奇。好與從心坦。談地理。坦與江藩。陸杰。有舊。薦綱。陸大喜。世宗將塋

壽陵。敕選術士。陸以綱應。會駕幸天壽山。偶駐蹕。諸術士以龍穴獻。綱獨否。問之。曰。穴在龍足下。上曰。如案低何。綱進曰。至尊無對。上喜甚。嘆曰。術士出南方。信然。特授欽天監博士。

清

李慈受。字三素。宜豐人。善堪輿。敦品行。康熙癸酉。著天機一貫行世。天機一貫序

清

劉詡吉。以字行。幼攻舉業。與同縣邢廷尉福山。相友善。精青烏家術。言休咎。若燭照數計。聲名籍甚。咸豐間。特召江西巡撫陸應穀。相度萬年吉地。詡吉隨應穀入都。登山時。寒雪初霽。人多滑澌。不可持。詡吉尋龍抄穴。蹻健無匹。上嘉歎不置。自是名震都下。時年七十有四。

清

劉應對。字德言。博極羣書。精於選擇。著有造命衍義。陽宅修方。輿義允藏。差穀。

行世。以上同治瑞州府志方技

清 劉丕烈字樹勳。郡庠生。太平鄉人。博極羣書。精於選擇。著有選擇易知。家貧未

付梓。同治新昌縣志方技

217

贛縣。漢置。高帝時使灌英略定江南。始置贛縣。立城以防趙佗。今江西贛縣西南。益繁溪故城。是也。東晉

徒葛姥城。南朝宋徙贛水東。梁又遷贛水南。唐徙今治。明清皆爲江西贛州府治。清南贛鎮總兵駐此。章貢二水。於此合流。故名贛。地當贛江上游。扼贛粵二省交通之衝。清道光二十三年以前。海禁未開。外國通商港。惟廣州黃浦一埠。貨物之輸入輸出。皆以此爲要道。其繁盛十倍今日。海禁既開。贛縣之收入。驟遠不如前。然猶不失爲繁盛之區也。

唐 楊筠松寶州人。寶州。唐置南扶州。改爲寶州。取羅寶洞爲名。故治在今廣東信宜縣南二里。教場左。僖宗朝。掌靈臺地理事。官至金

紫光祿大夫。黃巢破京城。乃斷髮入崑崙山步龍。後至虔州。虔州。即今江西贛縣。以地理術。授

曾文迪。劉江東。世稱救貧仙人。是也。卒於虔。葬雩都藥口壩。著有青囊奧語。撼龍

經。天玉經。清萍鄉文廷式純常子枝語云。楊筠松。名益。字叔茂。寶州人。○四庫提要子部術數類二先緒江西通志方術

宋 謝普臣。晉臣。虔州術士。蘇軾過虔。贈詩云。蜀國新從海外歸。君平且莫下簾帷。

前生恐是盧行者。後學還呼韓退之。死後人傳戒定慧。生時宿直斗牛箕。憑君爲

算行年看便數生時到死時。

光緒江西通志方技

宋

黎端吉業堪輿三代矣。文文山先生贈序有云。與癡兒說夢。終日悶悶。使人欲

索枕僵臥。明者了了。不踰頃刻。能解人數百年中事。恨相見晚矣。山人黎端吉。客

吾門。旬日風雨。且稍霽。入吾山。一瞬而還。若有德色。問之。則山川巨細。情狀變態。

信手圖畫。如山中生長然者。何其敏也。黎氏祖爲吾鄉羅氏葬地。百年效驗。翁不

見。端吉食其報。又能以術世其家。翁信未死哉。端吉遺予地。予方撰履出郊。而端

吉又泝十八灘上矣。

贛江在贛縣萬安之境。有灘十八。在贛縣者九。曰白洲。天柱。小湖。整灘。大湖。銅盆。落灘。青州。梁口。在萬安縣者亦九。曰峴崙。贛灘。武朝。昂邦。小灘。大灘。編

灘。深神。惶恐。水性滿險。惶恐灘尤甚。本名黃公。後訛作惶恐也。

臨別敍其說。其歸也。爲予復來乎。

文山全集與山人黎端吉序道光贛州府志方技

宋

卜則巍字應天。贛縣人。精形家言。著作甚富。所傳雪心一賦。旨約而該。業地理

者。咸宗之。

光緒江西通志方術

明

池紀字本理。贛州人。著有禽星易見一卷。於一切人事得失趨避。無所不占。所

論禽星性情喜好。進退取化之理。較他書爲簡明。尤爲可採。

四庫提要子部術數類。按奇門五總龜四卷。採輯

衆說非一家言。其序謂池本理先生。潛心精究。以發其秘。先生乃咸淳鄉揭狀元。夢鯉公之裔。靈山縣尹。成器公之嗣。詩禮家傳。治聞博物。尤精星曆。陰陽地理等學。鄉貢進士四川彭山縣儒學教諭。羅昭爲作像贊云。天資高邁。器宇淵宏。學宗義孔。道契周程。陰陽造化。惟公愈明。著書垂訓。千載芳名。

清 黃一桂。學博。字樺坪。虔州人。耽奇好古。挾青烏術。以游粵東。阮文達公督廣。重

修省志。與校讎之役。稍出其著述以示人。晚年學業大進。大書楹聯曰。讀史漸知心學誤。蒞官益覺理儒疏。江鄭堂學博亟稱之。謂非閱曆世事。不能作此精語。自怡

軒楹聯  
聯話

清 朱鵬衢。四會人。精堪輿。至老研究不懈。著有易簡集。同治贛縣志方技

歷代卜人傳卷十五終

鎮江馬雲程校

宋沈括夢溪筆談云。今之卜筮皆用古書。工拙繫乎用之者。唯其寂然不動。乃能通天下之故。人未能至於無心也。則憑物之無心者而言之。如灼龜鑿瓦。皆取其無心也。

清顧炎武日知錄云。舜曰官占。惟先蔽志。昆命於元龜。詩曰。爰始爰謀。爰契我龜。洪範曰。謀及乃心。謀及卿士。謀及庶人。謀及卜筮。孔子之贊易也。亦曰人謀鬼謀。註云。惠氏曰。古者卜筮。先用精鑿之米以享神。謂之糝。楚辭云。巫咸將夕降兮。懷椒糝而要之。王逸注。言巫咸將下。願懷椒糝要之。使筮者占茲吉凶之事也。管子云。守龜不兆。握粟而筮者屢中。

清程樹勳壬學瑣記云。宋仁宗最嗜六壬。故其時習此學者甚多。而以元軫苗公達爲最。至徽宗高宗時。邵彥和一出。又駕諸人之上。理宗時有凌福之者。本邵公之法。著畢法賦。於是諸法咸備。至平至當。一掃疑神疑鬼之習氣。至金朝。則以六壬三命諸術考試司天臺學生。時有徐次賓者。精於其學。著一字玉連環。皆六壬家一脈相傳也。

# 中國歷代卜人傳卷十六

潤德堂叢書之八

鎮江袁阜樹珊編次

## 江西省三

218

零都縣

漢置。梁陳間廢。故城在今江西零都縣東北。地名古田坪。隋復置。唐初遷治。故城在今縣東南。地名大昌村。後又遷今治。明清皆屬江西贛州府。

唐

曾文迪

迪。晉延。緩步也。

零都賢里人。師事楊筠松。凡天文。讖緯。黃庭內景之書。靡不根

究。尤精地理。梁貞明間。至袁州萬載。愛西山之勝。謂其徒曰。死葬我於此。卒如其

言。後其徒忽見於豫章。歸啓其柩。無有也。所著有八分歌二卷。

光緒江西通志方術○元劉陽歐陽文公玄圭齋文

集。曾文迪像贊云。先生之學。吾誰與稽。吾有源委。測濶東西。先生之書。吾讀未遑。吾有徵信。季通紫陽。大道無形。公獨有像。神仙不死。公獨有葬。葬留仙訣。像賦仙風。止乎觀丘。池水澄融。魂月魄水。息慮長止。鶴鳴長

空。變化興起。遺針記傳。嚴密謹言。感發人心。何日已焉。

唐

劉江東。零都人。楊筠松在虔州江東。因曾文迪傳其術。初楊與曾。並不著文字。

江東稍有口訣。其裔孫謙。爲宋吏部郎中。知袁州事。乃著青囊經七篇。曰星龍穴



竅案應曜證羅城明堂水口詞旨明暢其術始顯

原註舊志劉江東列宋代傳稱與楊筠松同時則唐末人也今改正○光緒江西通志

方術同治贛州府志

宋 劉淵則字見道號叔雲零都人善堪輿著乘生祕寶經謝和卿字玉齋號玉元

子與淵則同時著神寶天寶二經具載藝術典中

圖書集成堪輿前名流列傳

明 邱宏道零都人博學能文得郭璞葬經究心三十年遂精其術淺深去就皆有

法與人言必以忠孝爲本

光緒江西通志方術

219 信豐縣

漢南望縣地唐置南安縣尋改信豐以人信物豐爲名明清皆屬江西贛州府

清 江宗淇字筠友信豐人武生耽吟詠精岐黃青烏術著有天符星曜趨避義例

六壬輯要造命發微造命千金列宿分度揆星師真編七十二圖航江一葦丸丹

膏方痘科善本諸書

道光贛州府志方技

220 興國縣

漢贛縣地三國吳置平陽縣晉改平固隋省宋太平興國間析贛縣置興國以年號爲名明清皆屬江西贛州府

唐 廖瑀字伯禹

光緒江西通志方術載宋廖瑀字伯禹

生於寧都年十五通五經人稱廖五經宋建炎中

以茂異薦。不第。父三傳。得地理之術於楊筠松。瑀尤精其術。號金精。以寧都有金精山也。所著有懷玉經。堪輿家至今宗之。後子孫徙居三寮。與曾文迪之後。同其繁盛。蓋兩家塚宅。皆筠松所卜。而貽之讖云。著有九星穴法四卷。又著十六葬法圖書集成堪輿部詳載之。四庫提要子部術數類存目二同治興國縣志方技

宋 胡從正。精青烏家言。主楊曾之說。爲人卜葬。安便詳審。無依違欺蔽之病。不特其術之過人己也。以上同治興國縣志方技

宋 譚元謨。舊縣志作文謨。全播江東壻也。精堪輿術。著有司馬頭陀天元一炁論。詞旨精微。深得江東肯綮。裔孫仲簡得其傳。

宋 謝世南。興國人。得青烏術於廖瑀。世南瑀之壻也。後傳其子永錫。爲武功大夫。惠州巡檢使。以上道光贛州府志方技

明 曾從政。文迪之後。與廖均卿同時。相度皇陵有功。授欽天監博士。學士解縉爲之贊。同治興國縣志方技

明 廖紹定善談名理。所著有地理指迷不下萬言。大要推本於太極。而敷演二氣五行八卦。其說甚精。

明 廖紹寵著有陽宅簡要書。福清葉相國爲之序。

清 廖邦明字睿堂。以堪輿術著名。所著巒理心得。向水指南藏於家。以上同治興國縣志方校

清 廖安民字覺生。興國人。諸生。世傳堪輿。安民尤有神解。嘗坐冤繫。太守郎永清

雪之。方修府廡。召之相度。曰甚吉。然不日有遷移之事。未幾以兄子巡撫江西。遂調汾州。又爲郎氏先世營宅兆。經歷塞外。至紅羅山。過逆藩吳三桂祖塋。極山川環抱之勝。安民私語同行曰。此不臣之心見矣。然覬覦非分。白虎銜尸。十年外當覆族。後如其言。光緒江西通志方術

221 會昌縣。漢至唐皆爲零都縣地。宋析置會昌縣。元升爲會昌州。明仍爲縣。屬江西贛州府。清因之。

清 樂嘉善字以貞。進賢人。精堪輿術。康熙乙酉間。來遊會昌。適有修學之舉。集衆地師。論說形勢。獨嘉善爲最。其指畫規模。亦合衆心。遂用之。由是遠近敦請。其術

大行。同治會昌縣志方技

222 定南廳。唐宋以來，爲龍南安遠信豐三縣地。明置定南縣，屬江西贛州府。清初因之。至乾隆三十八年改廳。民國仍爲縣。

清 黃恆對。字廷揚。定南人。國子生。工詩。尤精術數。道光贛州府志方技

223 南康縣。漢南豐縣地。三國吳析置南安縣。晉更名南康。故城在今江西南康縣西南隅一里。後遷今治。南朝宋改曰贛縣。隋復爲南康。明清皆屬江西南安府。

清 黃啓珠。號海門。鳳岡堡人。舉人。鯁直敢言。喜爲有益人事。精習青鳥家言。拯人每多奇驗。而不因以爲利。同治南康縣志人物

224 崇義縣。隋唐南康縣地。宋以後爲上猶縣地。明析置崇義縣。屬江西南安府。清因之。縣東北有大挖補地。小挖補地。大挖補地。在上猶縣東北。東界南康縣。北界遂川縣。廣島道三十六里。縱島道五十九里。小挖補地在南康縣治北條。西山峨山峯。錦山之間。二地孤懸在外。不與縣境相接。

清 陳鴻川。崇義人。廩貢生。四十日而孤。少穎悟。讀書目數行並下。淹貫經史。旁及星卜醫理陰陽諸家。性剛介。不苟合。教人以植學立品爲務。著有詩文雜藁待梓。

光緒南安府志文苑

225 寧都縣。三國吳陽都縣。故治在今江西寧都縣南五十里。白鹿營。晉太康初。徙縣北楊田營。或以爲卽故揭陽縣。劉宋徙縣東北三十里。太平里。地名徐霞。今治地名雪坪。隋所徙也。隋初改縣曰虔化。宋復

曰寧都。元升爲州。明仍爲縣。清升州。直隸江西。民國又改爲縣。清時魏禧及兄弟。皆州人。世稱寧都三魏。

唐

濮都監逸其名善青鳥術與楊筠松俱官司天監都監因黃巢之變避地寧都

縣懷德鄉以其術傳中壩廖三傳宋濂曰葬書始於郭景純唐末楊筠松與濮都監竊祕書中禁術自長安至寧都遂定居焉後以其術傳廖三傳廖傳其子瑀瑀傳其壻謝世南世南傳其子永錫遂祕而不授世之言地形者其盛無踰此數人今其書世多行之皆與郭氏合世不信地理之術則已信之舍此將何從求之歟元新喻劉則章有葬書註釋金華鄭彥遠復校而刻之

道光贛州府志方技

明

廖均卿瑀之裔成祖卜壽陵久不得吉壞永樂七年己丑仁孝皇后未葬禮部

尙書趙珩

珩音實至也

引均卿至昌平

昌平今縣名屬河北省在北平市之北地當居唐關南口爲北平北面第一要隘平綏鐵路經此

得縣東黃

土山最吉車駕即日臨視定議封爲天壽山命武義伯王通等董役授均卿官

光緒

江西通志方術

226

瑞金縣

唐置瑞金監本淘金之地也南唐升爲縣清屬江西寧都州地居黃水上游東南水行四十里至百城司又臨隘嶺陸行五十里至汀州爲通商要道

清 管志寧字一士。瑞金人。諸生。好學工詩。兼善形家之術。嘗負笈出遊。徧歷吳越山水。與諸名流互相贈答。雍正元年癸卯。應詔入都。相視吉地。奏對稱旨。授戶部主事。遷陝西司員外郎。改禮部主客司員外郎。憂歸。以勞瘁感疾卒。光緒江西通志方術

227

石城縣 漢零都縣地。三國吳分置揚陽縣。隋省入零都。名石城場。五代時南唐始置縣。以四山多石。捍峙如城。而名。清屬江西寧都州。

清

尹良相字玉輝。石城人。少好讀易。爲壬遁之學。卽另築一室。不設戶。只留小竅。以通飲食。精研默探。遂契玄妙。康熙初。寇警。保聚石筍寨。爲邑犄角。時賊據北郭。旦夕攻擊。城危累卵。權縣事李德明。集士民迎良相。良相至。請剋日衝賊營。人頗疑之。良相以家口質縣官。期必勝。先以計去賊礮。繼出健丁。率鄉勇攻。賊敗走。轉據西關廚嶺。乘高瞰城。飛矢集城中。良相復破之。賊又薄攀桂坊南關。幾陷。良相屢出奇計。戰無不利。忽一夕卜五更。城不吉。乃令更柝緩之。轉四更。天已黎明。賊大驚詫。畢佛援師至。遂解圍去。城賴以全。光緒江西通志方術

228

德化縣 漢榮桑尋陽二縣地。三國吳至梁陳。均曰榮桑。隋改曰溢城。唐改曰壽陽縣。五代時南唐改曰德化。明清爲江西九江府治。民國廢府。改德化曰九江縣。

晉陶淡字處靜。太尉侃之孫。幼孤。好導養之術。謂仙道可祈。年十五六。便服食絕穀。不婚娶。家累千金。僮客百數。淡終日端拱。曾不營問。頗好讀易。善卜筮。於長沙臨湘山中。結廬。養一白鹿。以自偶。親故有候之者。輒移渡澗水。莫得近之。州舉秀才。淡聞轉逃羅縣埤山中。終身不返。莫知所終。晉書列傳卷光緒江西通志列傳

清羅席珠。監生。爲信子。性孝友。善星學。凡先天太乙六壬演禽諸課。皆精習。道光年。邑令吳正緯。因逸要犯。占之。指向縣西南五十里地。來春緝之。必獲。後果驗。其占他事。率類此。著有六壬祕訣四卷。待刊。同治九江府志方技

229

德安縣唐潯陽縣地。五代楊吳置德安縣。明清皆屬江西九江府。南潯鐵路經之。

宋夏竦字子喬。德安人。歷仕太宗至仁宗朝。累官樞密使。封英國公。罷知河南府。遷武寧軍節度使。進鄭國公。卒諡文正。改文莊。竦資性明敏。好學。自經史百家。陰陽律歷。外至佛老之書。無不通曉。爲文章典雅藻麗。舉賢良方正。著有文集百卷。竦謫黃州時。龐穎公爲郡掾。竦識之。異禮優待。而龐嘗有疾。以爲不起。遂屬竦。後

事。竦親臨之。曰：異日管爲貧宰相。亦有年壽。疾非其所憂。龐語之曰：已爲宰相。豈得貧耶。竦曰：但於一等人中爲貧耳。故龐公晚年退老作詩述其事。曰：田園貧宰相。圖史富書生。爲是故也。宋莒公庠與弟祁尙皆布衣。竦亦異待。命作落花詩。莒公一聯曰：漢臯珮冷臨江失。金谷樓危到地香。子京一聯曰：將飛更作回風舞。已落猶成半面粧。是歲詔下。兄弟將應舉。竦曰：詠落花而不言落。大宋君公庠當狀元及第。又風骨秀重。異日當作宰相。小宋君非所及。然亦須登嚴近。後皆如其言。故竦在河陽。莒公登庸。以別紙賀曰：所喜有昔年安陸。二宋安陸人也。已識莒光。蓋爲是也。宋史本傳宋吳處厚青箱雜記

230

瑞昌縣

漢柴桑縣地。三國吳赤烏鎮。又曰瑞昌鎮。隋爲浚城縣地。唐爲潯陽縣地。後分潯陽縣西偏。立赤烏場。南唐升爲瑞昌縣。明清皆屬江西九江府。

清

張昌貴、武生。簡靜寡言。精易理。占驗罔不中。邑令董嘗以疑獄就決。尤工雕鐫。

極精巧。有得心應手之妙。

同治九江府志方技

231

湖口縣

漢彭澤縣。唐分彭澤置湖口戍。南唐升爲湖口縣。明清皆屬江西九江府。湖口鎮。總兵駐之。在鄱陽湖之口。故名。縣當江湖之衝。有砲臺及船廠。長江之要塞也。



明 張思問字鍾陽。湖口人。生平不慕榮利。惟究心先天理學。每有所得。則隨書之。嘗誦邵子之言曰。圖雖無文。吾終日言而不離乎是。著有理數卦氣圖書聲律等書。崇禎九年丙子。以孝廉賢能應辟。隨卒。光緒江西通志列傳

232 彭澤縣

漢置。故城在今江西湖口縣東三十里。三國吳嘗置彭澤郡於此。晉陶潛爲令理此城。隋改置龍城縣於東界。後改龍城爲彭澤。故城在今縣東南四十里。五代南唐時。徙今治。明清皆屬江西九江府。縣因山爲城。俯瞰小姑山。爲采石以上江路之扼塞處。

明

鵝池翁天啓間卜者。不言姓名。自號鵝池翁。居邑西門。賣卜。近二載。得錢卽沽酒。獨飲。必盡醉。醉卒伸紙疾書。書罷輒去其稿。人欲物色之。不可得。有造訪者。亦不答拜。最後於廢紙中得五七律詩各一首。云。落日殘橋外。維舟興不孤。春潮將滿岸。江鳥下平蕪。負笈纔離楚。吹簫已入吳。千金輕一擲。漫自說呼盧。又曰。浪跡江湖老此身。緜袍誰念故人貧。沙汀逐鶴渾閒事。風雨看花又一春。抱玉幾年終獻楚。懷書垂老不干秦。明朝說有孤山約。短艇長歌任性真。遂逸去。嘉慶彭澤縣志僑寓

233 星子縣

漢柴桑縣地。唐屬陽羅縣地。五代時楊吳置星子鎮。以落星石爲名。宋改鎮爲縣。明清爲江西南康府治。城湖鄱陽湖西岸。形勢便利。

清 崔運通、號德門。邑明經。能詩文。屢試不第。遂放情於技藝。善八分書。秦漢文。尤精。堪輿術。遠近相延者踵至。所著有地理管窺一得。未梓行。稿存於家。年八十餘。

卒。

同治星子縣志方技

234

建昌縣

漢海昏縣地。南朝宋省海昏。移建昌來治。元升爲建昌州。明降爲縣。屬江西南康府。清因之。民國改爲永修縣。

宋

王文卿、建昌道士也。在政和宣和間。不但以道術顯。其相人亦妙入神。蔡京嘗延至家。使子孫盡出見。王皆唯唯而已。獨呼一小兒。謂曰。異日能興崇道教者。必

爾也。京最愛幼子。再詢之。王拊所呼兒背曰。俟此兒橫金著紫。當賴其力。可復官。

京大不樂。小兒者陳桷元承也。

桷音角。覺韻。

母馮氏。蔡之甥。故因以出入蔡府。紹興間。

諸蔡廢絕。陳佐韓蘄王幕府。主徽猶閣待制。知池州。歲在辛酉。蔡京子孫見存者。特敍官。向所謂幼子者。適來池陽料理。陳爲之保奏。陳行天心法。食素。真一黃冠耳。

宋洪邁夷堅志

235

安義縣

漢海昏縣地。宋齊以後。爲建昌縣地。明析置安義縣。屬江西南康府。清因之。

清 熊德卿。號鐵嘴。安義人。少孤。從兄習星卜。通天人河洛之旨。出入公卿間。積酬

千金。悉以賑饑。全活無算。旋歸督課子孫。目見孫登鄉舉。後以曾孫官主政。受封

侍郎。張廷珠爲之序。布政使陳奉茲誌其墓。

同治南康府志人物  
同治安義縣志人物

清 萬吉士。字天錫。安義人。性瑰奇。忘懷得失。挾陰陽命數之學。遊京師。後以遊擊

致政。歸卒於家。

同治南康府志人物

清 彭昌旺。安義人。精命數。堪輿之學。著有拿心賦。四書評等書。習形家言者。多奉

其賦爲丹訣云。

同治南康府志人物  
同治安義縣志人物

清 楊承。字祛思。安義人。性豪宕。

宕。與蕩通。意氣橫佚也。

議論根據經史。以形家術遊京師。以州

判職。歸老於家。著有地書。今佚。高安朱軾爲之傳以表之。

同治南康府志人物

清 涂建日。字致和。號南山。安義里人。幼聰穎。工詩文。能書畫。挾技遊大邑名區。善

推算。而通玄理。卜筮尤精。斷吉凶無或爽。著有漢易指南。法釋未及梓。而遭兵燹。

人多惜之。

同治安義縣志人物

清楊來谷號玩山安義人學識明通書法秀潤以堪輿術遊都門晚年歸著有玩

山筆錄地經約旨等書

同治南康府志人物

236 鄱陽縣

春秋時楚番邑秦置番陽縣即吳芮所居之城也漢曰鄱陽故城在今江西鄱陽縣東三國吳復徙治吳芮故城即今治明清爲江西饒州府治

晉陶侃字士行本鄱陽人吳平徙家廬江之尋陽早孤貧爲縣吏廬江太守張夔

察侃爲孝廉劉弘辟爲南蠻長史先後討平張昌蘇峻等官至侍中太尉封長沙郡公拜大將軍侃性聰敏勤於吏職恭而近禮愛好人倫終日斂鄴危坐闔外多事千緒萬端罔有遺漏遠近書疏莫不手答筆翰如流未嘗壅滯引接疎遠門無停客常語人曰大聖人乃惜寸陰至於衆人當惜分陰豈可逸遊荒醉生無益於時死無聞於後是自棄也卒年七十六著有地理捉脈賦

晉書本傳藝術典賦與部名流列傳

晉師圭善相術嘗相鄱陽陶侃

字士行

謂曰君左手手中指有豎理當爲公若徹於上

貴不可言侃以針決之見血灑壁而爲公字以紙裹手

囊晉邑釋也

公字愈明侃果官

至侍中太尉封長沙郡公拜大將軍

晉書附陶侃傳

宋

洪邁字景廬。番陽人。自幼過目成誦。博極載籍。雖稗官虞初。釋老傍行。靡不涉獵。紹興間。中詞科。曆官龍圖閣學士。以端明殿學士致仕。卒年八十。謚文敏。所著容齋續筆。有云。今之五行家學。凡男子小運起於寅。女子小運起於申。莫知何書所載。淮南子汜論訓篇云。禮三十而娶。許叔重注曰。三十而娶者。陰陽未分時。俱生於子。男從子數。左行三十年立於巳。女從子數。右行二十年亦立於巳。合夫婦。故聖人因是制禮。使男子三十而娶。女子二十而嫁。其男子自己數。左行十得寅。故人十月而生於寅。故男子數從寅起。女自己數。右行得申。亦十月而生於申。故女子數從申起。此說正爲起運也。其他論納音五行等。尤多卓識。宋史附洪邁傳容齋續筆

宋

富春子善推占。嘉熙丙申。客饒。語人曰。此州將出宰相。然未見其人也。他日自饒還池州。又曰。何爲宰相聲。復在此方。驚咤不自決。值國忌。提舉段震午而下。羣集報恩寺。富春子往候焉。一見池州教授馬廷鸞。鸞曰。此其人也。後果驗。

明

西渚子。鄱陽人。或謂其本孝廉。以下隱。遇物起數。甚驗。有某儀賓。持象牙笏。問

之曰。簪笏之貴。卻緣骨月。後優人亦以簪笏往。曰。雖近簪笏。奈體輕微。居鄙久。著名。尋遊四方。各變名號。以顯其術。以上江西通志方術

明 童軒字士昂。鄱陽人。景泰辛未進士。官至吏部尚書。撰紀夢要覽三卷。是書一卷夢論。二卷紀夢事實。三卷禳夢符及占夢法。

明

羅珏。珏音覺。二玉相合爲一珏。字世美。鄱陽人。著地理總括三卷。刻於萬曆二年甲戌。前二卷

以二十四山分陰陽局。龍穴砂水各爲之圖。又及造命分金躔度諸法。其第三卷爲平原三法。附以諸家雜論。一曰特生墩阜。二曰眠互形局。三曰翦水裁局。所引楊筠松之遍地鈴。如水邊花發水中紅。窗外月明窗內白之句。寓言氣感。頗具名理。以上四庫子部術數類存目二

237

餘干縣。漢餘汗縣。隋曰餘干。明清皆屬江西贛州府。舊唐書元和志。皆謂隋時去水爲干。而宋書州郡志。已作餘干。漢書嚴助傳。亦作餘干。蓋傳寫之訛。

漢後 張遐。餘干人。幼聰明。日記萬言。年十九。從楊震。震語人曰。張遐當爲天下後世儒宗。建寧間。召爲五經博士。尋以疾還。教授。著有五經通義。易傳。策原。龜原。吳越

春秋等書。

宋 司馬武子。福應鄉土橋人。本姓何。隆興間。以風鑑遊武昌。會葬師司馬頭陀。拜爲父。得相地術。龍穴砂水。皆精造。時稱小司馬。里中趙七直閣。欲葬父。待武子以上賓禮。囑曰。吾得二地。一在某墓。一在某屋基上。當以金若干。縑帛馬疋爲謝。武子觀之。曰。不可。請別圖之。明日辭去。或問之。曰。吾以術爲人求富貴。有德者驗。否則不驗。今直閣欲葬此二地。有害於人。是無德也。恐富貴不驗。故不敢爲。後爲李

梅章氏葬地。富貴果驗。

道光餘干縣志方技

元 左麒。字國祥。德化鄉左橋人。少好學。寶定時。從謝枋得遊。麒得風鑑之術。凡人貧賤富貴壽夭禍福。言輒奇中。不責報。西隅趙孟濟。少極貧。見曰。爾年三十當大富。勿與小人遊。西隅謝俊。美髭鬚。好訟。見曰。爾獅子形。鬚白多事。幸慎之。不然有縲紲之憂。遇里之王寶。曰。汝急回。當溺水死。後皆驗。麒孤貧。尚忠節。與士大夫友。無諛誕。無微羨。或以術家待之。則拂袖而去。

同治餘干縣志方技

238

樂平縣

漢餘汗縣地。三國吳。樂安縣地。唐初以樂安廢縣。改置樂平縣。在今江西德興縣界。南臨樂安江。北接平林。因曰樂平。元升為州。明復為縣。屬江西饒州府。清因之。縣境盛產靛青。為出口大宗。

唐故治。在今縣東南。縣志云。唐乾符五年。為黃寇所廢。中和間。移今治。此說也。遷治若在唐時。寰宇記必詳及之。而今不載。當是宋後所移。

明

雲隴耕夫華姓。逸其名。邑神溪人。好堪輿術。得古祕書。常遊於江漢間。為人卜葬。無不奇驗。興獻王祐杭母太妃薨。召之卜。乃擇地於沔水西。許為催貴格。王曰。吾位藩王。貴已極。何用催為。對曰。此地法當催一聖嗣。異日比殿下更出一頭地。其應即在三十年中。山人猶及見之。未幾。而世子厚熹生。即嘉靖帝也。嘉靖二年癸未。召入京。以欽天監五官正官之辭曰。臣年逾七十。精力衰邁。且福命甚薄。不應沾祿位。願賜早歸。得躬耕隴上。以終天年足矣。上大悅。于是酬以金帛而歸。年  
至九十六。同治樂平縣志方技

239

浮梁縣

漢鄱陽縣地。唐析置新平縣。尋改置新昌縣。又改曰浮梁。明清皆屬江西饒州府。故城在今縣東北。民國移治景德鎮。

明

吳弢

發音叨。弓衣也。與韜通。

號雲樵。浮梁人。太學生。居京師。精於數學。論休咎多奇中。嘗以

角巾野服遊公卿間。張江陵興之。奔。忽飛燕入杯。江陵問弢曰。師相將有楚行。



江陵疑母疾。默然。弢曰：往來三月耳。頃報母逝。遂馳驛還。旋特旨起復。召歸。未踰百日。成國府失一鶴。遣使詢弢。弢謂在至尊無對之家。尋知鶴繫於皇太后慈慶宮。然弢不欲爲此。一日於所居門扉書曰：神仙牧子瀛海漁夫。遂去。竟無可跡。

明 閔觀。浮梁人。精梅花數。又能以人事占。有人倚傘於桑。問母病。觀曰：五人扶桑。不治矣。歸果然。隣有出而占酒食者。觀曰：得食有雉無首。隣果有留飲者。久而曰：汝雉可出。主人驚曰：果烹雉。以無首不獻也。乃出焉。因告之數。共嗟嘆久之。以上同治鶴州

府志  
方技

240 婺源縣

唐置。以婺源水適城三面。因名。故城在今安徽婺源縣北二十五里。即清化鎮。後移治絳高。即今城也。清屬安徽徽州府。民國二十三年。劃屬江西省。縣境山多田少。民多植杉木爲林。以供賦稅。婺源

人藏勝爲筏。下發江。以達於浙江。亦產茶。綠茶頗著。

宋

程惟象。婺源人。以占算遊京師。言人貴賤禍福如神。英宗在潛邸時。惟象預言

其兆。既貴。得賜書。王安石贈詩云：占見地靈非卜筮。算知人貴因陶漁。梅聖俞之

屬。皆有詩送之。故老猶見其家有御書。

光緒安徽通志方技婺源縣志方技

宋朱熹字元晦。一字仲晦。婺源人。父松字喬年。中進士第。官司勳吏部郎。出知饒州。未上。卒。熹穎悟。甫能言。父指天示之曰。天也。熹問曰。天上何物。松異之。就傳授以孝經。一閱。題其上曰。不若是。非人也。嘗從羣兒戲沙上。獨端坐。以指畫沙。視之。八卦也。年十八。貢於鄉。紹興戊辰。進士第。主泉州同安簿。累官煥章閣待制。諡文公。追封信國公。從祀孔子廟庭。所著有易本義。啓蒙。著卦考。誤詩集傳。大學中庸章句。或問。論語孟子集註。太極圖通書。西銘解。楚辭集註辨證。河南程氏遺書。伊洛淵源錄。皆行於世。平生爲文。凡一百卷。生徒問答。凡八十卷。別錄十卷。

宋史道學  
○朱子語

類輯略。答生徒問。有云。數只是算氣之節候。大率只是一箇氣。陰陽播而爲五行。五行中各有陰陽。甲乙木。丙丁火。春屬木。夏屬火。年月日時。無有非五行之氣。甲乙丙丁。又屬陰屬陽。只是二五之氣。人之生。適遇其氣。有得清者。有得濁者。貴賤壽夭皆然。故有參差不齊如此。聖賢在上。則其氣中和。不然。則其氣偏行。故有得其氣清。聰明而無福祿者。亦有得其氣濁。有福祿而無知者。皆其氣數使然。堯舜禹皋。文武周召得其正。孔孟夷齊。得其偏者也。至如極亂之後。五代之時。又却生許多聖賢。如祖宗諸臣者。是極而復者也。如大睡一覺。及醒時。却有精神。又問天命謂性之命。與死生有命之命不同。何也。曰。死生有命之命。是帶氣言之。氣便有稟得多少。厚薄之不同。天命謂性之命。是純乎理言之。然天之所命。畢竟皆不離乎氣。但中庸此句。乃是以理言之。孟子謂性也。有命焉。此性是象氣稟食色言之。命也有性焉。此命是帶氣言之。性善又是超出氣說。○又問子罕言命。若仁。發禮智五常。皆是天所命。如貴賤死生壽夭之命。有不同。如何。曰。都是天所命。稟得精英之氣。便爲聖賢。便是得理之全。得理之正。稟得清明者便英爽。稟得敦厚者便溫和。稟得清高者便貴。稟得豐厚者便富。稟得久長。

者便壽。稟得衰微薄弱者，便爲愚不肖，爲貧爲賤。天有那氣，生一箇出來，便有許多物隨他來。又曰：天之所命，固是均一，到氣稟處，便有不齊。看其稟得來如何。○又問：節濶不幸短命，伯牛死，曰：命矣夫。孔子得之不得，曰：有命。如此之命，與天命謂性之命，無分別否。曰：命之正者出於理，命之變者出於氣質。要之皆天所付予。孟子曰：莫之致而至者命也。但當自盡其道，則所值之命，皆正命也。○又問：得清明之氣爲聖賢，昏濁之氣爲愚不肖，氣之厚者爲富貴，薄者爲貧賤，此固然也。然聖人得天地清明中和之氣，宜無所虧欠，而夫子反貧賤，何也。豈時運使然耶。抑其所稟亦有不足耶。曰：便是稟得來有不足，他那清明也，只管得做聖賢，卻管不得那富貴。稟得那高底則貴，稟得那厚底則富，稟得那長底則壽，貧賤夭者反是。夫子雖得清明者，以爲聖人，然稟得那低底薄底，所以貧賤。顏子又不如孔子，又稟得那短底，所以又夭。○明王發震澤長語云：程朱之學，一也。程子以凡百玩好皆奪志。詩文成誦，至於書札，皆以爲玩物喪志。朱子則不然。天文歷律度數，無不究悉，仍好爲文。工於詩，工於筆札。如楚詞韓文，亦皆注釋。至五行陰陽風水之說，亦皆通曉。雖參同契、陰符經之類，亦注之。亦好奇矣。觀程子得無異乎。然通天人

之謂儒。朱子有焉。

宋 陳同甫善推祿命。朱子與同甫書云：震之九四，向來顏魯子，以納甲推賤命，以爲正當此爻，常恨未曉其說。今同甫復以事略推配，與之暗合。然則此事固非人之所能爲矣。清姚鼐授  
鴉堂筆記

宋 董元善婺源人，精卜筮。子平諸術，嘗決程泌，必過兩府，乃未過府而卒。或戲其

語不驗。元善奮然曰：雖死亦當過府。果累贈端明殿學士，得執政恩例。光緒安徽  
通志方技

宋 游克敬婺源人，精形家言。謂狐首經爲地理之祖，爲之箋釋。族孫朝宗，字元禮。

得其傳。明永樂初，應詔卜天壽山陵，優賜還山。光緒安瀾通志方技

宋 李相士，頗著名。婺源許月卿先生贈其詩云：相心然後相人形，試相何時可太平。集思廣益真宰相，開誠布公肝膽傾。先相君子與小人，小人枉了君子贏。見吾善者笑局局，眼明黃山峯六六。何者逆豎干天誅，衰漢生靈已魚肉。安得重見無極翁，光風霽月黃山谷。又詩云：一年景讓秋光奇，山水秋來皆有姿。君於何處相人物，誰爲盜賊誰伯夷。伯夷海濱待時清，秋空無雲正清時。相人不若相時好，相時而動談笑靡。笑殺馮道五季時，興亡不喜而不悲。相師試相馮道相，視國傳舍如弈棋。許月卿先天集贈李相士

宋 碧鑑相士，有道者也。許先生太空贈以七絕一章，君如碧鑑照英雄。我鏡清寒

印太空，請向文昌橋上看。碧天提出碧流中。婺源許太空先天集贈碧鑑相士

宋 韓東野，精子平術，遐邇知名。許宋士先生贈以詩云：時來風送滕王閣，運去雷

轟薦福碑。莫道去年曾算了，從知禍福逐年宜。許山屋先天集贈談命韓東野

宋 張相士兼談星命。婺源許山屋先生贈詩有云。我生丙子自盤空。愛主憂時水

注東。願子相人無軟語。莫教人喚密翁翁。

先天集贈張相士

宋 張尉字梅隱。通陰陽術數之學。世人多稱道之。許遣老贈之詩云。梅仙亦向市

門隱。君去市門翻隱梅。貴賤窮通春夢覺。孤山依舊水邊開。

先天集贈梅隱術士張尉

宋 蔣逸堂精研星命。預識行藏。許宋士先生贈以絕詩一章。星學精微蔣逸堂。瀧

溪一賦見行藏。樓高照眼銀漢水。萬籟無聲月印窗。

先天集贈星學

元 胡一桂字庭芳。號雙湖。婺源人。景定甲子領鄉薦。試禮部不第。教授鄉里以終

事蹟具元史儒學傳。撰易學啓蒙翼傳四卷。一桂之父方平。嘗作易學啓蒙通釋。

一桂更推闡而辨明之。是書凡爲內篇者三。一曰舉要。以發辭變象占之義。二曰

明筮。以考史傳卜筮卦占之法。三曰辨疑。以辨河圖洛書之同異。皆發明朱子之

說者也。爲外篇者一。則易緯候諸書。以及京房飛候。焦贛易林。楊雄太元。司馬光

潛虛。以至邵子皇極經世諸法。亦附錄其概。以其皆易之支流。故別之曰外。

四庫經部易經

明 胡獻忠，自號六六道人。婺源人。撰大統皇歷經世三卷。其書以明代大統歷所列九宮紫白圖。俗師多有譌異。故特揭而明之。大旨推本洛書。弁以八卦法象。三十六宮序卦之圖。並取丹書圖象。而以敬與義爲一白。怠與欲爲二黑。謂卽九宮紫白之原。次及九星中宮款歌。黃黑道列宿。一切吉凶消息之要。中卷爲十二月直日星煞之圖。下卷爲六甲直時星煞之圖。蓋當時選擇通行之本也。四庫子部術數類子目二

明

江曉，字東白。旃源人。精先天易數之學。屢著奇驗。卜吉凶者。其門如市。

明

江仲京，字林泉。旃源人。得異授堪輿之學。卜地葬祖先。囑傭者曰：下當有靈物。

見時卽止。耑忽倦極思睡。鋤果及水。有雙金魚飛去。亟醒京。京踏羅持劍訣招之。金魚復飛入。遂封壙。後孫一桂舉孝廉。建立奇績。女家余文莊公。亦貴極一時。皆地脈所鍾也。與兄抱一、東白。時稱爲婺東三仙。

明

李景溪、李坑人。精通易學。卜宅星日諸家。凡修造選擇。捷應咸稱神奇。有陽宅

禱訣、雷霆心法。以上光緒婺源縣志方技

明 遊遜、婺源人。精青烏術。婺源縣治公署。皆其所定。同邑汪朝邦工醫。著有方書

集說。尤精形家言。得吉穴葬親。自云葬後。常有顯著。越一紀。孫尙誼生。曰：此子應

三品秩。但算促耳。後成進士官。按察使。早卒。光緒安徽通志方技

清 張士旺、字咸吉。沱川人。少穎悟。嗜易學。家貧。不能專讀。棄儒習星學。以養父母。

久之。益精。嘗著有形氣指南一卷。遊休歙間。推驗如響。汪文端公目之曰：此半仙

也。遣以詩命曰張伴仙。光緒婺源縣志方技

清 汪綱、字允堅。婺源舉人。官盱眙教諭。所著有周易夏殷易占法考、讀史記、躬厚

堂詩古文稿。光緒安徽通志文苑

清 汪勳文、號幾先子。族叔雙池。婺源人。長於卜。遊遊四方。老而不厭。凡就卜者。皆

因人隨事。從容引策。而歸之於仁義道德之途。侃侃正言。不雜之以詭怪虛傳之

說。有隱君子之風焉。雙池文集

清

江永，字慎修，婺源人。康熙諸生。博古通今。著述極富。大而天文地理，中更人事。下及小道，如醫卜之屬，莫不攷其源流，通其條貫。晚年歸本河洛，撰爲精蘊九卷。舉凡形上形下，悉皆薈萃於內，發揮指趣，曲鬯旁通。其自序有云：信乎天地之文章，萬理於是乎根本。聖人之文章，萬法於是乎權輿。河洛精蘊，蓄之心者有年，今耄矣。暮年歲月，弗忍虛擲，爲先儒拾遺補闕，亦區區之心。爰題勉成之。乾隆壬午卒。年八十一。

清史稿儒林  
河洛精蘊序

清

胡邦達，清華人。多才藝。卜筮星學俱貫穿。尤精於醫。凡寒熱虛實，似是而非，以及罕見怪症，人不能療者，達俱著手成春。人神其術，不受謝。施藥濟貧。邑侯晏頤以保合太和所撰有證治類案，未成編而卒。

光緒婺源  
縣志方技

清

汪紱，初名烜，字燦人，號雙池，婺源人。諸生。少稟母教。八歲四子書，五經悉成誦。家貧，父淹滯江寧，侍母疾累年。十日未嘗一飽。母歿，紱走詣父，勸之歸。父曰：昔人言家徒四壁，吾壁亦屬人。若持吾安還，叱之去。紱乃之江西景德鎮，爲畫碗之役。



後飄泊至閩中。爲童子師。館楓嶺浦城間。從遊者日進。聞父歿。一慟幾殆。卽日奔喪迎櫬歸。絨自二十後。務博覽。著書十餘萬言。三十後。盡燒之。自是凡有述作。凝神直書。自六經下逮樂律。天文地輿。陣法術數。無不究暢。而一以宋五子之學爲歸。著有春秋集傳。禮記章句。四書詮義。易經如話。戊笈談兵。六壬數論。醫林纂要。及律呂通解。理學逢源。雙池詩文集等書。行世。絨初聘於江。比歸娶。江年二十八矣。嘗語諸弟子曰。吾歸汝師三十年。未嘗見一怒言。一怒色也。乾隆己卯卒。年六十八。子思謙。增生。毀卒。清史稿儒林光緒安徽通志儒林

清

江彥明。字晏其。婺源副貢。著有五經圖考。詩經箋疏。四書約言。諸史彙鈔。及天文地理陰陽卜筮諸書。刪訂成編。加以疏論。共八十餘卷。光緒安徽通志文苑

清

葉泰。字九升。婺源人。撰山法全書十九卷。自序謂先輯平陽全書。復輯是編。皆哀集前人堪輿之說。而以己意評註之。亦間附以己作。大旨以楊筠松。吳景鸞二家爲主。其論巒頭陰陽。尤尊楊氏。而闢廖金精之說。其龍法論九星。不取五星之

說其凡例。謂山法流傳既久。其正形正象。俱葬去無遺。故有有遺穴無遺龍。惟奇形怪穴。人所不能識。人所不敢下者耳。於今日而言山穴。舍奇怪無從也。

四庫提要子部術數

類存目二〇卓按。民國金華縣志藝術。亦載葉泰所著地理大成二十八卷云云。

清

洪騰蛟。字鱗雨。號壽山。婺源人。年十八。入邑庠。名第一。越七年。爲乾隆庚午。領

鄉薦。樂道安貧。隱居教授。甌欲生塵。晏如也。辛亥夏四月四日。終於家。年六十有六。騰蛟研窮經訓。旁通醫策。象緯堪輿。咸臻其妙。病中生徒致候。談笑如常時。且告曰。吾病在傷肝。當以申日去。及卒。果戊申日也。所著壽山存稿。稽年錄。鄣麓常

談諸書。

碑傳集文學下之下

241

德興縣

漢餘汗縣地。後漢建安中。孫權分置樂安縣。陳廢。唐爲樂平縣地。五代南唐。改置德興縣。明清皆屬江西贛州府。

宋

吳景鸞。字仲翔。德興人。漢長沙王芮裔孫。漢高帝立吳芮爲長沙王。都臨湘。卽今湖南長沙縣。祖法旺。喜天文。

地理之學。聞華山陳搏。洞徹祕奧。遣子克誠師之。得其肯綮。一日搏命之歸。曰。汝子仙才。能紹業。盡以青囊書授。克誠克誠子。卽景鸞也。聰慧過人。得其書。精究有

驗。慶歷辛巳，詔選精陰陽者。郡縣舉景鸞至京。人對稱旨，授司天監正。未幾，因論牛頭山山陵，章奏過直。有坤風側射，厄當國母離宮。坎水直流，禍應至尊。下殿之語，上不悅。下獄。尋以帝晏駕遇赦。後徽欽二聖北狩，卒如其言。又進中餘圖，不報。知時不可爲，遂佯狂髡髮，修真於天門西岸白雲山洞。往來饒信二州，數處同日。皆有景鸞迹。治平初，一日忽以遺書付其女沐浴更衣，端坐而逝。所著有理氣心印。吳公解義。天玉經外傳一卷。四十八局圖一卷。圖書集成藝文部名流列傳光緒江西通志方技及四庫提要術數類存目二

宋

傅伯通，德興人，與鄒仲容

疑周之誤

同師廖金精。金精得之吳景鸞。宋南遷，伯通拜

詔往相臨安。表略曰：顧此三吳之會，實爲百粵之衝。錢氏以之，開數世之基。郭璞占之，有興王之運。天目雙峯，屹立乎斗牛之上。海門一點，橫當乎翼軫之間。雖云自昔稱雄，實乃形局兩弱。只宜爲一方之巨鎮，不可作百禩之京畿。駐蹕僅足偏安。建都難奄九有。表上，竟升杭州爲臨安府，而稱行在。

宋

周寬，字仲容，師廖金精，得其術。爲汪伯彥卜地葬親，乃借堪輿家論，貽書以動。

之末云。方今幽燕未還版籍。朝廷有意恢復。倘值此時。揚師整旅。當勿計名位高卑。昌言於朝。奮力請進。必立希世功名。若參之他意。微有更改。妄觸一機。百關俱廢。汪是其言而不能。用。丁未拜相。周術果奇。而書中之議。竟托空言。以上光緒江西通志方術

宋

祝泌。字子涇。自號觀物老人。德興人。四庫提要云鄞陽人。以進士授饒州路三司提幹。傳邵

氏。皇極之學。於廖應淮。年老乞休。御書觀物樓扁額賜之。元世祖詔徵不赴。著有觀物篇解。六壬大占。祝氏祕鈐。光緒江西通志列傳四庫提要子部術數類一

元

梁饒。德興人。元季時。精堪輿術。一日過樂平大汾潭。遇雪。時歲暮。渡者李翁止

宿。飲至酣。大呼曰。世上何人能識我。今日時師後代仙。李懇求吉地。梁即指示穴處。屬曰。貴從武功來。禍後福始應。葬數年。李以罪戍定遠。產黔寧王英。明祖育之軍中。賜以國姓。復賜姓沐。追封三代。皆爲王。圖書集成堪輿部名流列傳光緒江西通志方技

元

傅立。字權甫。德興人。刻意學問。有文名。得里人祝泌。四庫提要云泌精皇極數。其甥傅立傳其術。爲元世祖占卜。尙能前知。

輿錄云。傅立號初庵。皇極數學。歷官奉政大夫。致仕。卒諡文懿。立出入禁闈二十餘年。眷遇

加隆。嘗建初庵書院。以惠後學。

明

齊琦。字仲圭。號易巖。德興人。世以儒學名。從祖夢龍。貴澄。皆精邵氏易。貴澄常注經世觀物等書。琦自幼領悟其旨。建昌廖應淮。同郡祝泌。傳立。皆傳邵子學。琦既承家學。兼得祝氏傳氏之傳。由聲色氣味以起數。而推極乎元會運世。卽其數之所見。天地氣運之否泰。生人吉凶休咎之徵。無不可預定其言。人未至之事。如在目前。嘗語人曰。自今以往。天下多故。不十五年。京邑南遷千里矣。未幾。朝廷削弱。權臣挾皇嗣駐江南。又嘗曰。南士行人風憲矣。時省臺擯南人不用已久。未幾。果有詔用南人。其精驗類如此。然非可語者。雖貴人概不與通。嘗署初庵書院山長。後屏居鄱陽山中。洪武初。授婺源教授。上遣使與語。奇之。徵拜太史。卒於官。琦雖精於數學。然通經史大義。非以術數名家。立言必歸仁義。有關世教。士大夫用是尤尊慕之。

明 徐善繼。德興人。補邑庠生。以親喪未厝。與孿生之弟善述。究心堪輿之學。因得

吳景鸞遺書於天門白雲洞。遂深明其奧旨。遷縣治。易學基。士大夫莫不欽其慧識。所著有人子須知。徐文貞階序其書。

明 董德彰。名潛。德興人。事寡母至孝。一日救白神龜。夢示仙書於石巖中。得之。遂精堪輿。不計利。不得葬者助之。或一葬未善。復爲之遷。時稱董半仙。著有四神祕

訣水法等書。

以上光緒江西通志方術

明 程天昭。十九都人。神於堪輿。馳名衢徽。饒信間。著道法雙談。撼龍。疑龍。二經。注解。傳世。

明 董燦。字光夫。八都人。博通經史律數。尤精堪輿。究心祖半仙。四神祕訣水法等書。著有續行要言。族黨間所指吉穴。不索謝。後皆神驗。人謂小德彰云。

明 祝仲陽。字宣武。二十都人。僉憲自明孫。精堪輿。吳廖傳董之亞。遠近名地。多其指示。著有燈下授徒十八說。

清 傅仲乾。字健生。邑侯施。改名時際。二十七都人。聰明穎悟。技藝一見。瞭如指掌。

尤精堪輿。著有地理易知錄。藏於家。以上同治德興縣志方技

清 余樹芝。字懷封。在市人。監生。幼聰敏。習舉子業不售。遂學堪輿。嘗云。地學自明

萬歷後。舛謬雜出。惟蔣氏地理辨正得其宗。顧其言多隱。於是日夜精思。能發蔣氏不傳之祕。撰羅經兩盤。而元空大卦之義。無所不該。著有元空真語三卷。藏於

家。光緒江西通志方術同治德興縣志方技

清 王朝元。字碧川。十八都人。郡庠。邑孝廉。張宿。掌教白鹿洞。往從遊焉。談及地理。

因舉吳景鸞上諫遷牛頭表。董德彰陰陽二宅祕書讀之。遂悟其微。著有地理晰疑書。

清 陳錫周。字流芳。三十六都蔡家灣人。習舉子業不售。遂究心方技。晚年精堪輿術。得星歷之傳。游技而不取值。咸豐初。逆料難至。不出戶庭者數年。著有俗評地

理。藏於家。以上同治德興縣志方技

242 萬年縣。明割鄱陽餘干縣不貴溪四邑地置。屬江西龍州府。清因之。

明 柯佩字月潭。精堪輿家言。萬歷間。著有地理統匯大成。金斗祕訣行世。八閩門人彭容校刊。同治萬年縣志方技

243 靖安縣 漢海昏縣地。後漢爲建昌縣地。唐置靖安鎮。揚吳改靖安。南唐升爲縣。明清皆屬江西南昌府。

清 陳鹿章字德輝。號聽秋。益田人。邑增生。讀書好古。性淡雅。不慕聲華。居恆焚香默坐。旁搜博覽。淹通時務。風雪晴雨之占。決之如響。著有六壬寶錄。璇璣捷覽。聽秋遺稿待刊。同治靖安縣志識逸

244 武寧縣 三國吳西安縣。晉曰豫寧。隋廢。唐又置武寧縣。復曰豫寧。尋又改曰武寧。明清皆屬江西南昌府。

明 潘荃字芳谷。武寧人。通奇禽風角六壬諸數。亦精唐許之術。物色劉縱於未達時。後縱爲將軍。荃從征西南。參謀軍事。多所裨益。縱欲薦於朝。固辭。乃以筇竹杖鐫詩贈焉。

清 盧元俊字黃耳。武寧人。爲諸生。以易名家。後兩目失明。仍研慮爻辭象象。會七十二家之旨。以究京焦之學。遂精於卜筮吉凶休咎。唯其所命。居洪州十餘年。一時有君平之目。所著卜緝心解。義類簡要。爲世所宗。以上同治南昌府志方技



245

義寧州

元置寧州。明因之。清初亦爲寧州。後改爲義寧州。屬江西南昌府。民國改州爲縣。又改爲修水。以縣有修水名。

元

祝泰字輔卿。吳仙里人。通周易。精於陰陽術數。所著有奇門年月行世。

同治義寧州志方技

清

魏澄清字春湖。義寧人。博通青囊金匱奇門六壬諸祕。遠近求醫。輒往視。貧者

施以藥餌。不取貲。活人甚衆。著有地理心印錄四卷。春湖隨談詩鈔二卷。

同治南昌府志方技

清

胡星煌字簡勳。號南垣。武鄉帶溪人。性篤實端方。行止不踰禮法。清貧積學。屢

困名場。旁精素問。青烏家言。著有醫林治論。地理可觀集五十卷。地學陰陽十卷。

選擇十卷。卒年八十有六。子恩貢克恭。號恪山。清修。有父風。豐薦未售。士林惜之。

同治義寧州志方技

清

陳釗字淡埜。號虛虛子。性好奇書。講求術數。謂爲風鑑一書。由來尙矣。古王公

大臣士大夫。豪傑之士。無不究心此書。豈獨泉石逸士。流覽而潛玩已哉。於是精

心探討。觸類旁通。道光癸巳。輯相理衡真十八卷。蓋相法必揆其理。衡鑒必求其

真也。

相理衡真序

歷代卜人傳卷十六終

小門生江都包長林校

國家圖書館



005491535



音